

OFFICIA PROPRIA CANADENSIS DITIONIS

PARS PRIOR

In Cathedr. Victorien.,
Vancouver. et Reginaten.

DIE 30 NOVEMBRIS

SANCTI ANDREÆ

APOSTOLI

TITULARIS ECCLESIAE

CATHEDR.

I classis

Omnia ut in Brev.

Ad I Vesperas, ut ad II,
cum ant. ad Magnif. Unus
ex duobus.

In Cathedr. Chicoutim.
in Vic. Apost. Grouard et
Kenvat.

DIE 3 DECEMBRIS

SANCTI FRANCISCI XAVERII

CONFESSORIS

TITULARIS ECCLESIAE

ET IN LOCIS MISSIONUM

PATRONI PRINCIP.

I classis

In ditione Canadensi

PATRONI SECUNDARI

II classis

Omnia de Comm. Conf.
non Pont., præter sequen-
tia.

I CANADEN. — PRIOR

Oratio

DEUS, qui Indiârûm
gentes beati Francisci
prædicatione et miraculis
Ecclesiæ tuæ aggregare
voluisti : concède propi-
tius; ut, cujus gloriosa
merita veneramur, virtû-
tum quoque imitemur ex-
empla. Per Dóminum.

Et fit com. feriæ.

In I Nocturno, lectiones
Beatus vir, 1º loco.

In II Nocturno

Pater. Absol. Ipsius pié-
tas.

Bened. Deus Pater.

Lectio iv

FRANCISCUS, in Xavé-
rio diocesis Pampe-
lonensis nobilibus
paréntibus natus, Parisiis
sancto Ignátio sese cómi-
tem et discipulum junxit.
Ipso magistro eo brevi de-
venit, ut in rerum diviná-
rum contemplatione defi-
xus, a terra aliquando
sublímis elevarétur : quod
illi sacrificánti coram

pópuli multitudíne ali-
quóties evénit. Has ánimi
delicias magnis sui córpo-
ris cruciátibus merebá-
tur. Nam interdító sibi,
non carnis solum et vini,
sed panis quoque triticei
usu, vílibus cibis vesci só-
litis, per bíduum subinde
triduúmque omni prorsus
aliménto abstínuit. Fér-
reis in se flagéllis ita sæ-
viit, ut sæpe copióso cruo-
re diffliúeret; somnum bre-
víssimum humi jacens
carpébat.

R. Honéstum fecit il-
lum Dóminus, et custodí-
vit eum ab inimícis, et a
seductóribus tutávit il-
lum : * Et dedit illi clari-
tátem ætérnam. V. Ju-
stum dedúxit Dóminus
per vias rectas, et osténdit
illi regnum Dei. Et.

Bened. Christus perpé-
tuæ.

Lectio v

VITÆ austeritáte ac san-
ctitáte apostólico mú-
neri jam matúrus, cum
Joánnes tértius Lusitániæ
rex áliquot nascéntis so-
cietátis viros a Paulo tér-
tio pro Indiis postuláset,
sancti Ignátii hortátu, ab
eódem Pontífice ad tan-
tum opus cum apostólici
núntii potestáte delígitur.

Eo appúlsus, illico variá-
rum géntium difficillimis
et váriis linguis divínitus
instructus apparuit. Quin
eum quandóque único
idiómate ad diversas gen-
tes concionántem, una-
quæque sua lingua lo-
quéntem audívit. Províncias
innúmeras pédibus
semper, et sæpe nudis,
peragrávit. Fidem Japó-
niæ et sex áliis regiónibus
invéxit. Multa centéna hó-
minum millia ad Chri-
stum in Indiis convértit;
magnósque príncipes, re-
gésque complúres sacro
fonte expiávit. Et cum
tam magna pro Deo áge-
ret, ea erat humilitáte, ut
sancto Ignátio, tunc præ-
pósito suo, flexis génibus
scríberet.

R. Amávit eum Dómi-
nus, et ornávit eum : sto-
lam glóriæ induit eum,
* Et ad portas paradísi co-
ronávit eum. V. Induit
eum Dóminus lorícám fí-
dei, et ornávit eum. Et.

Bened. Ignem sui amó-
ris.

Lectio vi

HUNC dilatándi Evangé-
lii ardórem multítu-
dine et excelléntia mira-
culórum Dóminus robo-
rávit. Cæco visum réddi-

dit. Tantum marinæ aquæ
signo crucis convértit in
dulcem, quantum quin-
géntis vectóribus, qui siti
adigebántur ad mortem,
diu suffécit : qua in várias
quoque regiónés asportá-
ta, ægri plúrimi súbito cu-
ráti sunt. Plures mórtuos
revocávit ad vitam, inter
quos pridie sepúltum éruí
jussum e túmulo suscitá-
vit, duósque álios, dum
efferréntur, apprehénsa e-
órum manu, paréntibus e
féretro vivos restítuit. Pro-
phetiæ spíritu passim af-
flátus, plúrima et loco et
témpace remotíssima e-
nuntiávit. Demum in San-
ciáno, Sinárum ínsula, die
secúnda Decémbris, obiit
plenus méritis, laboribús-
que conféctus. Demórtui
cadáver viva calce per mul-
tos menses bis óbrutum,
sed pénitus incorrúp-
tum, odóre et ságuine
manávit; et ubi Málacám
delátum est, pestem sæ-
víssimam conféstim ex-
stínxit. Dénique ubique
terrárum novis maximís-
que fulgéntem miráculis.
Gregórius décimus quin-
tus Sanctis adscrípsit. Pi-
us autem décimus ipsum
sodalitáti et óperi Propa-
gandæ Fidei cæléstem pa-

trónum elégit atque con-
stítuit.

R. Iste homo perfécit
ómnia quæ locútus est ei
Deus, et dixit ad eum :
Ingrédere in réquiem me-
am : * Quia te vidi justum
coram me ex ómnibus
géntibus. V. Iste est, qui
contémpsit vitam mundi,
et pervénit ad cæléstia re-
gna. Quia. Glória Patri.
Quia.

In III Nocturno

Pater. Absol. A vínculis.
Bened. Evangélica léctio.
Léctio sancti Evangélii
secúndum Marcum

Lectio vii Cap. 16, 15-18

IN illo témpore : Dixit
Iesus discípulis suis :
Eúntes in mundum uni-
vèrsum prædicáte Evan-
gélium omni creatúræ. Et
réliqua.

Homília sancti Gregórii
Papæ

Homilia 29 in Evang.,
post init.

POTEST omnis creatú-
ræ nómine omnis
nátio Géntium desi-
gnári. Ante enim dictum
fúerat : In viam Géntium
ne abiéritis; nunc autem
dícitur : Prædicáte omni
creatúræ : ut scílícet prius

a Judæa Apostolorum repulsa prædicatio tunc nobis in adiutorium fieret, cum hanc illa ad damnationis suæ testimonium superba repulisset. Sed cum discipulos ad prædicandum Veritas mittit, quid aliud in mundo facit, nisi grana seminis spargit? Et pauca grana mittit in semine, ut multarum messium fruges recipiat ex nostra fide.

R. Iste est, qui ante Deum magnas virtutes operatus est, et de omni corde suo laudavit Dominum: * Ipse intercedat pro peccatis omnium populorum. V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Bened. Cujus festum.
Lectio viii

NEQUE etenim in universo mundo tanta fidelium messis exurgeret, si de manu Domini super rationalem terram illa electa grana prædicantium non venissent. Sequitur: Qui crediderit et baptizatus fuerit, salvus erit: qui vero non crediderit, condemnabitur.

Fortasse unusquisque apud semetipsum dicat: Ego jam credidi, salvus ero. Verum dicit, si fidem operibus tenet. Vera etenim fides est, quæ in hoc, quod verbis dicit, moribus non contradicit. Hinc est enim quod de quibusdam falsis fidelibus Paulus dicit: Qui confidentur se nosse Deum, factis autem negant.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis. V. Vigilate ergo, quia nescitis qua hora Dominus vester venturus sit. Et vos. Gloria Patri. Et vos.

Bened. Ad societatem.
Lectio ix

SIGNA autem eos qui credituri sunt, hæc sequentur: In nomine meo dæmonia ejicient, linguis loquentur novis, serpentes tollent: et si mortiferum quid biberint, non eis nocēbit: super ægros manus imponent, et bene habebunt. Numquidnam, fratres mei, quia ista signa non facitis, minime creditis? Sed hæc neces-

saria in exordio Ecclesiæ fuerunt. Ut enim ad fidem cresceret multitudo credentium, miraculis fuerat nutrienda: quia et nos, cum arbusta plantamus, tamdiu eis aquam infundimus, quousque ea in terra jam coaluisse videamus: et si semel radicem fixerint, irrigatio cessabit. Hinc est enim quod Paulus dicit: Lingua in signum sunt non fidelibus, sed infidelibus.

Te Deum laudamus.

Oratio

DEUS, qui Indiæ gentes beati Francisci prædicatione et miraculis Ecclesiæ tuæ aggregare voluisti: concede propitius; ut, cujus gloriosa merita veneramur, virtutum quoque imitemur exempla. Per Dñm.

Ad Laudes et ad Vesperas fit com. feriæ.

Ubi conceditur

DIE 12 DECEMBRIS

B. Mariæ Virg.
DE GUADALUPE

III classis

AD MATUTINUM

Invit. Sancta Maria, Dei Genitrix Virgo, * Intercede pro nobis.

Hymnus

PRÆCLARA custos Virginum,
Intacta Mater Numinis,
Cælestis aulae janua,
Spes nostra, cæligaudium.
Inter rubeta liliū,
Columba formosissima,
Virga e radice germinans
Nostro medellam vulnere,
Turris draconis impervia,
Amica stella naufragis,
Tuere nos a fraudibus,
Tuæque luce dirige.
Erroris umbras discute,
Syrtes dolosas amove,
Fluctus tot inter, devius
Tutam reclude semitam.
Jesu, tibi sit gloria,
Qui natus es de Virgine,
Cum Patre et almo Spiritu,
In sempiterna sæcula.
Amen.

Ad Nocturnum

Ant. 1 A solis ortu * usque ad occasum, magnum est nomen meum in gentibus.

Pss. de Communi festorum B. Mariæ Virg.

Ant. 2 Ego in altissimis * habitavi, et thronus meus in columna nubis.

Ant. 3 Inventa sum * a non querentibus me; palam apparui iis, qui me non interrogabant.

Ant. 4 Signum magnum * apparuit in cælo : mulier amicta sole, et luna sub pedibus ejus.

Ant. 5 Pópulus qui ambulabat * in tenebris, vidit lucem magnam; habitantibus in regione umbræ mortis, lux orta est eis.

Ant. 6 Vidérunt omnes * término terræ salutare Dei nostri.

Ant. 7 Tabernáculum Dei * Mariá, in médio Civitatis ejus, et non commovebitur.

Ant. 8 Egréssa es * in salutem pópuli tui, in salutem cum Christo tuo.

Ant. 9 Gloriósa dicta sunt * de te, Cívitas Dei : fundávit te Dóminus in montibus sanctis.

¶ Filii tui de longe venient. *R.* Et filia tuæ de latere surgent.

Bened. Ille nos benedícat.

De libro Ecclesiastici

Lectio i Cap. 24, 5-31.
EGO ex ore Altissimi prodívi, primogénita ante omnem creaturam. Ego feci in cælis ut orirétur lumen indeficiens, et sicut nébula texi omnem terram. Ego in altíssimis habitávi, et thronus meus in columba nubis. Gyrum cæli circúvi

sola, et profúndum abyssi penetrávi; in flúctibus maris ambulávi, et in omni terra steti : et in omni pópulo et in omni gente primátum hábui : et omnium excellentium et humilium corda virtute calcávi : et in his ómnibus réquiem quæsívi, et in hereditate Dómini morábor. Tunc præcépit, et dixit mihi Créator ómnium : et qui creávit me, requiévit in tabernáculo meo, et dixit mihi : In Jacob inhabitábita, et in Israël hereditáre, et in eléctis meis mitte radices.

R. Vidi speciósam sicut colúmbam ascendéntem désuper rivos aquárum : cujus inæstimábilis odor erat nimis in vestiméntis ejus : * Et sicut dies verni circúmdabant eam flores rosárum et lília convállium. ¶ Quæ est ista, quæ ascendit per désertum sicut vírgula fumi ex aromátibus myrrhæ et thuris ? Et.

Bened. Cujus festum.

Lectio ii

AB INÍTIO, et ante sæcula creata sum, et usque ad futúrum sæculum non desinam, et in habitatióne sancta coram ipso mini-

strávi. Et sic in Sion firmata sum, et in civitate sanctificata similiter requiévi, et in Jerúsalem potestas mea. Et radicávi in pópulo honorificato, et in parte Dei mei heréditas illius, et in plenitudine Sanctorum detentio mea. Quasi cedrus exaltata sum in Líbano, et quasi cypréssus in monte Sion : quasi palma exaltata sum in Cades, et quasi plantatio rosæ in Jéricho. Quasi olíva speciósá in campis, et quasi plátanus exaltata sum juxta aquam in platéis. Sicut cinnamómum et bálsamum aromatizans odórem dedi : quasi myrrha elécta dedi suavitatem odóris : et quasi storax, et gálbanus, et úngula, et gutta, et quasi Líbanus non incísus vaporávi habitatióne meam, et quasi bálsamum non mistum odor meus.

Ego quasi terebínthus exténderam ramos meos, et rami mei honóris et grátiae. Ego quasi vitis fructificávi suavitatem odóris, et flores mei fructus honóris et honestatis. Ego mater pulchræ dilectiōis, et timoris, et agnitōis, et sanctæ spei. In me grátia om-

nis viæ et veritatis : in me omnis spes vitæ et virtutis. Transite ad me, omnes qui concupiscitis me, et a generatiōibus meis implémini. Spíritus enim meus super mel dulcis, et heréditas mea super mel et favum. Memória mea in generatiōes sæculórum. Qui edunt me, adhuc esúrient, et qui bibunt me, adhuc sitient. Qui audit me, non confundétur : et qui operántur in me, non peccábunt. Qui elúcidant me, vitam ætérnam habébunt.

R. Quæ est ista quæ processit sicut sol, et formósa tamquam Jerúsalem ? * Vidérunt eam filia Sion, et beatam dixerunt, et reginæ laudavérunt eam. ¶ Et sicut dies verni circúmdabant eam flores rosárum et lília convállium. Vidérunt eam. Glória. Vidérunt eam.

Bened. Ad societatem.

Lectio iii

¶ Lectio contracta ; secus e tribus II Nocturni fit una, ut sequitur.

ANNO a reparata salute millésimo quingentesimo trigésimo primo, Deípara Virgo Joánni Dídaco, pio rudíque

neóphyto, Méxici in colle Tepejacénsi, uti antiqua et constánti traditióne mandátur, sese vidéndam præbuit, eúmque peramánter álloquens, Episcopum adíre, ipsíque ædem ínibi sibi sacram excitándam nuntiáre jussit. Rei veritátem solérter exploráturus, responsiónem distulit Joánnes de Zumárraga, loci Antistes : ac neóphyto, beatíssimæ Virginis aspéctu imperióque rursus permóto, legationémque lácrimis et précibus iteránti, præcépit, ut signum, quo magnæ Dei matris ostenderétur volúntas, enixe péteret.

Dum viam a colle Tepejacénsi remotiorem neóphytus arriperet, et Méxicum, ne pátruo letháli morbo corrépto extrémadeessent sacraménta, Sacerdótem advocáturus conténderet, eidem benigníssima Virgo tértio occurrít; mæréntem de pátrui sanitáte certiorem facit; rosásque pulchérri-
mas contra loci hiemísque asperitátem, recens obórtas, in ejus pállio compósitas, Episcopo deférri injúngit. Mandátis obséquitur Dídacus, cu-

jus in pállio, rosis coram Episcopo effúsis, Mariæ sanctæ imágo qua prorsus spécie in colle prope urbem sese exhibúerat, mirum in modum depícta conspícitur. Tanto percúlsi prodigio religiósam civem effigiem in episcopáli sacélló rite asservándam curant : quæ, paulo post, solémni pompa ad ædem in colle Tepejacénsi exstrúctam transláta insígni gentium cunctárum veneratione præfúlget.

Magnífico deinceps excépta templo, cui Canonícórum Collégium Románi Pontífices ad divíni cultus splendórem addiderunt, Mexicánæ gentis pietátem in Deiparam summópere adáuxit; íngentique abhinc quátuor sæculis cólitur populórum ac miraculórum frequéntia. Quaprópter eam uti præsentíssimum adversus públicas privátasque calamitátes præsídium Archiepiscopus Mexicánus ceteríque illárum regiónum Antístites, ómnium órdinum consensióne, in primáriam adlegérunt univérsæ Mexicánæ Natiónis Patrónam, ritéquale eléctam Benedíctus

décimus quartus auctoritáte apostólica declarávit, atque Offícium et Missam sub título beátæ Virginis Guadalupeńsis recitári concéssit. Leo vero décimus tértius iterátis Mexicanórum Præsulum petitió nibus benigne annuens, novíssimum hoc Offícium, ex Sacrórum Rítuum Congregatiónis consúlto, recitári indúlsit, Virginisque effigiem prodigiis atque cultu célebrem áurea coróná, suo nómine et jussu, solémni ritu condecorári decrevit. Quam quidem quarto Idus Octóbris anno millésimo octingentésimo nonagésimo quinto coram Episcopis fere ómnibus Reipúblicæ et áliis bene multis ex réliquis Américæ pártibus illuc confluentibus, máxima incolárum advenarúmque frequéntia et gratulatióne, Archiepiscopus Mexicánus pretiosíssimam impósuit. Tandem Pius décimus sacrórum Antístitum Américæ Latínæ votis satisfactúrus, eámdem beatíssimam Virgí-
nem Guadalupeńsem totiús Américæ Latínæ Patrónam præcípua declarávit.

Te Deum laudámus.

AD LAUDES

Ant. 1 Quæ est ista * quæ procéssit sicut sol, et formósa tamquam Jerúsalem?

Psalmi de dominica 1^o loco.

2 Vidérunt eam * filia Sion vernántem in flóribus rosárum, et beatíssimam prædicáverunt.

3 Flores apparuérun * in terra nostra : te laudámus, sancta Dei Génitrix.

4 Cantáte ei * cánticum novum : annuntiáte intergentes glóriam ejus.

5 Tu glória * Jerúsalem, tu lætítia Israél, tu honorificéntia pópuli tui.

Capit. Prov. 8, 34-35

BEÁTUS homo qui audit me, et qui vígilat ad fores meas quotidie, et observat ad postes óstii mei. Qui me invénerit, invéniet vitam, et háuriet salútem a Dómino.

Hymnus

Ex S. Anselmo
Ep. Cantuarien.

ALMA Parens, omni carens
Corruptélæ mácula,
Quam elégit qui confrégit
Diræ mortis víncula.

Clemens! præsta, ut qui
festa

Tua gaudent cõlere,
Gratulentur et lætëntur
Veræ lucis lumine.

Primum quidem nobis fi-
dem

Tuis auge præcibus,
Spe labentes firma men-
tes,

Caritate rõbora.

Mater Dei! nostræ spei
Causa et exórdium,
Aufer bella et flagëlla,
Famem, pestem, gládium.

Egenõrum et victõrum
Consoläre gémitum :
Fave votis, dans ægrõtis
Optátum remédium.

Pax et quies nostros dies
Fácient lætíssimos :
Inimicos fac amicos,
Seda malos hõmines.

O Mariá, Mater pia,
Tuum da subsidium,
Ut regnémus et laudémus
Tuum semper Fílium.

Pater Deus, Fili Deus,
Deus alme Spíritus,
Per ætérna nos gubérna
Sæcula, Deus Trínitas.

Amen.

¶. Omnis terra adóret te,
et psallat tibi. R. Psal-
mum dicat nómini tuo.

Ad Bened. Ant. Quasi
arcus * refúlgens inter né-

bulas glóriæ, et quasi flos
rosárum in diébus ver-
nis.

Oratio

DEUS, qui sub beatissi-
mæ Virginis Mariæ
singulári patrocínio con-
stitutos perpétuis benefi-
ciis nos cumulári voluísti;
præsta supplicibus tuis;
ut cujus hódie commemo-
ratióné lætámur in terris,
ejus conspéctu perfruá-
mur in cælis. Per Dómi-
num.

Et fit commemoratio fe-
riæ.

Ad Horas ant. et pss. de
feria.

Ad Primam in R. br.
¶. Qui natus est de Mariá
VírGINE.

AD TERTIAM

Capit. Prov. 8, 34-35

BEÁTUS homo qui audit
me, et qui vigilat ad
fores meas quotidie, et
obsérvat ad postes óstii
mei. Qui me invenerit, in-
veniet vitam, et háuriet
salútem a Dómino.

R. br. Spécie tua, * Et
pulchritúdine tua. Spécie
tua. ¶. Inténde, prospere
procéde, et regna. Et pul-
chritúdine tua. Glória Pa-
tri. Spécie tua.

¶. Adjuvabit eam Deus
vultu suo. R. Deus in mé-
dio ejus, non commovébi-
tur.

AD SEXTAM

Capit. Eccli. 24, 15-16

ET SIC in Sion firmáta
sum, et in civitaté san-
ctificáta simíliter requié-
vi, et in Jerúsalem poté-
stas mea. Et radicávi in
pópulo honorificáto, et in
parte Dei mei heréditas
illíus, et in plenitúdine
sanctõrum deténtio mea.

R. br. Adjuvabit eam
* Deus vultu suo. Adju-
vabit eam. ¶. Deus in mé-
dio ejus, non commovébi-
tur. Deus vultu suo. Gló-
ria Patri. Adjuvabit eam.

¶. Elégit eam Deus, et
præelégit eam. R. In ta-
bernáculo suo habitáre fa-
cit eam.

AD NONAM

Capit. Eccli. 24, 19-20

IN PLATÉIS sicut cinna-
mómum, et bálsamum
aromatizans odórem de-
di : quasi myrrha elécta
dedi suavitatem odóris.

R. br. Elégit eam Deus,
* Et præelégit eam. Elégit
eam. ¶. In tabernáculo
suo habitáre facit eam. Et

præelégit eam. Glória Pa-
tri. Elégit eam.

¶. Diffúsa est grátia in
lábiis tuis. R. Proptérea
benedixit te Deus in ætér-
num.

AD VESPERAS

Ant. et capit. de Laudi-
bus 9

¶. Non fecit táliter omni
natióni. R. Et judícia sua
non manifestávit eis.

Ad Magnif. Ant. Leva
in circúitu * óculos tuos et
vide : omnes isti congre-
gáti sunt, venérunt tibi :
fílii tui de longe vénient,
et filíæ tuæ de látere sur-
gent.

Oratio Deus, qui, ut su-
pra 10

Et fit com. feriæ.

In Cathedr. S. Joannis
in Quebec.

DIE 27 DECEMBRIS

SANCTI JOANNIS

APOSTOLI

ET EVANGELISTÆ

I classis

Officium ut in Brev. eo-
dem die.

Ubi conceditur

DIE 3 JANUARI

**Stæ FRANCISCÆ
XAVERIÆ CABRINI**

VIRGINIS

III classis

AD MATUTINUM

Invit. Regem Virginum
Dóminum, * Veníte, ado-
rémus.

Ps. 94 Veníte.

Hymnus

EX CORDE Jesu concipit
Francisca flammam,
impeteQueis fida Christi ad éxti-
mas

Festínat oras núntia.

Quacúmque tránsit, illico

Odóra spirant lília,

Horrens et ante vépribus

Tellus virétis énitit.

Eam migrántes Itali,

Terras per omnes dídi

Sensére matrem, sédulam

Leváre curas éxulum.

Non ira bacchans æquo-
rum

Nívosa nec cacúmina,

Plagæ vel æstu tórridæ

Fortem morántur fémi-
nam.

Virtus, honor, laus, glória

Deo Patri cum Fílio,

Sancto simul Paráclito

In sæculórum sæcula.

Amen.

Ad Nocturnum

Bened. Ad societátem.

¶ Lectio contracta; secus
e tribus II Nocturni fit
una, ut sequitur.

Lectio iii

FRANCISCA Cabrini
quæ Indiárum Apó-
stolum imitari cú-
piens, Xaverii quoque no-
men sibi ipsa póstea índi-
dit, in óppido Sancti An-
geli, Dióecesis Laudénsis,
anno millésimo octingen-
tésimo quinquagésimo pi-
is honestisque paréntibus
orta est. Divina grátia præ-
vénta, a prima ætáte má-
ximam cum Deo conjun-
ctiónem austerámque vi-
tæ ratiónem cóluit. Sep-
ténnis adhuc, cum ante
preces vespertinas com-
mentariórum de re cathó-
lica inter Sinénses lecti-
onem sápius audiret, exár-
sit desidério illuc convo-
lándi, ut tot animábus
opem ferret. Vix trédecim
annos nata perpétuæ vir-
ginitátis voto sese obstrín-
xit, ánimo assidue volvens
quo pacto Sacratíssimo
Cordi Jesu amórem repé-
nderet ejúsque angóres
leváret. Studiórum curri-
culo felíciter absolúto, de
religiósa vita amplecténda
cogitávit; sed ejus postu-

láta, propter exíguam va-
letúdinem, semel atque
íterum in vanum cessé-
runt. Público docéndi mú-
nere áliquot annos summa
cum laude functa est; de-
índe orphanotróphio mo-
derándo ab Episcopo Lau-
dénsi præpósita, tanta pru-
déntia ac navitáte se ges-
sit, in puéllis præsertim
ad christiánam vitam in-
stituéndis, ut eam idem
Episcopus ad novam reli-
giósam congregatiónem
condéndam, quæ potíssim-
um Missiónibus vacá-
ret, adhortaréretur.

Forti ánimo opus ag-
gressa, Cotónei apud sa-
céllum Beátæ Virginis
Gratiárum anno millési-
mo octingentésimo octo-
gésimo Institúti Missio-
nálium Virginum a Sacro
Corde Jesu fundaménta
jecit, cujus régulas et con-
stitutiónes ab Apostólica
Sede adprobándas curá-
vit. Voti compos facta, in
primis omni stúdio incú-
buit ut nova Sorórum Fa-
mília eo in Deum et pró-
ximum caritátis imbueré-
tur spíritu, quem e Sacra-
tíssimi Cordis Jesu fonte
ipsa prior áffatim háuse-
rat; tantáque prudéntia
ac solértia illam rexit at-

que promóvit, ut septem
supra sexaginta domos
per Európam atque Ame-
ricam ipsa constitúerit.
Porro dum Missiões ad
dissitas gentes cógitat, an-
ceps adhuc quo Dei vo-
lúntas eam ádvocet, Leó-
ne Papa décimo tértio au-
ctóre, ad occíduas orbis
oras ánimum vertit. Hic
ingens Italórum multítu-
do deversabátur, qui inó-
pia pressi in utrámque
Américam óperam locatú-
ri commigrábant. Ad ho-
rum ærumnósam condi-
tiónem levándam, Christi
caritáte impúlso, álacris
atque animósa se dédidit.
Etenim quater et vices,
nullo labóre victa, nullo
extérrita perículo, Oceá-
num trajécit; totam Ame-
ricam longe latéque pera-
grávit; nosocomia, scho-
las, gynecæa, asýla ubique
instituit, tot tántaque ad
vitæ cultum et præcipue
ad spirituále operariórum
bonum provehéndum ad-
juménta comparávit, ut
populárium ánimos sibi
plane devincíret, et pas-
sim Italórum mater ap-
pellaréretur.

Divína Providéntia úni-
ce freta, ad præstitum si-
bi finem, moras omnes

impotenter ferens, alacriter contendebat, illud Pauli sæpe usurpans : Omnia possum in eo qui me confortat. Pio in Deum affectu perpetuo delibata, in maximis etiam occupationibus mentem numquam a supernis remittebat, immo ex rebus omnibus quæ inter vias ipsi occurrerant, veluti per gradus, sponte ad Deum conscendebat. Romani Pontificis atque Apostolicæ Sedis semper observantissima, Ecclesiæ statuta tutissimas normas semper habuit. Beatissimam Virginem Mariam, quam filia instar prosequeretur amore, veram Institutæ sui Matrem et Conditricem salutandam esse dictitabat. Demum Chicagæ in America integerrimæ atque laboriosissimæ vitæ cursum confecit die vigesima secunda mensis Decembris, anno millésimo nongentésimo décimo séptimo, ejusque corpus postea Neo Eboracum translatum est. Pius Papa undécimus ei Beatórum honores solémniter decrevit. Pius vero duodécimus, novis accedentibus miraculis eam-

dem in sanctarum virginum catalogum solémniter adscripsit.

Te Deum laudamus.

AD LAUDES

Capit. 2 Cor. 10, 17-18
FRATRES : Qui gloriatur, in Dómino gloriétur. Non enim qui seipsum commendat, ille probatus est; sed quem Deus commendat.

Hymnus

DIVINA Jesu caritas,
Tu magna sola perficis,
Quæ vertis ipsas virgines
In fervidos apóstolos.
Per te refulsit inclyta
Francisca, spreto sæculo,
Sexuque major glóriam
Dei per orbem protulit.
Beata Mater, respice
Cælo benigna filias,
Tuumque fac virtutibus
Opus virescat, floreant :
Cor perge Jesu flectere,
Stirpes ut omnes congreget
Et prona nobis impetra
Flammam amoris æmulas.
Virtus, honor, laus, glória
Deo Patri cum Filio,
Sancto simul Paráclito
In sæculorum sæcula.
Amen.

ψ. Diffusa est gratia in la-
biis tuis. R. Propterea be-

nedixit te Deus in ætérnum.

Ad Bened. ant. Simile est regnum cælorum * homini negotiatóri quærenti bonas margaritas : inventa una pretiosa, dedit omnia sua, et comparavit eam.

Oratio

DÓMINE Jesu Christe, qui sanctam Virginem Franciscam Xaveriam, sacratissimi Cordis tui igne succensam, per amplissimas mundi plagas ad ánimas tibi lucrandas deduxisti et per eam novam in Ecclesiá tua Virginum familiam suscitasti; quæsumus; ut ipsa intercedente, ejusdem Cordis tui virtutibus induamur atque ad ætérnum beatitudinis portum pervenire mereamur : Qui vivis.

AD VESPERAS

Capit. Fratres, ut supra.

Hymnus

BEATA cæli régia,
Lætis resúltet canticibus
Plausuque terra súbdita
Polis utrisque consonet.
Præcincta nimbo glóriæ
Francisca, inhærens impigra
Xaveriis vestigiis
Triumphat inter cælites.

Ætate jam tenellula
Amore Jesum deperit
Ipsumque volvit pectore
Inférre cunctis gentibus.
Vox ecce dia propulit
Nido columbam patrio;
Fines ad orbis ultimos
Frequenter ipsa convolat.
Virtus, honor, laus, glória
Deo Patri cum Filio,
Sancto simul Paráclito
In sæculorum sæcula.
Amen.

ψ. Diffusa est, ut supra.

Ad Magnif. ant. Veni, Sponsa Christi, * accipe coronam, quam tibi Dominus præparavit in ætérnum.

Oratio Dómine, ut supra.

Ubi conceditur
DIE 12 JANUARI
**BEATÆ MARGARITÆ
BOURGOYS
VIRGINIS**

III classis

In Instituto II classis
¶ Si hoc festum celebratum gradu III classis, lectio contracta; secus, e tribus II Nocturni fit una. (Bened. Ad societatem.)

In II Nocturno

Pater. Absol. Ipsius pietas.
Bened. Deus Pater.

Lectio iv

MARGARITA Bourgeoys, Trecis in Gallia honestis parentibus nata, a prima

ætate futuri sp̄ciem portendere visa est. Vix enim decennis socias congregare solita fuit, ut una cum eis orationi et labori vacaret. Devotione erga Dei Matrem flagrans, eam ut vitæ exemplar sibi elēgit et Carmeli ordinem ingredi st̄tuit. Sed Deo aliter disponente, cum adhuc in s̄culo dēgeret, vota perp̄tua castitatis et paupertatis emisit; p̄stea, requirente gubernatore urbis Villamariæ, nuper in regione Canadēsi cōditæ, munus suscepit instituēdi puellas coloniæ quæ Nova Gāllia tunc vocabatur. Fama Iroquēsiū feritatis perterrita, sed a beatissima Virgine cēlitus confortata, marinum iter aggrēssa est; quo durāte, orationi frequēter instans, invicta caritate agrōtis curam impēdit. Demum, post longam et arduam navigationem, ad Québecum feliciter appulit.

Ry. Propter veritatem, et mansuetudinem, et justitiam: * Et deducet te mirabiliter dextera tua. V. Sp̄cie tua et pulchritudine tua intēde, prospere procéde, et regna. Et.

Bened. Christus perp̄tua.

Lectio v

IN URBE Villamaria primam scholam in quodam stābulo instituit. P̄stea, ad clivum Montis Regii, puellas cum Gallorum colonorum, tum etiam Indorum instituēdas suscepit. Domum a Providētia fundavit, in qua adolescentulæ ad sanctissimæ Eucharistiæ sacramentum prima vice suscipiendum instrui, artem domesticam edoceri, mulieres vero in s̄culo vivētes exercitiis spiritūalibus vacare possent. Piam Societatem seu Congregationem extēnam constituit pro alūmnis quæ, absolūto studiōrum curriculum, ad pr̄pria se recepissent. Virgines nūbiles, regis auctoritate a Gāllia missas, in domum suam recēpit, enutrivit, ad honestas nūptias contrahēdas instruxit: vere digna quæ nascētis coloniæ mater ab omnibus agnosceretur. Religiosum insuper institutum votōrum simplicium, Congregationem scilicet a Nostra Dōmina, cōdidit, in quo Sorōres, votis religiōnis

simplicibus adstrictæ, pauciali ecclēsiæ addictæ manerent et christiāne puellārum institutioni incumberent. Beātam Mariam semper Virginem a Visitatione ut suprēmam Congregationis suæ Moderatricem haberi voluit. Ecclēsiā vero sub titulo Beātæ Mariæ Auxilii Christianōrum ædificādam curavit, ipsa suis m̄nibus operarios adjuvans: quæ frequentibus hactenus fidelium peregrinationibus celebratur.

Ry. Dilexisti justitiam, et odisti iniquitatem: * Propterea unxit te Deus, Deus tuus, oleo lætitiæ. V. Propter veritatem, et mansuetudinem, et justitiam. Propterea.

Bened. Ignem sui amoris.

Lectio vi

CREVIT autem paulatim parva Congregatio Villamariæ, Québeci et in vicinā Aurelianēsi insula. Jubente loci Antistite, Margarita generālis xenodochii Québecensis fundamēta jecit. Hæc inter, p̄nitentiæ op̄eribus instabat, vulgari et parco semper contēnta cibo, quem etiam insulsum red-

dere studēbat, super nudam humum dōrmiens et caliēdrum gestans introrsus spinis obarmatum. Paupertatis amātrix, labōri m̄nuum incumbēbat, quo sibi suisque sufficeret ac p̄uperum necessitatibus subveniret. Illi oratio assidua, quam noctu ad plures horas ducēbat. Animarum zelo flagrans, in eārum auxiliū, sub auctoritate ep̄scopi et presbyterōrum Sancti Sulpicii, qui Villamariæ parōciam regēbant, Sorōres mittere solita erat. Ingravescētibz annis, Instituti rēgimen depōsuit. Demum, intērnas desolationes exp̄ta, consolationibus destituta, sed semper sp̄ritu fervens et divinæ inhārens voluntati, Villamariæ placidissime obdormivit in Dōmino, prope octogenaria, die duodēcima Januārii, anni millēsimi septingentēsimi. Eam Pius Papa duodēcimus, Pōntifex maximus, miraculis illūstrem, anno millēsimo nongentēsimo quinquagēsimo Beatōrum fastis adscripsit.

Ry. Afferentur Regi virgines post eam, pr̄xima

ejus * Afferéntur tibi in lætítia et exsultatióne. *Ÿ.* Spécie tua et pulchritúdine tua inténde, prospere procéde, et regna. Afferéntur tibi. Glória Patri. Afferéntur tibi.

In III Nocturno homilia in Evang. Símile erit, de Communi Virg. 1^o loco.

AD LAUDES

Ÿ. Diffúsa est grátia in lábiis tuis. *R.* Proptérea benedíxit te Deus in ætérnum.

Ad Bened. Ant. Símile est regnum cælórum * hómini negotiátóri quærénti bonas margaritas : invénta una pretiósá, dedit ómnia sua, et comparávit eam.

Oratio

DEUS, qui ad christiánam juventútis institutionem beátam Margarítam elegisti, ac nova per eam familia Ecclésiám tuam fecundásti : præsta, quæsumus; nos ejus exémplo et intercessióne, ita fácere et docére, ut præmia consequámur ætérna. Per Dóminum.

AD VESPERAS

Ÿ. Diffúsa est grátia in lábiis tuis. *R.* Proptérea benedíxit te Deus in ætérnum.

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum.

Oratio Deus, ut supra.

In Cathedr. S. Pauli Albertin.

DIE 25 JANUARI

IN CONVERSIONE
S. PAULI

APOSTOLI

I classis

Officium ut in Brev., præter sequentia.

AD I VESPERAS

Ant. 1 Ego plantávi, * Apóllo rigávit, Deus autem incrementum dedit (allelúja).

2 Libénter gloriábor * in infirmitátibus meis, ut inhábitet in me virtus Christi.

3 Grátia Dei * in me vácua non fuit, sed grátia ejus semper in me manet.

4 Damásci, præpósitus * gentis Arétæ regis vóluit me comprehéndere : a fratribus per murum demíssus sum in sporta, et sic evási manus ejus in nómine Dómini.

5 Ter virgis cæsus sum, * semel lapidátus sum, ter naufrágium pértuli pro Christi nómine.

Capit. Act. 9, 1-2

SAULUS, adhuc spirans minárum et cædis in discípulos Dómini, accésit ad princípem sacerdotum,

et pétit ab eo epístolas in Damáscum ad synagógas; ut, si quos invenísset hujus viæ viros ac mulieres, vinctos perduceret in Jerúsalem.

Hymnus

EGRÉGIE Doctor, Paule, mores ínstrue,
Et nostra tecum péctora in cælum trahe :
Veláta dum merídiem cernat fides,
Et solis instar sola regnet cáritas.

Sit Trinitáti sempitérna glória,
Honor, potéstas atque jubilátio,
In unitáte, quæ gubérnat ómnia,
Per univérsa æternitátis sácula.

Amen.

Ÿ. Tu es vas electiónis, sancte Paule Apóstole.
R. Prædicátor veritátis in univérso mundo.

Ad Magnif. Ant. Vade, Ananía, * et quære Saulum : ecce enim orat : quia vas electiónis est mihi, ut portet nomen meum coram géntibus, et ré-gibus, et filiis Israél.

Oratio

DEUS, qui univérsam mundum beáti Pauli Apóstoli prædicatióne docuísti : da nobis, quæsumus; ut, qui ejus hódie Conversiónem cólimus, per ejus ad te exémpla gradiámur.

Et fit com. S. Petri Ap. per orationem sub unica conclusione :

Oratio

DEUS, qui beáto Petro Apóstolo tuo, collátis clávisbus regni cælestis, ligándi atque solvéndi pontificium tradidísti : concede; ut intercessiónis ejus auxílio, a peccatórum nostrórum nexibus liberémur : Qui vivis.

AD MATUTINUM

Invit. et hymnus ut in Brev.

In I Nocturno

Ant. 1, 2 et 3, cum psalmis, ut in Brev.

Ÿ. In omnem terram exiit sonus eorum. *R.* Et in fines orbis terræ verba eorum.

Pater. Absol. Exaudi.
Bened. Benedictione.

De Actibus Apostolorum

Lectio i Cap. 9, 1-5

SAULUS, adhuc spirans minarum et cædis in discipulos Dómini, accessit ad principem sacerdotum, et petiit ab eo epístolas in Damáscum ad synagógas; ut, si quos invenisset hujus viæ viros ac mulieres, vinctos perduceret in Jerúsalem. Et cum iter faceret, cónigit ut appropinquáret Damáscos; et súbito circumfúlsit eum lux de cælo. Et cadens in terram audivit vocem dicentem sibi: Saule, Saule, quid me perséqueris. Qui dixit: Quis es, Dómine? Et ille: Ego sum Jesus, quem tu perséqueris. Durum est tibi contra stímulum calcitráre.

R. Qui operátus est Petro in apostolátum, operátus est et mihi inter Gentes: * Et cognoverunt grátiam Dei, quæ data est mihi.

Ÿ. Grátia Dei in me vácuam non fuit, sed grátia ejus semper in me manet. Et.

Bened. Unigénitus.

Lectio ii Cap. 9, 6-9

ET TREMENS ac stupens dixit: Dómine, quid me vis fácere? Et Dóminus ad eum: Surge, et ingredere civitatem, et ibi dicétur tibi quid te opóreat fácere. Viri autem illi, qui comitabántur cum eo, stabant stupefacti, audiéntes quidem vocem, néminem autem vidéntes. Surréxit autem Saulus de terra, apertisque óculis nihil vidébat. Ad manus autem illum trahéntes, introduxérunt Damáscum. Et erat ibi tribus diébus non videns, et non manducávit neque bibit.

R. Bonum certámen certávi, cursum consummávi, fidem servávi: * Ideoque repósita est mihi coróna justítiæ. Ÿ. Scio cui crédidi, et certus sum quia potens est depósitum meum serváre in illum diem. Ideoque.

Bened. Spíritus Sancti.

Lectio iii Cap. 9, 10-16

ERAT autem quidam discipulus Damásci, nómine Ananías; et dixit ad

In II Nocturno

Ant. 4, 5 et 6, cum psalmis, ut in Brev.

Ÿ. Constitues eos príncipes super omnem terram. *R.* Mémoires erunt nóminis tui, Dómine.

Pater. Absol. Ipsius pietas.

Bened. Deus Pater.

Sermo sancti Augustíni Epíscopi

Sermo 14 de Sanctis

Lectio iv

HÓDIE de Actibus Apostolorum lectio hæc pronuntiáta est, ubi Paulus Apóstolus, ex persecutore Christianórum, annuntiátor factus est Christi. Prostrávit enim Christus persecutórem, ut faceret Ecclésiæ doctórem: percútiens eum, et sanans; occídens, et vivíficans: occísus opóreat eum pro nómine meo pati. Ita enim in præclára prophetía cum Jacob Patriarcha benediceret filiis suis (præséntes tangens, futura prospiciens) prædictum erat quod in Paulo cónigit. Erat autem Paulus, sicut ipse testátur, de tribu Bénjamin. Cum autem Jacob, benedicens

illum in visu Dóminus: Ananías. At ille ait: Ecce ego, Dómine. Et Dóminus ad eum: Surge, et vade in vicum, qui vocátur Rectus; et quære in domo Judæ Saulum nómine Tarsensem: ecce enim orat. (Et vidit virum Ananías nómine, introeúntem et imponéntem sibi manus ut visum recípiat.) Respóndit autem Ananías: Dómine, audivi a multis de viro hoc, quanta mala fécerit sanctis tuis in Jerúsalem: et hic habet potestátem a príncipibus sacerdotum alligándi omnes, qui invocant nomen tuum. Dixit autem ad eum Dóminus: Vade, quóniam vas electiónis est mihi iste, ut portet nomen meum coram géntibus, et régibus, et filiis Israël. Ego enim ostendam illi quanta opóreat eum pro nómine meo pati.

R. Repósita est mihi coróna justítiæ, * Quam reddet mihi Dóminus in illum diem justus judex. Ÿ. Scio cui crédidi, et certus sum quia potens est depósitum meum serváre in illum diem. Quam reddet mihi. Glória Patri. Quam reddet mihi.

filios suos, venisset ad benedicendum Bénjamin, ait de illo : Bénjamin lupus rapax.

Ry. Tu es vas electiónis, sancte Paule Apóstole, prædicátor veritátis in universo mundo : * Per quem omnes gentes cognoverunt grátiam Dei. V. Intercéde pro nobis ad Deum, qui te elégit. Per quem.

Bened. Christus perpétuæ.

Lectio v

QUID ergo? lupus rapax semper? Absit; sed qui mane rapit prædam, ad vespèram dividit escas. Hoc in Apóstolo Paulo implétum est, quia et de illo dictum erat. Jam, si placet, audiámus illum mane rapiéntem, ad vespèram escas dividéntem. Mane et vespere pòsita sunt pro eo, ac si diceretur, prius et póstea. Sic ergo accipiámus : Prius rápiet, póstea dívidet escas. Atténdite raptórem : Saulus, inquit, accéptis epístolis a princípibus sacerdotum, ibat, ut ubi-cúmque inveníret Christiános, ad sacerdótes tráheret et addúceret, úti-que puniéndos.

Ry. Grátia Dei sum id quod sum; * Et grátia ejus in me vácuæ non fuit, sed semper in me manet. V. Qui operátus est Petro in apostolátum, operátus est et mihi inter gentes. Et.

Bened. Ignem sui amoris.

Lectio vi

IBAT spirans et anhéans cædes : hoc est, mane rápiens. Nam et quando lapidátus est Stéphanus primus Martyr pro nómine Christi, evidéntius áderat et Saulus; et sic áderat lapidántibus, ut non ei sufficeret, si tantum suis mánibus lapidáret. Ut enim esset in ómnium lapidántium mánibus, ipse ómnium vestiménta servábat; magis sáviens omnes adjuvándo, quam suis mánibus lapidándo. Audívimus, mane rápiet : videámus ad vespèram quá-liter dívidat escas. Voce Christi prostrátus de cælo, et accípiens désuper interdíctum jam sæviéndi, cécidit in fáciem suam, prius prosternéndus, póstea erigéndus; prius percutiéndus, póstea sanándus.

Ry. Saulus, qui et Paulus, magnus prædicátor, * A Deo confortátus convalescébat, et confundébat Judæos. V. Osténdens quia hic est Christus, Fílius Dei. A Deo. Glória Patri. A Deo.

In III Nocturno

Ant. 7, 8, 9 cum psalmis, ut in Brev.

V. Nimis honoráti sunt amici tui, Deus. Ry. Nimis confortátus est principátus eórum.

Pater. Absol. A vínculis.

Bened. Evangélica lectio.

Lectio sancti Evangélii secúndum Matthæum

Lectio vii Cap. 19, 27-29

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et reliqua.

Homília sancti Bedæ Venerábilis Presbýteri

Homília in Natali

S. Benedicti Biscopii

PERFECTUS ille est, qui ábiens vendit ómnia quæ habet, et dat paupéribus, ac véniens séquitur Christum; habébit enim thesáurum non deficientem in cælis. Unde bene, interrogánte

Petro, dixit tálibus Jesus : Amen dico vobis, quod vos qui secúti estis me, in regeneratióne, cum sederit Fílius hóminis in sede majestátis suæ, sedébitis et vos super sedes duódecim tribus Israhél. In hac quippe vita pro ejus nómine laborántes, in ália præmii speráre dócuít, id est, in regeneratióne; cum videlicet in vitam immortálem fuérimus resurgéndo regeneráti, qui in vitam cadúcam mortáliter erámus géniti.

Ry. Sancte Paule Apóstole, prædicátor veritátis et doctor géntium, * Intercéde pro nobis ad Deum, qui te elégit, ut digni efficiámur grátia Dei. V. Tu es vas electiónis, sancte Paule Apóstole, prædicátor veritátis. Intercéde.

Bened. Cujus festum.

Lectio viii

ET JUSTA prorsus retribútió, ut, qui hic pro Christo humanæ glóriam celsitudinis neglexérunt, illic a Christo júdices gloriificáti singuláriter cum eo assideant; qui a sequéndis ejus vestigiis nulla ratióne póterant avélli.

Nemo autem putet duodecim tantum Apóstolos, quia pro Juda prævaricante Matthías eléctus est, tunc esse judicatúros; sicut nec duodecim solæ sunt tribus Israël judicandæ: alióquin tribus Levi, quæ tertiadécima est, injudicata recédet.

¶. Damásci, præpósitus gentis Arétæ regis vóluit me comprehendere: * Et a fratribus per murum demíssus sum in sporta, * Et sic evási manus ejus in nómine Dómini. ¶. Deus et Pater Dómini nostri Jesu Christi scit quia non méntior. Et a fratribus. Glória Patri. Et sic.

Bened. Ad societátem.

Lectio ix

ET PAULUS, qui tertiusdecimus est Apóstolus, judicandi sorte privabitur? cum ipse dicat: Nescitis quóniam ángeles judicábimus, quanto magis sæculária? Sciéndum namque est, omnes, qui ad exemplum Apostolorum sua reliquerunt ómnia, et secúti sunt Christum, júdices cum eo ventúros, sicut étiam omne mortálium genus esse judicándum. Quia enim

duodenário sæpe número solet in Scriptúris univérsitas designári, per duodecim sedes Apostolorum, ómnium numerositas judicántium, et, per duodecim tribus Israël, univérsitas eórum qui judicandi sunt, osténditur.

Te Deum laudámus.

Ad Laudes et alias Horas ut in Brev.

Ad HORAS minores ant. de Laudibus, pss. de dominica, ad Primam tamen ut in festis.

Complet. de dominica.

In Provincia Quebecen.

DIE 18 FEBRUARII

**S. MARIE BERNARDÆ
SOUBIROUS
VIRGINIS**

III classis

Bened. Ad societátem.

Lectio iii

¶ Lectio contracta; secus e tribus II Nocturni fit una, ut sequitur.

BERNÁRDA Soubirous, vulgo Bernadette, in oppido Lourdes, Tarbiénsis diócesis, honéstis christianisque parentibus ortum duxit. A téneris annis pio stúdio catechésim et preces diligebat eximiásque simpli-

citátis et innocéntiæ dotes exterióri specie pandébat. Ineúnte anno millésimo octingentésimo quinquagésimo octávo, super specum Massabielle puéllulæ beáta Virgo Mariá plúries se conspiciendam obtulit. Rosárium illam recitáre, pro peccatóribus oráre et poeniténtiam ágere hortáta est; in ipso loco sacélum exstrui, solémnes fieri supplicatiónes imperávit, fontémque sub rupe laténtem per Bernárdæ manum in plurimórum sanatiónem produxit; illi secréta tria commísit, quæ usque ad mortem fidéliter servávit. Demum ejus nomen percontánti, cujus tam frequénti visitatióne fruebátur, Virgo respóndit: Immaculáta Concéptio ego sum. Hinc ortus in specu Massabielle ille Deiparæ cultus Immaculátæ, eoque orbis fidéles et ecclesiárum antístites certatim convéniunt.

Nihil tot tantisque prodigiis ingénua Bernárdæ mutáta est simplicitas: famam, laudes et plausus hóminum sédulo devitavit, paupertáti patérnæ oblátia solátia recusávit, ac demum humános mé-

lius declinatúra conspéctus, Soróribus de Caritáte et Instructiόne christiána ut discipulam primum apud Lourdes, Nivérni mox ut sodálem se obtulit; ubi religiόnis vota sub nómine Soróris Mariæ Bernárdæ nuncupávit. Sanctimoniális exemplar fidélis ab incépto usque ad extrémum diem præ se tulit. Régulam, étiam ægrótans, numquam sibi relaxári postulásse tráditur. Siléntii custos, latére nescirique sollicita, ægre cum éxteris et ádvenis ex obediéntia colloquebátur, quam primum ab eis recessúra. Oratiόni frequénter incúmbens, sanctíssimam Eucharístiam et dominicæ Passiόnis mystéria assidue meditabátur; Immaculátam Virginem afféctu filiáli prosecúta, ejus mandáti memor, in delíciis habébat oráre pro peccatóribus, nonnúl- lis mirabíliter ejus intercessiόne ad fidem et vitam christiánam convérsis. Pro quibus et passiόnes suas libénter offerébat.

Beáta enim Virgo cum illi dixisset: Felicitátem tibi non in terris promíto

sed in cælis; diuturnas, quâmdiu vixit, infirmitates est perpessa. Quibus patientissime, lætânter immo tolerâtis, ad diem deducta supræmum, Nivèrni inter Sorôres, salutatiônis angelicæ última verba ingémians, piam animam efflavit die decima sexta Aprilis, anno millésimo octingentésimo septuagésimo nono, ætatis trigésimo quinto. Ejus corpus in Sorôrum minôre sacello sepúltum, semel et iterum absque corruptiône repertum, magna fidelium veneratiône cõlitur; miraculisque a Deo ejus intervëntu impetrâtis, ipsius sepúlcrum factum est gloriósum. Quibus rite probâtis, Pius undécimus Póntifex máximus Mariam Bernárdam in Beatárum número rétulit anno universális Jubilæi millésimo non-gentésimo vigésimo quinto. Eámque novis fulgéntem signis, idem summus Póntifex, ipso die festo Immaculatæ Conceptionis anni præ céteris sacri, labente undevigésimo per-actæ redemptionis sæculo, et septuagésimo quinto anniversário Appari-

tiónum in Lourdes óppido, Sanctárum fastis adscripsit.

Te Deum laudámus.

AD LAUDES

Ÿ. Diffusa est grátia in lábiis tuis. R. Propterea benedixit te Deus in ætérnum.

Ad Bened. Ant. Osténdit mihi Maria * thesauros incomparábiles, quos mihi se datúram in cælis repromisit.

Oratio

HUMÍLIUM, Deus, protectór et amátor, qui fámulam tuam Mariam Bernárdam immaculatæ Virginis Mariæ apparitiône et allóquio recreásti : præsta, quæsumus; ut, per simplices fidei sémittas, ad tuam in cælis visiônem pervenire mereámur. Per Dóminum.

Et fit com. S. Simeonis Ep. et Mart.

AD VESPERAS

Ÿ. Diffusa est, ut supra.

Ad Magnif. Ant. Grátias tibi ago * Virgo immaculata Dei Mater, quia per ancillam tuam, pópulo tuo verba salutis et pacis pignora attulisti.

Oratio ut supra.

Ubi conceditur

DIE 8 MAJI

BEATÆ MARIE VIRG.

OMNIUM GRATIARUM MEDIATRICES

III classis

AD MATUTINUM

Invit. Christum Redemptórem, qui bona ómnia nos habere vóluit per Mariam,

* Veníte, adorémus, allelúja.

Ps. 94 Veníte, exsultémus.

Hymnus

CHRISTUS, humáni géneris misértus,
Morte nos ictos mérita, supérnam
Rursus ad vitam genuit, suóque

Sanguine tersit.

O pium flumen, scelus omne purgans!

O inexháustum pélagus bonórum,

Unde septéno fluit usque fonte

Vita salúsque!

Hos tamen sacros látices redéemptis

Quis ministrábit? Datur hoc Mariæ

Munus, ut divæ moderétur undæ,

Arbitra, cursum.

Cuncta, quæ nobis méruit Redéemptor,

Dona partítur génitrix Mariæ,

Cujus ad votum sua fundit ultro

Múnera Natus.

Te per ætérnos venerémur annos,

Trínitas, summo celebránda plausu :

Te fide mentes, resonóque lingua

Cármine laudent. Amen.

In I Nocturno

Ant. Fons hortórum, *
púteus aquárum vivén-
tium, quæ fluunt ímpetu
de Líbano, allelúja.

Pss. de Communi festo-
rum B. M. V.

Ÿ. Sub tuum præsidium
omnes confúgimus, alle-
lúja. R. Sancta Dei Géni-
trix, allelúja.

Pater. Absol. Exáudi, vel
Ipsius pietas, vel A vincu-
lis.

Bened. Ille nos benedicat.

De libro Ecclesiastici

Lectio i Cap. 24, 5-11

EGO ex ore Altissimi prodivi primogénita ante omnem creaturam : ego feci in cælis ut orirétur lumen indeficiens, et sicut nébula texti omnem terram. Ego in altissimis habitavi, et thronus meus in columna nubis. Gyrum cæli circuii sola, et profúndum abyssi penetravi, in fluctibus maris ambulavi, et in omni terra steti : et in omni populo et in omni gente primatum habui : et omnium excellentium et humilium corda virtute calcavi : et in his omnibus requiem quæsi, et in hereditate Dómini morabor.

R. In Sion firmata sum, et in civitate sanctificata similiter requievi, et in Jerúsalem potestas mea :

* Et radicavi in populo honorificato, et in parte Dei mei hereditas illius, et in plenitudine sanctorum detentio mea, allelúja. V. Sicut cinnamomum et balsamum aromatizans odorem dedi : quasi myrrha electa dedi suavitatem odoris. Et.

Bened. Cujus festum colimus, ipsa.

Lectio ii

Cap. 24, 22-31 et 41-46

EGO quasi terebínthus extendi ramos meos, et rami mei honoris et gratiæ. Ego quasi vitis fructificavi suavitatem odoris : et flores mei fructus honoris et honestatis. Ego mater pulchræ dilectionis, et timoris, et agnitionis, et sanctæ spei. In me gratia omnis viæ et veritatis, in me omnis spes vitæ et virtutis. Transite ad me, omnes qui concupiscitis me, et a generationibus meis implémini. Spiritus enim meus super mel dulcis, et hereditas mea super mel et favum. Memoria mea in generationes sæculorum. Qui edunt me adhuc esurient : et qui bibunt me adhuc sitiunt. Qui audit me non confundetur : et qui operantur in me non peccabunt. Qui elucidant me, vitam æternam habebunt. Ego quasi trames aquæ immensæ de fluvio, ego quasi fluvii dioryx, et sicut aquæductus exivi de paradiso. Dixi : Rigabo hortum meum plantationum, et inebriabo prati

mei fructum. Et ecce factus est mihi trames abundans, et fluvius meus appropinquavit ad mare : quoniam doctrinam quasi antelucanum illumino omnibus, et enarrabo illam usque ad longinquum. Penetrabo omnes inferiores partes terræ, et inspiciam omnes dormientes et illuminabo omnes sperantes in Dómino. Adhuc doctrinam quasi prophetiam effundam, et relinquam illam quærentibus sapientiam, et non desinam in progenies illorum usque in ævum sanctum.

R. In me gratia omnis viæ et veritatis, in me omnis spes vitæ et virtutis : * Transite ad me, omnes qui concupiscitis me, et a generationibus meis implémini, allelúja. V. Spiritus enim meus super mel dulcis, et hereditas mea super mel et favum. Transite. Glória. Transite.

Bened. Ad societatem.

Lectio iii

Oratio sancti Ephræm

Syri Diaconi

ad Deiparam

DÓMINA mea, sanctissima Dei Genitrix et gratia plena, pélagus inexhaustum di-

vinarum secretarumque largitionum ac munerum, bonorum omnium erogatio, omnium post Trinitatem Dómina, post Paráclitum alius consolator, et post Mediatorem Mediatrix totius mundi, vide meam fidem meumque desiderium divinitus datum. Ne despicias indignum, neque mearum actionum feditates tuam immensam misericordiam interrumpant, Dei Genitrix, meum desiderabilissimum nomen ; nihil enim est firmitus trophæum quam tuum auxilium. Tu enim abstulisti omnes lacerimas a facie terræ ; tu creaturam replésti omni genere beneficii, cælestibus lætitiis attulisti, terrestria salvasti. Per te resurrectionis nostræ tesseram certissimam tenemus : per te cæleste regnum nos consecuturos esse speramus : per te omnis glória, honor et sanctitas ab ipso primo Adam et usque ad consummationem sæculi Apostolis, Prophetis, justis et humilibus corde, sola immaculata, derivata est, derivatur et derivabitur ; atque in te gaudet,

grátia plena, omnis creatúra.

Te Deum laudámus.

AD LAUDES

Ant. 1 Benedictionem * omnium gentium dedit illi Dóminus, et testamentum suum confirmávit super caput ejus, allelúja.

Pss. de dom. 1^o loco.

2 In ætérnum * misericórdia ejus, et usque in generationem et generationem, allelúja.

3 Benedicam te * in vita mea, et in nómine tuo levábo manus meas, allelúja.

4 Non pepercisti * animæ tuæ propter angústias et tribulationem generis tui, allelúja.

5 Recordáre, * Virgo Mater Dei, dum stéteris in conspéctu Dómini, ut loquáris pro nobis bona, allelúja.

Capit. Is. 55, 1

OMNES sitiéntes, veníte ad aquas : et qui non habétis argéntum, prope-
ráte, émite et comédite :
veníte, émite absque argé-
nto, et absque ulla com-
mutatióne vinum et lac.

Hymnus

MARÍA, quæ mortálium
Preces amáncer ex-
cipis,

Rogámus ecce súpplices,
Nobis adésto pépetim.

Adésto, si nos críminum
Caténa stringit hórrida;
Cito resólve cómpedes,
Quæ corda culpis ílligant.

Succúrre, si nos sáculi
Fallax imágo péllicit,
Ne mens salútis trámitem,
Oblíta cæli, déserat.

Succúrre, si vel córpori
Advérsa sors impéndeat,
Fac sint quiéta témpora,
Ætérnitas dum lúceat.

Tuis et esto fíliis
Tutéla mortis témpore,
Ut, te juvánte, cónsequi
Perénne detur prámium.

Jesu, tibi sit glória,
Qui natus es de Vírgine,
Cum Patre, et almo Spí-
ritu,

In sempitérna sácula.
Amen.

¶ Ora pro nobis, Me-
diátrix nostra potentíssi-
ma, allelúja. R. Ut digni
efficiámur promissionibus
Christi, allelúja.

Ad Bened. ant. Absque
tuo império * non mové-
bit quisquam manum aut
pedem in omni terra, alle-
lúja.

Oratio

DÓMINE Jesu Christe,
noster apud Patrem
Mediátor, qui beatíssi-

mam Vírginem Matrem
tuam, matrem quoque no-
stram et apud te Media-
tricem constitúere digná-
tus es : concéde propítius;
ut quisquis ad te benefi-
cia petitúrus accesserit,
cuncta se per eam impe-
trasse lætétur : Qui vivis
et regnas cum eódem Deo
Patre.

Ad Horas ant. et pss. de
feria.

Ad Primam in R. br.
¶ Qui natus es de María
Virgine.

AD TERTIAM

Capit. Omnes sitiéntes,
ut ad Laudes.

R. br. Sub tuum præsi-
dium omnes confúgimus,
* Allelúja, allelúja. Sub.
¶ Sancta Dei Génitrix.
Allelúja, allelúja. Glória
Patri. Sub.

¶ Nostras deprecationes
ne despicias, allelúja.
R. In necessitatibus no-
stris, allelúja.

AD SEXTAM

Capit. Is. 55, 2-3

AUDÍTE audiéntes me, et
comédite bonum, et
delectábitur in crassitú-
dine ánima vestra. Inclí-
nate aurem vestram, et
veníte ad me : audíte, et
vivét ánima vestra.

R. br. Nostras depreca-
tiones ne despicias, * Al-
lelúja, allelúja. Nostras
deprecationes. ¶ In ne-
cessitatibus nostris. Alle-
lúja, allelúja. Glória Pa-
tri. Nostras deprecations.

¶ A periculis cunctis lí-
bera nos semper, allelúja.
R. Virgo gloriósa et bene-
dicta, allelúja.

AD NONAM

Capit. Is. 55, 5

ECCE gentem, quam ne-
sciébas, vocábis : et
gentes, quæ te non cogno-
vérunt, ad te current prop-
ter Dóminum Deum tu-
um, et Sanctum Israël,
quia gloriificávit te.

R. br. A periculis cun-
ctis líbera nos semper,
* Allelúja, allelúja. A pe-
riculis. ¶ Virgo gloriósa
et benedicta. Allelúja, al-
lelúja. Glória Patri. A pe-
riculis.

¶ Eja ergo, Advocatá
nostra, allelúja. R. Mise-
ricórdes óculos tuos ad
nos convérte, allelúja.

AD VESPERAS

Ant. et capit. de Laud.
30; pss. de Comuni fe-
storum B. Mariæ Virg.

Hymnus Ave, maris stel-
la.

ŷ. Ora pro nobis, Mediatrix nostra potentissima, allelúja. R. Ut digni efficiámur promissionibus Christi, allelúja.

Ad Magnif. Ant. Salus nostra * in manu tua est : respice nos tantum, et læti serviémus Regi Dómino, allelúja.

Oratio

DÓMINE Jesu Christe, noster apud Patrem Mediátor, qui beatissimam Virginem Matrem tuam, matrem quoque nostram et apud te Mediatricem constituere dignatus es : concède propitius ; ut quisquis ad te beneficia petiturus accésserit, cuncta se per eam impetrasse lætetur : Qui vivis et regnas cum eodem Deo Patre.

Completorium de feria.

In Vic. Apost. Kenvatin.

DIE 8 MAJI

B. MARIE VIRGINIS A SACRO CORDE JESU

I classis

Omnia de Communi fest. B. Mariæ Virg., præter ea quæ hic habentur propria.

AD I VESPERAS

Ad Magnif. Ant. Tu refúgium nostrum, tu auxiliatrix nostra, Virgo Maria, ora pro nobis Dómino, allelúja.

ŷ. Facta es nobis Dómina in refúgium, allelúja. R. Et in adjutórium spei nostræ, allelúja.

Oratio

DÓMINE Jesu Christe, qui beata Mariæ Virgine intercedente in nos divitias Cordis tui dignaris effundere : concède, quæsumus ; ut quod in ejúsdem Virginis veneratione depóscimus, te propitiante consequi mereámur : Qui vivis.

AD MATUTINUM

Invit. Jesum divitias Cordis sui in nos effundentem per Mariam, * Veníte, adorémus, allelúja.

Ps. 94 Veníte.

Hymnus

PRÆCLARA custos Virginum,
Intácta mater Núminis,
Cæléstis aulæ jánuas,
Spes nostra, cæli gáudium.
Inter rubéta lílium,
Colúmba formosíssima,
Virga e radíce gérmíans
Nostro medélam vulnéri,

Turris draconí impérvia,
Amíca stella náufragis,
Tuére nos a fráudibus,
Tuáque luce dírige.

Erróris umbras díscute,
Syrtes dolósas ámove,
Fluctus tot inter, déviis
Tutam reclúde sémitam.

Jesu, tibi sit glória,
Qui natus es de Virgine,
Cum Patre, et almo Spí-
ritu,

In sempitérna sæcula.
Amen.

In I Nocturno

Pater. Absol. Exáudi.
Bened. Benedictione.

De libro Ecclesiástici

Lectio i Cap. 24, 5-13.

EGO ex ore Altíssimi
prodívi, primogénita
ante omnem creatúram, ego feci in cælis
ut orirétur lumen indeficiens, et sicut nébula texi
omnem terram. Ego in altíssimis habitávi, et thronus meus in colúmba nubis. Gyrum cæli circuívi sola, et profúndum abyssi penetrávi; in flúctibus maris ambulávi, et in omni terra steti, et in omni pópulo et in omni gente primátum hábui. Et ómnium excelléntium et humílium corda virtúte calcávi; et in his ómnibus ré-

quem quæsívi, et in hereditáte Dómini morábor. Tunc præcépit et dixit mihi Créator ómnium, et qui creávit me requiévít in tabernáculo meo. Et dixit mihi : In Jacob inhábita, et in Israél hereditáre et in eléctis meis mitte radíces.

R. Signum magnum apparuit in cælo : Múlier amícta sole, et luna sub pédibus ejus : * Et in cápite ejus coróna stellárum duódecim, allelúja. ŷ. Induit eam Dóminus vestiméntis salutis, induménto justítiæ, et quasi sponsam ornávit eam monílibus suis. Et.

Bened. Unigénitus.

Lectio ii Cap. 24, 14-21

AB INÍTIO et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi, et sic in Sion firmáta sum, et in civitate sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea. Quasi cedrus exáltata sum

in Líbano, et quasi cyprésus in monte Sion; quasi palma exaltáta sum in Cades, et quasi plantatio rosæ in Jérico. Quasi olíva speciósá in campis, et quasi plátanus exaltáta sum juxta aquam in platéis. Sicut cinnamómum et bálsamum aromatizans odórem dedi, quasi myrrha elécta dedi suavitátem odóris. Et quasi storax, et gálbanus, et úngula, et gutta, et quasi líbanus non incísus vaporávi habitatióem meam. Et quasi bálsamum non mixtum odor meus.

R. Magnificat ánima mea Dóminum : * Quia fecit mihi magna qui potens est, et sanctum nomen ejus, allelúja. V. Ecce enim ex hoc beátam me dicent omnes generatiónes. Quia.

Bened. Spíritus Sancti. Lectio iii Cap. 24, 22-31

EGO quasi terebínthus exténdi ramos meos; et rami mei honóris et grátiae. Ego quasi vitis fructificávi suavitátem odóris, et flores mei fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grá-

tia omnis viæ et veritátis, in me omnis spes vitæ et virtútis. Transíte ad me, omnes qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum; memória mea in generatióes sæculórum. Qui edunt me adhuc esúrient, et qui bibunt me adhuc sitient. Qui audit me non confundétur, et qui operántur in me non peccábunt. Qui elúcidant me vitam ætérnam habébunt.

R. Transíte ad me, omnes qui concupiscitis me : * Et a generatióibus meis implémini, allelúja. V. Vivit Dóminus, quóniam adimplévit in me misericórdiam suam. Et. Glória Patri. Et.

In II Nocturno

Pater. Absol. Ipsíus pietas.

Bened. Deus Pater.

Sermo sancti Petri Da-

miáni Episcopi

Sermo I in Nativ.

B. V. M., in fine

Lectio iv

VIRGO Dei génitrix, cujus pulchritúdinem sol et luna mirántur, súbveni, Dómina,

clamántibus ad te júgiter. Numquid quia ita deificáta, ideo nostræ humanitátis oblíta es? Nequáquam, Dómina. Scis in quo discrimine nos reliqueris, ubi jáceant, quantum delínquant servi tui; non enim cónvenit tantæ misericórdiæ tantam miseriam oblivisci, quia, etsi súbtrahit glória, révocat natúra : non enim ita memoráris justitiæ Dei soli, ut misericórdiam non hábeas, neque ita es impassibilis, ut sis incompassibilis. Natúram nostram habes, non áliam; et justum est ut de rore tantæ pietátis diffúsius infundámur. Fecit in te magna qui potens est, et data est tibi omnis potéstas in cælo et in terra. Nil tibi impossibile, cui possibile est desperátos in spem beatitudinis releváre. Quómodo enim illa potéstas tuæ poténtiæ póterit obviáre, quæ de carne tua carnis suscepit originem? Accédis enim ante illud áureum humanæ reconciliatióis altáre, non solum rogans, sed ímperans, Dómina, non ancílla.

R. Meum est consílium et æquitas, * Mea est pru-

déntia, mea est fortitúdo, allelúja. V. Ego diligéntes me díligo, et qui mane vígilant ad me, invénient me. Mea est.

Bened. Christus perpétuæ.

Lectio v

MÓVEAT te natúra, poténtia móneat; quia quanto poténtior, tanto misericórdior esse debébis. Potestáti enim cedit ad glóriam, injúrias ulcisci nolle, cum possit. Scio, Dómina, quia benigníssima es, et amas nos amóre invincíbili, quos in te et per te Fílius tuus et Deus tuus summa dilectióe diléxit. Quis scit quóties refrigeras iram Júdicis, cum justitiæ virtus a præséntia deitátis egréditur? In má nibus tuis sunt thesáuri miseratiónum Dómini, et sola elécta es, cui grátia tanta concéditur. Absit ut cesset manus tua, cum occasiónem quæras salvándi míseros et misericórdiam effundéndi! neque enim tua glória minúitur, sed augétur, cum pœniténtes ad véniam, justificáti ad glóriam assumúntur. Summa glória est post Deum te vídere, adhærere tibi, et in

tuæ protectionis munimine demorari. Audi nos. Nam et Filius nihil negans honorat te, qui est Deus benedictus in sæcula sæculorum. Amen.

Ry. Ego mater pulchræ dilectionis, et timoris, et agnitionis, et sanctæ spei : in me grátia omnis viæ et veritatis : * In me omnis spes vitæ et virtutis, allelúja. V. Memoria mea in generationes sæculorum. In me.

Bened. Ignem sui amoris.

Lectio vi

Ex historicis documentis
BEATÆ Mariæ Virginis apud divinum Cor potentiam, dilectionem et efficacem intercessionem uno nomine recollere et honorare cupientibus, Missionariis Sacratissimi Cordis Jesu opportunum visum est, eamque taliter christifidelibus colendam proponere, quo abundantius thesauros miserationum Domini per ipsam acciperent, ejusque juvenem, præsertim desperantes, sentirent. Hisce pii Missionariorum Fundatoris votis benigne annuit Pius nonus, qui devotionem hanc multoties

commendavit et indulgentiis auxit, ejusdemque Virginis imaginem, multis præclaram beneficiis, per Antistitem Bituricensis, suo nomine, coronari voluit. Leo vero decimus tertius sancti Jacobi Hispanorum collabens templum in Urbe, noviter instauratum, eidem Virgini dicari permisit, festumque ritu duplici primæ classis cum octava Missionariis sacratissimi Cordis celebrari indulsit. Ex hac tam salutifera devotione ubique terrarum erga amantissimum Cor Jesu majus incrementum proflixit. Quare Pius decimus Archisodalitatem Beatæ Mariæ Virginis a Sacro Corde Jesu, confirmatis Antecessorum privilegiis enixe commendavit. Benedictus decimus quintus, quinquagesimo memoratæ coronationis anno, templum Exolduense jampridem Basilicæ minoris titulo insignitum, novis privilegiis replévit. Tandem Pius Papa undecimus omnibus præfatis Missionariis et eidem Archisodalitati Officium et Missam propriam concessit.

Ry. Beatus homo qui audit me, et qui vigilat ad fores meas quotidie. * Qui me invenerit, inveniet vitam, et hauriet salutem a Domino, allelúja. V. Si quis est parvulus, veniat ad me. Qui. Glória Patri. Qui.

In III Nocturno

Pater. Absol. A vinculis.

Bened. Evangelica lectio.

Lectio sancti Evangelii secundum Joannem

Lectio vii Cap. 2, 1-11

IN illo tempore : Nuptiæ factæ sunt in Cana Galilææ, et erat mater Jesu ibi. Et reliqua.

Homilia sancti Bernardini Senensis

Sermo 9 de septem verbis Virginis gloriosæ, art. 3, cap. 2

ET DEFICIENTE vino, dicit mater Jesu ad eum : Vinum non habent. Hoc est igitur illud verbum admirandæ compassionis et pietatis, quo dulcissima mater Christi, et advocata nostra, et in terris et in cælis, pro nobis miserabilibus et infirmis, tamquam pia mater pro filiis suis undique deplorandis, dicit dilecto primogenito

suo : Vinum non habent. Non quidem ut nos accuset, aut nobis impræperet, sed potius ut Christum ad piam miserationem erga nos inducat, et ut nobis impetret vinum optimum et copiosum cælestium saporum et ebrietatum, atque omnium virtutum, quæ nobis sunt necessaria ad salutem.

Ry. Sub tuum præsidium confugimus, clementissima Virgo, suscipe nos, única spes nostra, et nostris delectare laudibus, * Quibus indigni omni te laude dignissimam collaudamus, allelúja. V. Aufer a nobis iniquitates nostras, ut digni canamus tibi gloriæ melos. Quibus indigni omni te laude dignissimam collaudamus, allelúja.

Bened. Cujus festum collimus, ipsa Virgo virginum.

Lectio viii

NÓVERAT Virgo mater omnem creaturam subjacere defectui, ab inopia expugnari, debitam non habere lætitiā, turpissimis subjacere pudoribus, atque ex defectu veri boni confundi, dum in perfunctoriis mundi

quasi in nuptiis delectatur. Quamobrem intercessit ad Filium Dei dicens: Vinum non habent. Non ut faceret ipsum memorem, qui omnia novit; sed interpellans Virgo mater locuta est, ac si ad eam cura omnium pertineret.

Ry. Porta cæli et stella maris es, Virgo Maria, * Regis æterni mater, gratos nos redde Filio tuo: * Quia omnis virtus, et decor, et gloria ex te respicunt, allelûja. V. Tu vénia vena, tu grátia mater, tu spes mundi, exaudi nos clamantes ad te. Regis æterni. Glória Patri. Quia.

Bened. Ad societatem.

Lectio ix

OMNIUM hominum advocatam se sentiens, quæ pro omnibus creaturis facta fuerat, Virgo mater officium advocatōnis et piæ auxiliatricis assumpsit. Si hoc non rogata perfecit, quid rogata perficiet? Si hoc viatrix existens, quid cum regnat in patria? Si hoc apud Filium temporali morti subiectum, quid cum mortem superavit, carnem immortalem revocavit a

tumulo, collocavit in cælo, paternam sedet ad dexteram, tenens imperium universorum? Exigit enim ordo divinæ gratiæ ut nos, dum benedicta Virgo mater nostram deficientiam supplere intendit, ejus precibus cooperemur.

Te Deum laudamus.

AD LAUDES

V. Dedisti nobis protectionem salutis tuæ, allelûja. Ry. Et dextera tua suscepit nos, allelûja.

Ad Bened. Ant. Recordare, Virgo Mater Dei, * dum steteris in conspectu Domini, ut loquaris pro nobis bona, allelûja.

Oratio

DOMINE Jesu Christe, qui beata Maria Virgine intercedente in nos divitias Cordis tui dignaris effundere: concede, quaesumus; ut quod in ejusdem Virginis veneratione deposcimus, te propitiante consequi mereamur: Qui vivis.

AD II VESPERAS

V. Dedisti, ut supra.

Ad Magnif. Ant. Ad te clamamus, * Virgo mater: revertere, ut intueamur te largientem benefi-

cia, conferentem remedia, ponentem fortitudinem. Ostende nobis faciem miserationum tuarum, et salvi erimus, allelûja.

Oratio ut supra.

DIE 16 MAJI

S. ISIDORI AGRICOLÆ

CONFESSORIS

PATRONI PRINCIPALIS

AGRICOLARUM

III classis

(Ex indult. Apost., die 16 Martii 1943)

Bened. Ad societatem.

Lectio iii

¶ Lectio contracta; secus e tribus II Nocturni fit una, ut sequitur.

ISIDORUS Agricola prope Matritum Hispaniæ urbem, in qua natus fuerat, mercède colendis agris conductus, brevi magnarum sibi virtutum eo in exercitio uberrimam segetem paravit. Admirabilis enim Christi ac Sanctorum imitator, numquam ad opus mane se conferēbat, nisi prius Dei regnum studiose quæret, ecclesiāsque in ipsius ac Deiparæ honorem dicatas visitaret. Quare cum illius moram agri dominus graviter ferret, atque ex editiore loco quadam

die, ut eum liberior increparet, Agricolam opperiretur, binos Angelos candida veste duplici boum jugo arantes, mediumque inter illos Isidorum conspexit. Quo miraculo vulgato, magno deinceps honori tam apud herum, quam apud ceteros homines haberi coepit.

Caritate in pauperes adeo flagravit, ut mercedem, quam laboribus parabat, egentibus erogaret. Quin etiam cum aliquando ad commune cum reliquis confratribus prandium plurimos pauperes adduxisset, nihilque aliud, prandio scilicet finito, quam pulmenti partem sibi reservatam reperisset, illam vir Dei, fide singulari fretus, ita distribuit, ut admirabiliter aucta iis omnibus alendis saturandisque sufficeret. Illud etiam inter cetera mirandum, quod per æstivos calores ad exstinguendam in agro sitim, aquæ potum hero flagitante, cum nullibi scatere, Isidorus stimulo, quem gerēbat, humo percussa, uberem ex ea, et perennem ad hæc usque tempora fontem elicit.

Igitur sanctitate clarus, cum ad ultimam senectutem pervenisset, obdormivit in Domino, et in cœmetério sancti Andréæ sepultus tamdiu ibi jácuit, quoad cives de ipsius corpore honestius in ecclesia collocando divinitus muniti, illud in lóculo integrum atque ádeo incorruptum invenérunt, ut ex eo suavissimus odor, qui hac étiam tempestate perdurat, efflaret. Sacrum corpus in ecclesiam translátum, et in editiøre loco situm, máximis Deus miráculis illustrávit. Quorum beneficéntiam non semel tam ipsa Matrítí civitas, quam étiam cétera Hispániæ loca, ope ipsius imploráta, persensérunt. Quem postrémo post annos fere quadringéntos fama sanctitátis, ac miráculis illústrem, Gregórius décimus quintus in Sanctorum número rétulit. Te Deum laudámus.

AD LAUDES

ŷ. Justum dedúxit Dóminus per vias rectas, allelúja. R. Et osténdit illi regnum Dei, allelúja.

Ad Bened. Ant. Euge, serve bone * et fidélis, quia in pauca fuísti fidélis,

supra multa te constituam, intra in gáudium Dómini tui, allelúja.

Oratio

DA NOBIS, quæsumus, miséricors Deus, beáto Isidóro Agrícola Confessóre tuo intercedente, supérbe non sápere : sed ejus méritis et exémplicis plácita tibi semper humilitate deservíre. Per Dñm.

Et fit com. S. Ubaldi Ep. et Conf. :

Ant. Sacérdos et Póntifex, et virtútum ópifex, pastor bone in pópulo, ora pro nobis Dóminum, allelúja.

ŷ. Amávit eum Dóminus, et ornávit eum, allelúja. R. Stolum glóriæ induit eum, allelúja.

Oratio

AUXILIUM tuum nobis, Dómine, quæsumus, placátus impénde : et, intercessióne beáti Ubaldi Confessóris tui atque Pontíficis, contra omnes diaboli nequítias dexteram super nos tuæ propitiatiónis exténde. Per Dñm.

AD VESPERAS

ŷ. Justum, ut supra.

Ad Magnif. Ant. Hic vir, despiciens mundum * et terréna, triúmphans, divítias cælo cóndidit ore, manu, allelúja.

Oratio Da nobis, ut supra.

In cathedr.
Carolinapolitana

DIE 19 MAJI

SANCTI DUNSTANI

EP. ET CONF.

TITUL. ECCL. CATHEDR.

I classis

Omnia de Communi
Conf. Pont., præter seq.

AD I VESPERAS

Oratio

DEUS, qui beátum Dunstanum Pontíficem tuum ad regna transtulisti cælestia : da nobis per gloriósa ejus mérita ad gáudia transire perénnia. Per Dóminum.

In II Nocturno

Pater. Absol. Ipsius pietas.

Bened. Deus Pater.

Lectio iv

DUNSTANUS, nóbili genere ortus, cum ex regis aula adversántibus æmulis pelleretur, mundo valefáciens, Glastóniam tunc téporis mónachis vácuam secéssit, et monachórum cœtum cóngregans eorúmdem abbas effectus est. Régibus Edmúndo et Edrédo acceptíssimus fuit : Edwíro vero invísus, cum pravos ejúsdem actus argueret, et cupiditatibus

adversarétur. Unde factum est, ut persequente rege fúgere coactus sit, et Gandávi in Flándria exsul dégeret.

R. Inveni David servum meum, óleo sancto meo unxi eum : * Manus enim mea auxiliábitur ei, allelúja. ŷ. Nihil proficiet inimicus in eo, et filius iniquitátis non nocébit ei. Manus.

Bened. Christus perpétuæ.
Lectio v

REGNANTE autem Edgáro in pátriam summa ómnium lætítia revocátus, paulo post ad archiepiscopátum Cantuariénsem elevátus est. Ecclesiástica disciplínæ propagátor accérimus, némini delinquenti parcébat. Cléricos minus continenter degéntes ex ecclésiis ejécit, eorúmq; loco mónachos reguláres introduxit; regémque ipsum ob peccáta commissa septénni pœniténtia coércuit.

R. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei, allelúja. ŷ. Inveni David servum meum, óleo sancto meo unxi eum. Manus.

Bened. Ignem sui amoris.

Lectio vi

DUM Dunstani severitatem multi formidarent, ejusdem tamen sanctitatem omnes mirabantur, ita ut apud plebem boni archiepiscopi cognomen sortiretur. Defunctis Edgáro et Eduárdo regibus Ethelredo próximo heredi coronam impósuit, cui regnum infáustum, laborésque continuos prädixisse perhibetur. Mór- tuus est autem plenus dié- rum, et in ecclésia sua sepúltus est, exeunte século décimo.

R. Iste est, qui ante Deum magnas virtutes operátus est, et omnis terra doctrina ejus repléta est : * Ipse intercédát pro peccátis ómnium populó- rum, allelúja. *V.* Iste est, qui contempsit vitam mundi, et pervénit ad cæléstia regna. Ipse. Glória Patri. Ipse.

In III Noct. homilia in Evang. Vigiláte, de Comm. 2º loco.

Oratio

DEUS, qui beátum Dun- stánium Pontíficem tuum ad regna transtulí-

sti cæléstia : da nobis per gloriósa ejus mérita ad gáudia transire perén- nia. Per Dóminum.

In Cathedr. Rimouskien.

DIE 28 MAJI

**SANCTI GERMANI
PARISIENSIS**

EP. ET CONF.
TITULARIS
ECCLES. CATHEDR.

I classis

Omnia de Communi
Conf. Pont., præter seq.

In II Nocturno

Pater. Absol. Ipsius pié-
tas.

Bened. Deus Pater.

Lectio iv

GERMÁNUS, apud Æduos honéstis pa- réntibus natus, a beáto Scopilióne propín- quo suo educátus est, cum quo ad matutinas preces ecclésiám, mille passus pene distántem, quacúm- que áeris intempérie adí- bat. Présbyter a sancto Agrippino ordinátus, ex mónacho per Nectárium, Agrippini successórem, fa- ctus est abbas monastérii Sancti Symphoriani Au- gustodunénsis. Eusébio

Parisiórum episcopo mór- tuo sufféctus, nihil remí- sit de vitæ austeritate quam in monastério ége- rat. Hora noctis tértia ec- clésiám ingressus, non re- cedébat ante dilúculum, céteris de clero per tres vigilias sibi vicissim ad psalléndum succedénti- bus. Ita Deo erat inten- tus, ut de illo semper ali- quid conférret in privá- tis collóquiis, lectiões sa- cras ad mensam adhiberet, et dum iter ágeret, divi- num offícium nudo cápite, étiam inter equitándum persólveret. Clerum, pó- pulum et infántes ipsos, Fortunáto teste, divinas laudes psállere pie insti- tuit. Mira ejus in páupe- res, máxime vero in ser- vos captivósque redimén- dos, beneficéntia fuit : quod ei Childebértum re- gem ita conciliávit, ut ex régio ærário ad pias largi- tiões ingéntem ei pecú- niam subministráret.

R. Inveni David servum meum, óleo sancto meo unxi eum : * Manus enim mea auxiliábitur ei, alle- lúja. *V.* Nihil proficiet ini- micus in eo, et filius ini- quitátis non nocébit ei. Manus.

Bened. Christus perpé-
tuæ.

Lectio v

CUM autem Childebér- tus in gravem mor- bum apud Cellas, in pago Melodunénsi, incidisset, réddita sibi a Germáno, per impositionem mánu- um, sanitáte, villam ip- sam donávit matri ecclé- siæ Parisiénsi, quæ jam tunc in honórem sanctæ Mariæ dedicáta erat. Ac- cersitus a Clotário, qui, quod eum contempsisset, a Deo percússus fuerat, illum, admótis vestimén- tis suis, sanávit. Caribér- tum reprehéndit, qui uxó- ris sorórem dúxerat, eique sacris interdixit. Sigebér- tum, imploráta étiam per líttas Brunichildis uxó- ris ópera, deterrére conát- us est a cæde Chilperici fratris, suisque mónitis reluctántem brevi moritú- rum prädixit.

R. Pósui adjutórium su- per poténtem, et exaltávi eléctum de plebe mea : * Manus enim mea auxi- liábitur ei, allelúja. *V.* In- veni David servum me- um, óleo sancto meo unxi eum. Manus.

Bened. Ignem sui amoris.

Lectio vi

PROFECTUS ad synodum Bituricensem, in qua Felix est ordinatus, Judæum quemdam lucratus est, ejusque conjugem a dæmone obsessam liberavit, quæ mox una cum multis aliis Judæis christianam fidem professæ est. Augustoduni, in ordinatione Syagrii, Florentino, qui postea Matisconensis episcopus fuit, oculi usum restituit. Parisiis cum ad basilicam sanctorum Gervasii et Protasii orandi causa accederet, solo crucis signo oclusas fores aperuit. Sedit in concilio Parisiensi tertio et quarto, et in Turonensi secundo. Aliquot ante transitum diebus, ad suum lectulum per notarium inscribi voluit verba : Quinto Kalendas Junias. Qua die cum obiisset, tunc apertus est, qui eatenus latuerat verborum sensus. Corpus ejus sepultum est Parisiis ad sanctum Vincéntium, in oratorio sancti Symphoriani, et sub Pippino in majorem hujus monasterii basilicam translatum.

R. Iste est, qui ante Deum magnas virtutes operatus est, et omnis terra doctrina ejus repléta est : * Ipse intercedat pro peccatis omnium populorum, allelúja. V. Iste est, qui contempsit vitam mundi, et pervénit ad cælestia regna. Ipse. Glória Patri. Ipse.

In III Nocturno

Pater. Absol. A vinculis. Bened. Evangélica lectio.

Lectio sancti Evangelii secundum Joannem

Lectio vii Cap. 10, 11-16

IN illo tempore : Dixit Jesus pharisæis : Ego sum pastor bonus. Bonus pastor animam suam dat pro ovibus suis. Et reliqua.

Homilia sancti Augustini Episcopi

Sermo 138

AUDIVIMUS Dominum Jesum commendantem nobis boni pastoris officium. In qua commendatione admonuit nos utique; ut intelligi datur, bonos esse pastores. Et tamen ne intelligeretur perverso modo multitudo pastorum : Ego sum, inquit, pastor bonus. Et unde sit pastor bonus

consequenter ostendit : Pastor, inquit, bonus animam suam ponit pro ovibus. Mercenarius autem, et qui non est pastor, videt lupum venientem, et fugit : quoniam non est ei cura de ovibus; mercenarius est enim. Pastor ergo bonus Christus. Quid Petrus? Nonne bonus pastor? Nonne et ipse animam pro ovibus posuit? Quid Paulus? Quid ceteri Apostoli? Quid eorum tempora consequentes beati Episcopi martyres? Nonne omnes pastores boni; non mercenarii, de quibus dicitur : Amen dico vobis, perciperunt mercedem suam?

R. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum, allelúja. V. Induit eum Dominus loriceam fidei, et ornavit eum. Et.

Bened. Cujus festum.

Lectio viii

DOMINUS unitatem commendans pastoribus bonis, noluit multos appellare pastores. Neque enim, ut dixi jam, non erat pastor bonus Petrus,

Paulus, Apostoli ceteri, et posteriores sancti Episcopi. Omnes hi pastores boni; et tamen ille pastoribus bonis non commendavit pastores bonos, sed pastorem bonum. Ego sum, inquit, pastor bonus. Quid dicis, Domine, bone pastor? Audiāmus, et adjuva ut intelligāmus. Ego sum, inquit, pastor bonus.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis, allelúja. V. Vigilate ergo, quia nescitis qua hora Dominus vester venturus sit. Et. Glória Patri. Et.

Bened. Ad societatem.

Lectio ix

QUID est ergo quod pastoribus bonis commendas unum pastorem, nisi quia in uno pastore doces unitatem? Et exponit apertius ipse Dominus per ministerium nostrum, ex ipso Evangelio commemorans caritatem vestram, et dicens : Audite quid commendavi. Ego sum pastor bonus, dixi :

quia omnes ceteri, omnes pastores boni, membra mea sunt. Unum caput, unum corpus, unus Christus. Quid sunt hæc, nisi quod dicit Apóstolus : Sicut enim corpus unum est, et membra habet multa, omnia autem membra corporis cum sint multa, unum est corpus, sic et Christus. Ergo si sic et Christus, mérito Christus in se habens omnes pastores bonos, unum commendat dicens, Ego sum pastor bonus. Ego sum, unus sum, mecum omnes in unitate unum sunt.

Te Deum laudamus.

Oratio

DEUS, Sanctórum tuórum splendor mirabilis, qui hunc diem beati Germáni Pontificis depositione consecrásti : da Ecclesiæ tuæ in ejus natalitio exsultánti; ut apud

AD MATUTINUM

Invit. Regem Virginum Dóminum, *

Veníte, adorémus, allelúja.

Ps. 94 Veníte, exsultémus.

Hymnus

STAT cultrix vigilans páuperis hórtuli,
Annórum trédecim párvula, nil sciens,
Primas docta preces, præ sóciis pia,
Simplex, mitis et innocens.

misericórdiam tuam exemplis ejus protegátur et méritis. Per Dóminum.

In Provincia Quebecen.

DIE 30 MAJI

SANCTÆ JOANNÆ
DE ARC

VIRGINIS

III classis

AD I VESPERAS

Sicubi festum sub gradu I classis recolatur, ant. et capit. de Laud. 52, pss. ut in Communi fest. B. Mariæ Virg., hymnus Stat cultrix, ut infra.

ψ. Méritis et précibus beátæ Joannæ, allelúja.

R. Propítius esto, Dómine, pópulo tuo, allelúja.

Ad Magnif. Ant. Hæc est Joánna, * virgo Aurelianénsis : hæc est, quæ multum orat pro pópulo, et pro univérſa Gallórum gente, allelúja.

Oratio Deus, qui, ut ad Laudes 53

Orántem Míchaël Angelus édocet,
Quam claræ páрили lúmine vírgines,
Virtútum méritis conspícua simul,
Crebris allóquiis foveat.

Dum voces súperas éxciſcit, éxpavet :
Sed, fidens Dómino, fórtior in dies,
Parens impériis, pro pátria libens

Castam se vovet hóstiam.

Mox dulces sócias et pátriam domum,
Et cum matre patrem jussa relinquare,
Miles facta Dei, quo vocat Angelus,

Fertur nil trépídans eques.

Qui terras státuit, glória sit Patri :

Qui gentes rédimít, glória Fílio :

Sancto Spirítui glória, qui pius

Et fortes ánimas facit. Amen.

In I Nocturno

Ant. Eleváta est * magnificéntia Joannæ super cælos, allelúja.

Psalmi de Communi Virginum.

ψ. Méritis et précibus beátæ Joannæ, allelúja.

R. Propítius esto, Dómine, pópulo tuo, allelúja.

Pater. Absol. Exáudi.

Bened. Benedicçãoe.

De libro Ecclesiástici

Lectio i Cap. 51, 1-7

CONFITEBOR tibi, Dómine Rex, et collaudábo te Deum Salvatórem meum. Confitebor nómini tuo : quóniam adjútor et protéctor

factus es mihi, et liberásti corpus meum a perditíone, a láqueo linguæ iniquæ, et a lábiis operántium mendácium, et in conspéctu astántium factus es mihi adjútor. Et liberásti me secúndum multitudínem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de portis tribulatiónum, quæ circumdedérunt me : a pressúra flammæ, quæ circúmdedit me, et in médio ignis non sum æstuáta : de altitúdine ventris inferi, et a lingua coínquináta, et a verbo mendáci, a rege iníquo, et a lingua injústa.

Ry. Deus ómnium exauditor est : ipse misit Angelum suum, et tulit me de óvibus patris mei : * Et unxit me unctione misericórdiæ suæ, allelúja. V. Præparáte corda vestra Dómino, et servíte illi soli, quia misit me in adjutórium vobis. Et.

Bened. Unigénitus.

Lectio ii Cap. 51, 8-12

LAUDÁBIT usque ad mortem ánima mea Dóminum, et vita mea appropinquans erat in inférno deórsum. Circumdederunt me úndique, et non erat qui adjuváret. Respiciens eram ad adjutórium hóminum, et non erat. Memoráta sum misericórdiæ tuæ, Dómine, et operatiónis tuæ, quæ a sæculo sunt : quóniam éruis sustinéntes te, Dómine, et líberas eos de manibus géntium.

Ry. Ego tuli te de domo patris tui, et audíre feci tibi vocem meam : * Fuique tecum in ómnibus, ubicúmque ambulásti, allelúja. V. Feci tibi nomen grande in univérso pópulo tuo, juxta nomen magnórum, qui sunt in terra. Fuique tecum.

Bened. Spíritus Sancti.

Lectio iii Cap. 51, 13-17

EXALTÁSTI super terram habitatióem meam, et pro morte defluente deprecáta sum. Invocávi Dóminum, Patrem Dómini mei, ut non derelínquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessiône, et exaudíta est orátió mea. Et liberásti me de perditiónē, et eripuísti me de témpore iníquo. Propterea confitebor, et laudem dicam tibi, et benedicam nómini Dómini.

Ry. Adonái, Dómine, Deus magne et mirábilis, qui dedísti salutem in manu féminæ : * Exáudi preces servórum tuórum, allelúja. V. Benedíctus es, Dómine, qui non derelínquis præsumentes de te, et de sua virtúte gloriántes humíliās. Exáudi. Glória Patri. Exáudi.

In II Nocturno

Ant. Propter veritatem, * et mansuetúdinem, et justitiam, dedúcet te mirabiliter dextera tua, allelúja. Pss. de Comm. Virg.

V. Factus est Dóminus suscēptor meus, allelúja. Ry. Et refúgium meum in die tribulatiónis, allelúja.

¶ Si hoc festum celebratur sub ritu III classis, tunc lectio iii contracta; secus e tribus II Nocturni fit una. (Bened. Ad societatem.)

Pater. Absol. Ipsius pietas.

Bened. Deus Pater.

Lectio iv

JOANNA de Arc, in ópido Domreménsi, olim diocécis Tullénsis, nunc Sancti Deódati, conspícuís fide et morum integritáte paréntibus orta est, anno Christi milésimo quadringentésimo duodécimo. Vix trédecim annos habébat, solúmmodo doméstica negótia, opus rústicum, et prima rerum divinárum eleménta edócta erat, cum se a Deo eléctam esse admónita est, ad Gálliam ab hóstibus liberándam, et ad prístinum regnum restituéndum. Postquam per quinque annos Míchaél Archángelus atque Catharina et Margarita, vírgines sanctæ, quibus familiáriter utebátur, certiorem eam fecérunt,

quómodo rem jussam perágeret; Deo paréndum esse rata, a præfécito Valis Colórum pétit, et, post nonnúllas repúlsas, obtínuit ut viros sibi daret, qui se ad Cárolum regem dúcerent.

Ry. Benedícat te Dóminus in virtúte sua, qui per te ad níhilum redégit inimícos nostros : * Ut non deficiat laus tua de ore hóminum, allelúja. V. Tu lætítia, tu honorificéntia pópuli nostri, quia nomen tuum ita magnificávit Dóminus. Ut.

Bened. Christus perpétuæ.

Lectio v

SUPÉRNIS mónitis obtemperans, superátis longi itínemis difficultatibus, ad Castrum Cainonense in agro Turónico pervénit, et, Cárolo regi facta fide se a Deo missam esse, in urbem Auréliam profécra est. Paucis diébus, terríbili impetu, triplicem cladem hóstibus inflixit, castélla expugnávit, suúmque sústulit vexillum. Inde, post ália bélica facta, in quibus mirum in modum apparuit auxílium Dei, Rhemos Cárolum duxit, ut régia consecratióne inungerétur.

Nec quiescendum esse cœnsuit : sed cum a cælestibus nuntiis accepisset se, Deo permittente, in hostium potestatem esse venturam, libenti animo, quæ fieri necesse esset, suscepit.

Ry. Ornavérunt faciē templi coronis aureis, unxérunt regem, et ascendentes læti dixerunt : Vivat rex. * Et facta est lætitia magna in pópulo, allelúja. V. In hymnis et confessionibus benedicebant Dóminum, qui per manum feminae fecit victoriam. Et.

Bened. Ignem sui amoris.

Lectio vi

CAPTA Joāna in civitate Compēdio, et hostibus pretio tradita, Rothomagum mox ducta, cum ibi in jus rapta esset, quamplurimis criminationibus, excēptamorum castitate, fuit obnoxia; sed omnia pro Jesu patienter toleravit. Acta per corruptissimos iudices causa, innocens et mitis virgo damnata est poena combustionis. Igitur sacra Eucharistia, quam tamdiu desideraverat, refecta, oculis ad crucem conversis, nomen Jesu

sæpissime ingeminans, ad cælum evolavit die trigésima Maji, nondum expleto ætatis suæ anno vigésimo. Romāna Ecclēsia, quam semper dilexerat, et ad quam sæpius provocaverat, eam ab omni crimine vindicandam, Callisto tertio summo Pontifice, curavit. Vergente in finem sæculo undevigésimo, Leo decimus tertius Aurelianensis Puellæ causam introduci permisit. Postræmo Joānam de Arc summus Pontifex Pius decimus in beatarum, Benedictus vero decimus quintus in sanctarum Virginum numerum retulit. Pius tandem undecimus, Francorum votis præsum annuens, post beatam Mariam in cælos assumptam, Galliæ patrōnam illam secūdam declaravit et constituit.

Ry. Puella mea, noli timere, quia ego tecum sum, dicit Dóminus : * Si transieris per ignem, flamma non nocēbit animæ tuæ, et ego glorificabo eam, allelúja. V. Mittam tibi Angelum meum, et in medio flammæ laudabis nomen meum. Si. Glória Patri. Si.

In III Nocturno

Ant. Confessio et pulchritudo * in conspectu ejus, sanctitas et magnificentia in sanctificatione ejus, allelúja.

Pss. de Comm. Virg.

V. Posuisti, Dómine, super caput ejus, allelúja.

Ry. Coronam de lapide pretioso, allelúja.

Pater. Absol. A vinculis.

Bened. Evangélica lectio.

Lectio sancti Evangelii secundum Matthæum

Lectio vii Cap. 16, 24-27

In illo tempore : Dixit Iesus discipulis suis : Si quis vult post me venire, abneget semetipsum et tollat crucem suam, et sequatur me. Et reliqua.

Homilia sancti Hilarii

Episcopi

Can. 16, 17

O BEATUM damnum et jactura felix! ditéscere nos Dóminus detrimento animæ et corporis voluit, et esse sui similes hortatur : quia ipse in figura Dei constitutus, usque ad mortem humilis et obediens factus, principatum potestatis totius, quæ in Deo est, accepit. Sequendus igitur est cruce assumpta,

et passionis suæ si non sorte, attamen voluntate, comitandus est. Quid enim prodest occupasse mundum, et toto terrænæ potestatis dominatu opibus sæculi incubare, si perdenda anima et suscipiendum vitæ detrimentum est?

Ry. Exaudiatur Dóminus orationem puellæ suæ, qua oravit pro nobis, ut reconcilietur nobiscum Deus : * Fac, Dómine, ut maneat Nomen sanctum tuum in terra nostra, allelúja. V. Respice, Dómine, et visita pópulum tuum, ne deficiat in eo Hostia et Sacrificium. Fac, Dómine.

Bened. Cujus festum.

Lectio viii

QUÆ autem commutatio pro anima, cum fuerit amissa, quaeretur? cum Angelis enim Christus aderit, reddens singulis ut merebuntur. Quid afferemus ad vitam? Præparatos credo terrenarum opum futuris commerciis thesauros, ambitiosos dignitatum famæque titulos, aut veteres delicatæ nobilitatis imagines? Neganda sunt hæc omnia, ut melioribus abundemus, et

contemptu universorum Christus sequendus est, et æternitas spiritualium, terrenorum est damno comparanda.

Ry. Dómine, prævenisti eam in benedictionibus dulcedinis : * Posuisti in capite ejus coronam de lapide pretioso, allelúja.
V. Quia minas júdicum non tímuit, nec terrénæ dignitátis glóriam quæsi- vit, sed ad cæléstia regna pervénit. Posuisti. Glória Patri. Posuisti.

Bened. Ad societatem.

Lectio ix

GRAVE onus infirmitati humanæ imposuerat, ut, cum sensum vitæ hómines ex vivendi afféctu habére cœpissent, fructum ejus, qui præsens corpóribus blandiebátur, amitterent; negaréntque se sibi, id est, quod esse cœpissent, esse se nollent; cum sensus hujus exórdium ex afféctu voluntátis habuissent. Opus ergo erat veri ac manifesti ex- émpli auctoritate, ut, contra vim sensúmque judí- cii, optábile fieret præsen- tium damnum, lucro de- íncept non ambíguo futu- rorum. Igitur postquam et tollendam crucem, et

perdendam ánimam, et damno mundi commu- tándam vitæ æternitatem monúerat, convérsus ad discípulos, ait : Quosdam ex his futúros, qui gusta- túri mortem non essent, donec Fílium hóminis in regni sui glória contue- réntur.

Te Deum laudamus.

AD LAUDES

Ant. 1 Ecce Joánna, * virgo simplex et piússima, quóniam tímébat Dómi- num valde, nec erat qui loquerétur de illa verbum malum, allelúja.

Pss. de dom. 1º loco.

2 Suscitávit eam Dómi- nus, * et ideo puélla induit armatúram Dei, ut posset stare advérsus insídiás ini- micórum, allelúja.

3 Stetit * succíncta lum- bos suos in veritáte, et indúta loricam justitiæ, assúmpsit scutum et gá- leam salútis, allelúja.

4 Ecce levávit * ad gentes manum suam, et ad pópulos exaltávit signum Dómini, ut fúgerent par- tes advérsæ, allelúja.

5 Custodívit eam * An- gelus, et hinc eúntem, et ibi commorántem, et inde reverténtem, atque in mé-

dio ignis non derelíquit eam, allelúja.

Capit. Sap. 8, 9-10

PROPÓSUI sapiéntiam ad- dúcere mihi ad convi- véndum : sciens quóniam mecum comunicábit de bonis, et erit allocútio cogitatiónis et tædii mei. Habébo, propter hanc, claritátem ad turbas, et honórem apud senióres júvenis.

Hymnus

AURELIANI túrribus Frustra premúntur hóstium :

Intrat Joánna : mílites

Hymnos precésque cón- cinunt.

Quam vellet hosti pár- cere!

Hunc voce amíca præmo- net,

Sponte ut recédens, líbe- rum

Regnum relínquat Gállia.

Negat, sed agmen Gállí- cum

Ruit : Joánna sánguinem

Profúndit, icta vúlneré,

Deúsque dat victóriam.

Urbes et agros óccupat;

Rursus nitescunt Lília;

Turmæ fugántur hósti- um;

Rhemos patéscit sémita.

O sancta et una Trínitas,

Firmans movénsque pé- cto- ra,

Contra malum certánti- bus

Dona vigórem et præ- mium. Amen.

V. Magna est glória ejus in salutári tuo, allelúja.

Ry. Glóriam et magnum decórem impónes super eam, allelúja.

Ad Bened. Ant. Stans beáta Joánna * in médio flammæ, óculis ad crucem convérsis, sic orábat, di- cens : Dómine Jesu, accí- pe spíritum meum : ne státuas illis hoc peccátum, allelúja.

Oratio

DEUS, qui beátam Joán- nam Virgínem ad fi- dem ac pátriam tuéndam mirábiliter suscitásti : da, quæsumus, ejus interces- sióne; ut Ecclésia tua, hó- stium superátis insídiis, perpétua pace fruátur. Per Dóminum.

Et fit com. S. Felicis I Papæ et Mart. :

Ant. Fíliæ Jerúsalem, veníte et vidéte Mártyres cum corónis, quibus coro- návit eos Dóminus in die solemnitátis et lætitiæ, al- lelúja, allelúja.

V. Pretiósá in conspéctu Dómini, allelúja. Ry. Mors Sanctórum ejus, allelúja.

Oratio

GREGEM tuum, Pastor æternæ, placatus inténde: et per beatum Felicem Mártirem tuum atque Summum Pontificem, perpétua protectione custódi; quem totius Ecclésiæ præstitisti esse pastórem. Per Dóminum.

Ad Horas ant. et pss. de feria.

¶ Sicubi autem hoc festum sub gradu I classis recolatur, ant. de Laud., ut supra, cum pss. de dominica ut in festis.

AD TERTIAM

Capit. Propósui, ut ad Vesperas.

Ry. br. Méritis et precibus beatæ Joannæ, * Allelúja, allelúja. Méritis. V. Propítius esto, Dómine, pópulo tuo. Allelúja, allelúja. Glória Patri. Méritis.

V. Factus est Dóminus suscēptor meus, allelúja.

Ry. Et refúgium meum in die tribulatiónis, allelúja.

Oratio

DEUS, qui beatam Joannam Virginem ad fidem ac pátriam tuendam mirabiliter suscitásti: da, quæsumus, ejus intercessiōne; ut Ecclésia tua, hostium superátis insidiis,

perpétua pace fruatur. Per Dóminum.

AD SEXTAM

Capit. Sap. 8, 12

TACENTEM me sustinébunt, et loquentem me respicient, et sermociinánte me plura, manus ori suo impónent.

Ry. br. Factus est Dóminus suscēptor meus, * Allelúja, allelúja. Factus est. V. Et refúgium meum in die tribulatiónis. Allelúja, allelúja. Glória Patri. Factus est.

V. Posuisti, Dómine, super caput ejus, allelúja. Ry. Corónam de lápide pretiósó, allelúja.

AD NONAM

Capit. Sap. 8, 13

HABÉBO, per hanc, immortalitatem, et memoriam æternam his, qui post me futuri sunt, relinquam.

Ry. br. Posuisti, Dómine, super caput ejus, * Allelúja, allelúja. Posuisti.

V. Corónam de lápide pretiósó. Allelúja, allelúja. Glória Patri. Posuisti.

V. Magna est glória ejus in salutári tuo, allelúja.

Ry. Glóriam et magnum decórem impónes super eam, allelúja.

AD VESPERAS

Ant. 1 Ecce Joánna, * virgo simplex et piússima, quóniam timébat Dóminum valde, nec erat qui loqueretur de illa verbum malum, allelúja.

Pss. ut in Communi festorum B. Mariæ Virg.

2 Suscitávit eam Dóminus, * et ideo puélla induit armatúram Dei, ut posset stare advérsus insídias inimicórum, allelúja.

3 Stetit * succíncta lumbos suos in veritatē, et indúta lorícā justitiæ, assúmpsit scutum et gálea salutis, allelúja.

4 Ecce levávit * ad gentes manum suam, et ad pópulos exaltávit signum Dómini, ut fúgerent partes advérsæ, allelúja.

5 Custodívit eam * Angelus, et hinc eúntem, et ibi commorántem, et inde reverténtem, atque in médio ignis non dereliquit eam, allelúja.

Capit. Sap. 8, 9-10

PROPÓSUI sapiéntiam addúcere mihi ad convivendum: sciens quóniam mecum comunicábit de bonis, et erit allocútio cogitatiónis et tædii mei. Habébo, propter hanc,

claritatem ad turbas, et honórem apud senióres juvenis.

Hymnus

SALVE, virilis pectoris Virgo, Patróna Gállia! Torménta dira sústinens, Christi refers imáginem. Voces supérnas áudiens, Jesu repléta lúmine, Dum fata pandis pátriæ, Silent pavéntque júdices. Opprésa flammis, clámitas

Jesum, crucémque fórtiter Ampléxa, ad Ipsum, simplicis

Instar colúmbæ, pérvolas. Choris beátis Virginum Adscrípta, cives ádjuva: Te deprecánte, singulis Detur coróna glóriæ.

Sit laus Patri, sit Fílio: Sancto decus Paráclito, Qui corda amóre saúciat, Vires et auget lánguidis. Amen.

V. Méritis et precibus beatæ Joannæ, allelúja. Ry. Propítius esto, Dómine, pópulo tuo, allelúja.

Ad Magnif. Ant. Joánna, * sponsa Christi, tuatrix et custos pátriæ, esto tuis fámulis murus inexpugnábilis assíduis suffrágiis, allelúja.

Oratio

DEUS, qui beátam Joán-
nam Virginem ad fi-
dem ac pátriam tuéndam
mirabiliter suscitásti : da,
quásumus, ejus interces-
sione; ut Ecclesiá tua, hó-
stium superátis insídiis,
perpétua pace fruátur.
Per Dóminum.

Complet. de feria.

In Cathedrali
Marianopolit.

DIE 31 MAJI

**B. MARIE VIRG.
REGINÆ MUNDI**
TITUL. ECCL. CATHEDR.

I classis

Omnia ut in Brev., omis-
sa com. S. Petronillæ Virg.
Ad I Vesperas, ut ad II,
versus et ant. propr.

In Cathedr. S. Bonifatii

DIE 5 JUNII

SANCTI BONIFATII
EP. ET MART.
TITUL. ECCL. CATHEDR.

I classis

Omnia de Communi u-
nius Mart., præter seq.

Oratio

DEUS, qui multítudi-
nem populórum,
beáti Bonifátii Mátyris

tui atque Pontíficis zelo,
ad agnitióem tui nómi-
nis vocáre dignátus es :
concede propítius; ut, cu-
jus solémnia cólimus, ét-
iam patrocínia sentiámus.
Per Dóminum.

In I Nocturno, lectio-
nes A Miléto, de Com-
muni unius Mart. extra
T. P. cum RY. de Com-
muni Mm. T. P. ibi nota-
tis.

In II Nocturno

Pater. Absol. Ipsius píe-
tas.

Bened. Deus Pater.

Lectio iv

BONIFÁTIUS, ántea
Winfríduſ appellá-
tus, apud Anglos na-
tus est exeúnte sǽculo sép-
timo, et ab ipsa infántia
mundum aversátus, vitam
monásticam in votis há-
buit. Cum ejus pater áni-
mum sǽculi illécebris per-
mutáre frustra tentásset,
monastérium ingreditur,
et sub beáti Wolphárdi
disciplína ómnium virtú-
tum ac scientiárum géne-
re imbúitur. Annum a-
gens trigésimum sacerdotío
insignítur, ac verbi di-
vini prædicátor assíduus,
magno animárum lucro
hoc in múnere versátur.

Attamen, regnum Christi
adaugére desiderans, con-
tinuo flebat ingéntem
multitúdinem barbaró-
rum, qui ignorántiæ téne-
bris immérsi dámoni fa-
mulabántur. Qui quidem
animárum zelus cum in
dies inextinguíbili ardóre
accréceret, divíno númi-
ne per lácrimas et oratió-
nes exploráto, facultátem
a monastérii præpósito
obtinuit ad Germánicas
oras proficiscéendi.

R. Lux perpétua lucébit
Sanctis tuis, Dómine, * Et
ætérnitas téporum, al-
lelúja, allelúja. V. Lætítia
sempitérna erit super cá-
pita eórum : gáudium et
exsultatióem obtiné-
bunt. Et.

Bened. Christus perpé-
tuæ.

Lectio v

EX ANGLIA duóbus cum
sóciis navem solvens,
Dorestádium in Frísia
óppidum venit. Cum au-
tem bellum gravíssimum
inter Frísonum regem
Radbódum et Cárolum
Martéllum exarsísset, si-
ne fructu Evangélium
prædicávit. Quaprópter in
Angliam revérsus, ad su-
um redívit monastérium,
cui invítus præfíctur. Post

elápsum biénnum, ex
consénsu epísopi Vinto-
niénsis, munus abdicávit,
et Romam profectus est,
ut apostólica auctoritáte
ad Gentilium conversi-
onem delegarétur. Cum ad
Urbem pervénisset, a Gre-
gório secúndo benigne ex-
cipitur, pro Winfrído Bo-
nifátius a Pontífice nomi-
nátur. In Germániam di-
récus, Thuringiæ Saxo-
niæque pópulis Christum
annuntiávit. Cum interea
Radbódus, Frísia rex ac
infestíssimus christiáni
nóminis hostis, occubuis-
set, Bonifátius ad Friso-
nes rediit, ubi sancti Wil-
librórdi sócius per trién-
nium tanto cum fructu
Evangélium prædicávit,
ut, destrúctis idolórum si-
mulácris, innúmera vero
Deo ecclésiæ excitarén-
tur.

R. In servis suis, alle-
lúja, * Consolábitur Deus,
allelúja. V. Judicábit Dó-
minus pópulum suum, et
in servis suis. Consolábi-
tur Deus, allelúja.

Bened. Ignem sui amó-
ris.

Lectio vi

A SANCTO Willibródo ad
episcopále munus ex-
petitus, illud detrectávit

ut promptius infidelium salutem instaret. In Germaniam profectus, plura Hassorum milia a demonis superstitione avocavit. A Gregorio Pontifice Romam evocatus, post insignem fidei professionem episcopus consecratur. Exinde ad Germanos redux, Hassiam et Thuringiam ab idololatriæ reliquiis penitus expurgavit. Tanta propter merita Bonifatius a Gregorio tertio ad dignitatem archiepiscopalem evehitur, et tertio Romam profectus a summo Pontifice Sedis apostolicæ legatus constituitur. Qua insignitus auctoritate quatuor episcopatus instituit, et varias synodos celebravit, inter quas concilium Leptinense memorabile est, apud Belgas in Cameracensi diocesi celebratum, quo quidem tempore ad fidem in Belgio adaugendam egregie contulit. A Zacharia Papa creatus Moguntinus archiepiscopus, ipso Pontifice jubente, Pipinum in regem Francorum unxit. Post mortem sancti Willibrordi Ultrajectensem ecclesiam gu-

bernandam suscepit, primo per Eobanum, deinde per seipsum, dum ab Ecclesia Moguntina absolutus Ultrajecti resedit. Frisonibus ad idololatriam relapsis, Evangelium predicare rursus aggreditur, cumque officio pastorali occuparetur, a barbaris et impiis hominibus juxta Bornam fluvium cum Eobano conitatus episcopo multisque aliis cruenta cade peremptus martyrii palma condecoratur. Corpus sancti Bonifatii Moguntiam translatum, et, ut ipse vivens petierat, in Fuldensi monasterio, quod extruxerat, reconditum fuit, ubi multis miraculis inclauit. Pius autem nomen Pontifex maximus, ejus Officium et Missam ad universam Ecclesiam extendit.

R. Filiae Jerusalem, venite et videte Martyres cum coronis, quibus coronavit eos Dominus * In die solemnitatis et lætitiæ, allelûja. V. Quoniam confortavit seras portarum tuarum, benedixit filios tuos in te. In die. Glória Patri. In die.

In III Nocturno

Pater. Absol. A vinculis.
Bened. Evangelica lectio.

Lectio sancti Evangelii secundum Matthæum

Lectio vii Cap. 5, 1-12

In illo tempore: Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

Homilia sancti Augustini Episcopi

Liber I de Sermone Domini in monte, cap. 2

BEATI mundo corde; quoniam ipsi Deum videbunt. Quam ergo stulti sunt, qui Deum istis exterioribus oculis quaerunt, cum corde videatur, sicut alibi scriptum est: Et in simplicitate cordis quaerite illum. Hoc est enim mundum cor, quod est simplex cor. Et quemadmodum lumen hoc videri non potest, nisi oculis mundis; ita nec Deus videtur, nisi mundum sit illud quo videri potest. Beati pacifici; quoniam ipsi filii Dei vocabuntur. In pace perfectio est, ubi nihil repugnat; et ideo filii Dei pacifici, quoniam nihil in his resistit

Deo, et utique filii similitudinem patris habere debent.

R. Ego sum vitis vera, et vos palmites: * Qui manet in me, et ego in eo, hic fert fructum multum, allelûja, allelûja. V. Sicut dilexit me Pater, et ego dilexi vos. Qui manet.

Bened. Cujus festum.

Lectio viii

PACIFICI autem in semetipsis sunt, qui omnes animi sui motus componentes, et subicientes rationi, id est menti et spiritui, carnalésque concupiscentias habentes edomitas, fiunt regnum Dei. In quo ita sunt ordinata omnia, ut id quod est in homine precipuum et excellens, hoc imperet, ceteris non reluctantibus, quæ sunt nobis bestiis communia; atque idipsum quod excellit in homine, id est mens et ratio, subjiçatur potiori, quod est ipsa veritas, unigenitus Filius Dei. Neque enim imperare inferioribus potest, nisi superior se ipse subjiçiat. Et hæc est pax, quæ datur in terra hominibus bonæ voluntatis; hæc vita

consummāti perfectique sapiētis.

R. Cándidi facti sunt Nazaræi ejus, allelúja : splendórem Deo dedérunt, allelúja : * Et sicut lac coagulāti sunt, allelúja, allelúja. V. Cándidióres nive, nitidióres lacte, rubicundióres ébore antiquo, sapphíro pulchrióres. Et sicut lac. Glória Patri. Et sicut lac.

Bened. Ad societátem.

Lectio ix

DE HUIJUSMODI regno pacatissimo et ordinatissimo missus est foras princeps hujus sæculi, qui perversis inordinatisque dominatur. Hac pace intrinsecus constituta atque firmata, quascumque persecuciones ille, qui foras missus est, forinsecus concitaverit, auget gloriam, quæ secundum Deum est; non aliquid in illo ædificio labefactans, sed deficientibus machinis suis innotescere faciens, quanta firmitas intus structa sit. Ideo sequitur: Beati, qui persecutionem patiuntur propter justitiam; quoniam ipsorum est regnum cælorum.

Te Deum laudamus.

Oratio

DEUS, qui multitudinem populorum, beati Bonifatii Martyris tui atque Pontificis zelo, ad agnitionem tui nominis vocare dignatus es: concede propitius; ut, cujus solémnia colimus, etiam patrocinia sentiámus. Per Dñm.

In Cathedr. Pembroken.

DIE 9 JUNII

SANCTI COLUMBÆ

ABBATIS

TITUL. ECCL. CATHEDR.

I classis

Omnia de Comm. Conf. non Pont., præter seq.

Oratio

INTERCESSIO nos, quæsumus, Domine, beati Columbæ Abbatis commendet: ut, quod nostris meritis non valémus, ejus patrocinio assequámur. Per Dóminum.

In II Nocturno

Pater. Absol. Ipsius pietas.

Bened. Deus Pater.

Lectio iv

INTER patrónos totius Hiberniæ cum sancto Patrício et sancta Brígida mérito recensetur sanctus Columba, monasteriorum scholarumque

perplúrium fundátor, indefessus evangélii apóstolus, consiliarius reipublicæ impávidus. Régia utrínque prosápia apud Gartán natus est anno circiter quingentésimo vigésimo primo. Adhuc puer sacerdoti cuidam venerabili apud Kilmacrénan degenti educandus traditur. Aliquot autem post annos, ad scholam et monastérium, quibus apud Moville præerat Finiánus magister id témporis inclutissimus, sese contulit, ubi Sacra præsertim Scripturæ studiis sese dedit, et ad diaconatum est provectus. Inde proficiscens, ad alterum Finiánum, nimirum Clonardiensem, virum tum doctrina tum disciplina tradenda insignem, venit, ut in Sacris Scripturis addiscendis amplius adhuc proficeret; ibique ordine sacerdotali ab Etchéno Episcopo est insignitus. Numquam autem præ humilitate sibi ingénita assentire voluit ut ad dignitatem episcopalem eveheretur. Denique, disciplinis omnibus rite imbútus, ad monasterium sancti Maóbbi apud Glásnevin sese recepit.

R. Honéstum fecit illum Dóminus, et custodivit eum ab inimicis, et a seductoribus tutavit illum: * Et dedit illi claritatem ætérnam, allelúja. V. Justum deduxit Dóminus per vias rectas, et ostendit illi regnum Dei. Et.

Bened. Christus perpétuæ.

Lectio v

DEINDE ad suos in Tirconailliam anno ætatis vigésimo quinto revérsum, dono accepit a príncipe sibi consanguíneo territórii aliquántum, ubi nunc urbs cui nomen Derry, ibique Ecclésiám monasteriumque loco amoenissimo brevi condidit. Opus tamen illico non est aggréssus vir sanctus, cum licéntiam a Maóbio, magistro dilectissimo, nondum impetrasset. Statim autem ac duo magistri illius morientis nuntii ad eum pervenerunt, cingulum ejus in signum commissiónis sacre afferentes, donum a príncipe oblátum lætus accepit. Jam inde ex omnibus regionis Tirconaillie partibus consanguinei ejus et nobiles complures, in religione proficiendi causa,

confestim confluébant. Triginta et septem monasteria in patria fundavit vir sanctus, inter quæ annumerantur permulta in tota Hibernia celeberrima. Plurima quoque in Britannia septentrionali præsertim inter Pictos Insulanosque condidit, apud quos tum monachorum pater tum gentium apostolus habitus est.

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum, allelúja. V. Induit eum Dominus lorica fidei, et ornavit eum. Et.

Bened. Ignem sui amoris.

Lectio vi

ANNO etenim quingentesimo sexagesimo tertio, ad Ionam insulam venit ibique monasterium illud per plura sæcula doctri-na haud secus ac sanctitate inclytissimum fundavit, unde ipse discipulique ad gentes evangelizandas proficiscebantur. Ibi porro peregrinos hospitio excipiebat, peccatores viam poenitentiae edocebat, divino amore incendebat omnes. Orare, laborare, disciplinis opti-

mis studere, suave erat Columbæ opus quotidianum, cui ne per unam quidem horam defuit usque ad mortem; quam post mediam noctem in diluculo Dominicæ, anno quingentesimo septuagesimo septimo, ante Dei altare felicissime obiit. Angelorum familiaris erat vir sanctus, amore Sacramenti Augusti ab incunabulis etiam accensus. Ejus opera Iona insula parens facta est fecunda sanctorum.

R. Iste homo perfecit omnia, quæ locutus est ei Deus, et dixit ad eum: Ingrederere in requiem meam: * Quia te vidi justum coram me ex omnibus gentibus, allelúja. V. Iste est qui contempsit vitam mundi, et pervenit ad cælestia regna. Quia. Glória Patri. Quia.

In III Noct. homilia in Evang. Ecce nos reliquimus, de Comm. Abbatum.

Oratio

INTERCESSIO nos, quæsumus, Domine, beati Columbæ Abbatis commendet: ut, quod nostris meritis non valémus, ejus patrocinio assequámur. Per Dominum.

INDEX

.....	I
..... (5 Junii).....	56
..... (5 Junii).....	60
..... Conversione S. Pauli (25 Jan.).....	18
..... (19 Maji).....	41
..... (3 Jan.).....	12
..... (3 Dec.).....	1
..... (5 Maji).....	42
..... (16 Maji).....	39
..... (30 Maji).....	46
..... (27 Dec.).....	11
..... (12 Jan.).....	15
..... (8 Maji).....	32
..... (8 Maji).....	27
..... Reginæ mundi.....	56
..... de Guadalupe (12 Dec.).....	5
..... (18 Febr. vel 16 Apr.).....	24

OFFICIA PROPRIA CANADENSIS DITIONIS

PARS ALTERA

In Cathedr.
Carolinapolitana

DIE 19 MAJI

SANCTI DUNSTANI

EP. ET CONF.

TITUL. ECCL. CATHEDR.

I classis

Omnia de Communi
Conf. Pont., præter seq.

AD I VESPERAS

Oratio

DEUS, qui beatum Dun-
stanum Pontificem
tuum ad regna transtuli-
sti cælestia : da nobis per
gloriosam ejus merita ad
gaudia transire perennia.
Per Dominum.

In II Nocturno

Pater. Absol. Ipsius pie-
tas.

Bened. Deus Pater.

Lectio iv

DUNSTANUS, nobili
genere ortus, cum
ex regis aula ad-
versantibus æmulis pelle-
rétur, mundo valem faciens,
Glastoniam tunc tempo-
ris monachis vacuum se-

cessit, et monachorum
cœtum congregans eorum-
dem abbas effectus est.
Regibus Edmundo et E-
dredo acceptissimus fuit :
Edwio vero invisus, cum
pravos ejusdem actus ar-
güeret, et cupiditatibus
adversaretur. Unde fa-
ctum est, ut persequente
rege fugere coactus sit, et
Gandavi in Flándria ex-
sul degeret.

Ry. Inveni David ser-
vum meum, oleo sancto
meo unxi eum : * Manus
enim mea auxiliabitur ei.
V. Nihil proficiet inimi-
cus in eo, et filius iniqui-
tatis non nocēbit ei. Ma-
nus.

Bened. Christus perpé-
tuæ.

Lectio v

REGNANTE autem Edgá-
ro in patriam summa
omnium lætitia revocatus,
paulo post ad archiepi-
scopatum Cantuariensem
elevatus est. Ecclesiasticæ
disciplinæ propagator

I CANADEN. — ALTERA

acerrimus, némini delinquenti parcébat. Cléricos minus continenter degentes ex ecclésiis ejecit, eorumque loco monachos regulares introduxit; regemque ipsum ob peccata commissa septenni poenitentia coercuit.

Ry. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. V. Invéni David servum meum, óleo sancto meo unxi eum. Manus.

Bened. Ignem sui amoris.

Lectio vi

DUM Dunstáni severitatem multi formidarent, ejúsdem tamen sanctitatem omnes mirabantur, ita ut apud plebem boni archiepiscopi cognomen sortiretúr. Defúctis Edgáro et Eduárdo régibus, Ethelrédo próximo herédi coronam impósuit, cui regnum infáustum, laborésque contínuos prædixisse perhibétur. Mór-tuus est autem plenus diérum, et in ecclésia sua sepúltus est, exeúnte sæculo décimo.

Ry. Iste est, qui ante Deum magnas virtútes ope-

rátus est, et omnis terra doctrína ejus repléta est : * Ipse intercédat pro peccatis ómnium populórum. V. Iste est, qui contempnit vitam mundi, et pervénit ad cæléstia regna. Ipse. Glória Patri. Ipse.

In III Noct. homilia in Evang. Vigiláte, de Comm. Conf. Pont. 2º loco.

Oratio

DEUS, qui beatum Dunstánum Pontificem tuum ad regna transtulisti cæléstia : da nobis per gloriósa ejus mérita ad gáudia transire perénnia. Per Dóminum.

In Cathedr. Rimouskien.

DIE 28 MAJI

SANCTI GERMANI PARISIENSIS

EP. ET CONF.

TITUL. ECCL. CATHEDR.

I classis

Omnia de Communi Conf. Pont., præter seq.

In II Nocturno

Pater. Absol. Ipsíus pietas.

Bened. Deus Pater.

Lectio iv

GERMÁNUS, apud Æduos honestis parentibus natus, a beato Scopilióne propinquo suo educátus est, cum

quo ad matutinas preces ecclésiam, mille passus pene distántem, quacúmque áeris intempérie adibat. Présbyter a sancto Agrippíno ordinátus, ex monacho per Nectárium, Agrippíni successórem, factus est abbas monastérii Sancti Symphoriáni Augustodunénsis. Eusébio Parisiórum episcopo mórtuo sufféctus, nihil remisit de vitæ austeritate quam in monastério égerat. Hora noctis tértia ecclésiam ingrèssus, non recedébat ante dilúculum, céteris de clero per tres vigílias sibi vicissim ad psalléndum succedéntibus. Ita Deo erat intén-tus, ut de illo semper áli-quid conférret in privátis collóquiis, lectiónes sacras ad mensam adhibéret, et dum iter ágeret, divinum officium nudo cápite, étiam inter equitándum persólveret. Clerum, pópulum et infántes ipsos, Fortunáto teste, divinas laudes psállere pie instítuit. Mira ejus in páuperes, máxime vero in servos captívosque rediméndos, beneficéntia fuit : quod ei Childebértum regem ita conciliávit, ut ex

regio aerario ad pias largitiónes ingéntem ei pecúniám subministráret.

Ry. Invéni David servum meum, óleo sancto meo unxi eum : * Manus enim mea auxiliábitur ei. V. Nihil proficiet inimicus in eo, et filius iniquitátis non nocébit ei. Manus.

Bened. Christus perpétuæ.

Lectio v

CUM autem Childebértus in gravem morbum apud Cellas, in pago Melodunénsi, incidisset, réddita sibi a Germáno, per impositionem mánuum, sanitáte, villam ipsam donávit matri ecclésiæ Parisiénsi, quæ jam tunc in honórem sanctæ Mariæ dedicáta erat. Accersítus a Clotário, qui, quod eum contempsisset, a Deo percússus fúerat, illum, admótis vestiméntis suis, sanávit. Caribértum reprehéndit, qui uxóris sorórem dúxerat, eique sacris interdixit. Sigebértum, imploráta étiam per litteras Brunichildis uxóris ópera, deterrére conátus est a cæde Chilperici fratris, suisque mónitis reluctántem brevi moritúrum prædixit.

R. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. V. Inveni David servum meum, óleo sancto meo unxi eum. Manus.

Bened. Ignem suamóris.

Lectio vi

PROFÉCTUS ad sýnodum Bituricénsem, in qua Felix est ordinátus, Judæum quemdam lucrátus est, ejúsque cónjugem a dæmone obséssam liberávit, quæ mox una cum multis áliis Judæis cristiánam fidem proféssa est. Augustodúni, in ordinatione Syágrii, Florentino, qui póstea Matisconénsis episcopus fuit, óculi usum restituit. Parisiis cum ad basilicam sanctórum Gervásii et Protásii orándi causa accéderet, solo crucis signo occlusas fores apérui. Sedit in concílio Parisiensi tertio et quarto, et in Turonénsi secúndo. Aliquot ante tránsitum diébus, ad suum léctulum per notárium inscribi voluit verba : Quinto Kaléndas Júnias. Qua die cum obiisset, tunc apértus est, qui eátenus latúerat verbó-

rum sensus. Corpus ejus sepúltum est Parisiis ad sanctum Vincéntium, in oratório Sancti Symphoriáni, et sub Pippíno in majórem hujus monastérii basilicam translátum.

R. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. V. Iste est, qui contémpsit vitam mundi, et pervénit ad cæléstia regna. Ipse. Glória Patri. Ipse.

In III Nocturno

Pater. Absol. A vínculis.

Bened. Evangélica léctio.

Léctio sancti Evangélii secúndum Joánnem

Lectio vii Cap. 10, 11-16

IN illo témpore : Dixit Jesus pharisæis : Ego sum pastor bonus. Bonus pastor ánimam suam dat pro óvibus suis. Et reliqua. Homília sancti Augustíni

Episcopi

Sermo 138

AUDÍVIMUS Dóminum Jesum commendántem nobis boni pastóris officium. In qua commendatióne admónuit nos útique; ut intélligi datur, bonos esse pastóres.

Et tamen ne intelligerétur perverso modo multitúdo pastórum : Ego sum, inquit, pastor bonus. Et unde sit pastor bonus consequenter osténdit : Pastor, inquit, bonus ánimam suam ponit pro óvibus. Mercenárius autem, et qui non est pastor, videt lupum veniéntem, et fugit : quóniam non est ei cura de óvibus; mercenárius est enim. Pastor ergo bonus Christus. Quid Petrus? Nonne bonus pastor? Nonne et ipse ánimam pro óvibus pósuit? Quid Paulus? Quid céteri Apóstoli? Quid eórum témpora consequentes beáti Episcopi mártires? Nonne omnes pastóres boni; non mercenárii, de quibus dicitur : Amen dico vobis, perceperunt mercedem suam?

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. V. Induit eum Dóminus lorícá fidei, et ornávit eum. Et.

Bened. Cujus festum.

Lectio viii

DÓMINUS unitátem commendáns pastóribus bonis, nóluit multos

appelláre pastóres. Neque enim, ut dixi jam, non erat pastor bonus Petrus, Paulus, Apóstoli céteri, et posteriōres sancti Episcopi. Omnes hi pastóres boni; et tamen ille pastóribus bonis non commendávit pastóres bonos, sed pastórem bonum. Ego sum, inquit, pastor bonus. Quid dicis, Dómine, bone pastor? Audiámus, et adjuva ut intelligámus. Ego sum, inquit, pastor bonus.

R. Sint lumbi vestri præcincti, et lucernæ ardentes in máribus vestris : * Et vos símiles homínibus exspectántibus dóminum suum, quando revertátur a nuptiis. V. Vigilate ergo, quia nescitis qua hora Dóminus vester ventúrus sit. Et vos. Glória Patri. Et vos.

Bened. Ad societátem.

Lectio ix

QUID est ergo quod pastóribus bonis commendáns unum pastórem, nisi quia in uno pastóre doces unitátem? Et expónit apértius ipse Dóminus per ministérium nostrum, ex ipso Evangélio commemorans caritátem vestram, et dicens : Audíte

quid commendavi. Ego sum pastor bonus, dixi : quia omnes ceteri, omnes pastores boni, membra mea sunt. Unum caput, unum corpus, unus Christus. Quid sunt hæc, nisi quod dicit Apóstolus : Sicut enim corpus unum est, et membra habet multa, omnia autem membra corporis cum sint multa, unum est corpus, sic et Christus. Ergo si sic et Christus, mérito Christus in se habens omnes pastores bonos, unum commendat dicens, Ego sum pastor bonus. Ego sum, unus sum, mecum omnes in unitate unum sunt.

Te Deum laudamus.

Oratio

DEUS, Sanctorum tuorum splendor mirabilis, qui hunc diem beati Germani Pontificis depositione consecrasti : da Ecclesiæ tuæ in ejus nata-

lito exsultanti; ut apud misericordiam tuam exemplis ejus protegatur et méritis. Per Dóminum.

In Provincia Quebecen.

DIE 30 MAJI

**SANCTÆ JOANNÆ
DE ARC
VIRGINIS**

III classis

AD I VESPERAS

Sicubi hoc festum sub gradu I classis recolatur, ant. et capit. de Laudibus 12; pss. ut in Communi festorum B. Mariæ Virg., hymnus Stat cultrix, ut infra.

ψ. Méritis et précibus beatæ Joannæ. R. Propitius esto, Dómine, pópulo tuo.

Ad Magnif. Ant. Hæc est Joánna, * virgo Aurelianensis : hæc est, quæ multum orat pro pópulo, et pro univérſa Gallórum gente.

Oratio ut ad Laudes 14

AD MATUTINUM

Invit. Regem Virginum Dóminum,

* Veníte, adorémus.

Ps. 94 Veníte, exsultémus.

Hymnus

STAT cultrix vigilans pauperis hortuli, Annórum trédecim párvula, nil sciens, Primas docta preces, præ sóciis pia, Simplex, mitis et innocens.

Orántem Míchaël Angelus édocet,
Quam claræ páрили lúmine vírgines,
Virtútum méritis conspícua simul,
Crebris allóquiis foveat.

Dum voces súperas éxcipit, épavet :
Sed, fidens Dómino, fórtior in dies,
Parens impériis, pro pátria libens
Castam se voyet hóstiam.

Mox dulces sócias et pátriam domum,
Et cum matre patrem jussa relínquere,
Miles facta Dei, quo vocat Angelus,
Fertur nil trépídans eques.

Qui terras státuit, glória sit Patri :

Qui gentes rédimít, glória Fílio :

Sancto Spiritui glória, qui pias

Et fortes ánimas facit. Amen.

Pater. Absol. Exáudi.

Bened. Benedictióne.

De libro Ecclesiástici

Lectio i Cap. 51, 1-7

CONFITEBOR tibi, Dómine, Rex, et colaudábo te Deum Salvatórem meum. Confitebor nómini tuo : quóniam adjutor et protéctor factus es mihi, et liberásti corpus meum a perditíone, a láqueo linguæ iniquæ, et a lábiis operántium mendácium, et in conspéctu astántium factus es mihi adjutor. Et liberásti me secúndum multitudinem misericórdiæ nóminis tui a rugiéntibus præparátis ad escam, de manibus quæréntium

In I Nocturno

Ant. 1 Eleváta est * magnificéntia Joannæ super cælos.

Psalmi trium Noct. de Communi Virg.

Ant. 2 Veni, elécta mea, * et ponam in te thronum meum, quia concupívit Rex spéciem tuam.

Ant. 3 Accépit benedictiónem * a Dómino, et misericórdiam a Deo salutári suo.

ψ. Méritis et précibus beatæ Joannæ. R. Propitius esto, Dómine, pópulo tuo.

ánimam meam, et de portis tribulatiónum, quæ circumdedérunt me : a pressúra flammæ, quæ circumdedit me, et in médio ignis non sum æstuáta : de altitúdine ventris inferi, et a lingua coinquináta, et a verbo mendáci, a rege iníquo, et a lingua injústa.

Ry. Deus ómnium exauditor est : ipse misit Angelum suum, et tulit me de óvibus patris mei : * Et unxit me unctiõe misericórdiæ suæ. V. Præparate corda vestra Dómino, et servíte illi soli, quia misit me in adjutórium vobis. Et.

Bened. Unigénitus.

Lectio ii Cap. 51, 8-12

LAUDÁBIT usque ad mortem ánima mea Dóminum, et vita mea appropinquans erat in inférno deórsum. Circumdedérunt me úndique, et non erat qui adjuvaret. Respiiciens eram ad adjutórium hóminum, et non erat. Memoráta sum misericórdiæ tuæ, Dómine, et operatiónis tuæ, quæ a sæculo sunt : quóniam éruis sustinéntes te, Dómine, et liberas eos de manibus géntium.

Ry. Ego tuli te de domo patris tui, et audire feci tibi vocem meam : * Fuique tecum in ómnibus, ubicúmque ambulásti. V. Feci tibi nomen grande in univérso pópulo tuo, juxta nomen magnórum, qui sunt in terra. Fuique tecum.

Bened. Spíritus Sancti. Lectio iii Cap. 51, 13-17

EXALTÁSTI super terram habitatióne meam, et pro morte defluente deprecáta sum. Invocávi Dóminum, Patrem Dómini mei, ut non derelinquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessiõe, et exaudíta est orátiõ mea. Et liberásti me de perditione, et eripuísti me de témpore iníquo. Propterea confitebor, et laudem dicam tibi, et benedicam nómini Dómini.

Ry. Adonái, Dómine, Deus magne et mirábilis, qui dedísti salutem in manu femínæ : * Exáudi preces servórum tuórum. V. Benedictus es, Dómine, qui non derelinquis præsuméntes de te, et de sua

virtúte gloriántes humílias. Exáudi. Glória Patri. Exáudi.

In II Nocturno

Ant. 4 Propter veritatem, * et mansuetúdinem, et justítiam, dedúcet te mirabíliter dextera tua.

Ant. 5 Arcum cónteret, * et confrínget arma, et scuta combúret igni.

Ant. 6 Justítia * et misericórdia plena est dextera tua.

V. Factus est Dóminus suscéptor meus. Ry. Et refúgium meum in die tribulatiónis.

Pater. Absol. Ipsíus píetas.

Bened. Deus Pater.

¶ Si hoc festum celebratur sub ritu III classis, tunc lectio iii contracta; secus e tribus II Nocturni fit una.

Lectio iv

JOÁNNA de Arc, in ópido Domreménsi, ólim diocesis Tullénsis, nunc Sancti Deódati, conspicuis fide et morum integritate paréntibus orta est, anno Christi millésimo quadringentésimo duodécimo. Vix trédecim annos habébat, sólúmmodo doméstica negótia, opus rústicum, et prima

rerum divínarum eleménta edócta erat, cum se a Deo eléctam esse admónita est, ad Gálliam ab hóstibus liberándam, et ad pristinum regnum restitúendum. Postquam per quinque annos Míchaël Archángelus atque Catharina et Margarita, vírgines sanctæ, quibus familiariter utebátur, certiorem eam fecérunt, quómodo rem jussam perageret; Deo paréndum esserata, a præfécito Vallis Colórum pétit, et, post nonnullas repúlsas, obtínuit ut viros sibi daret, qui se ad Cárolum regem dúcerent.

Ry. Benedícat te Dóminus in virtúte sua, qui per te ad níhilum redégit inimicos nostros : * Ut non deficiat laus tua de ore hóminum. V. Tu lætítia, tu honorificéntia pópuli nostri, quia nomen tuum ita magnificávit Dóminus. Ut.

Bened. Christus perpétuæ.

Lectio v

SUPÉRNIS mónitis obtemperans, superátis longi itineris difficultatibus, ad Castrum Caionénse in agro Turónico pervénit, et, Cárolo regi facta fide se a Deo

missam esse, in urbem Auréliam profecta est. Paucis diébus, terribili impetu, tríplicem cladem hóstibus inflixit, castélla expugnávit, suúmque sústulit vexillum. Inde, post ália béllica facta, in quibus mirum in modum apparuit auxilium Dei, Rhemos Cárolum duxit, ut régia consecratíone inungerétur. Nec quiescéndum esse cénsuit : sed cum a cælestibus nuntiis accepisset se, Deo permittente, in hóstium potestatem esse ventúram, libénti ánimo, quæ fieri necesse esset, suscepit.

℞. Ornávérunt faciém templi coronis áureis, unxérunt regem, et ascendentes læti dixerunt : Vivat rex. * Et facta est lætitia magna in pópulo. †. In hymnis et confessiónibus benedicébant Dóminum, qui per manum †femínæ fecit victóriam. Et.

Bened. Ignem sui amoris.
Lectio vi

CAPTA Joánnæ in civitate Compéndio, et hóstibus pretío trádita, Rothómagum mox ducta, cum ibi in jus rapta esset, quamplúrimis criminatiónibus, excépta morum ca-

stitáte, fuit obnoxia; sed ómnia pro Jesu patiénter tolerávit. Acta per corruptíssimos júdices causa, innocens et mitis virgo damnáta est pœna combustionis. Igitur sacra Eucharístia, quam támdiu desideráverat, refecta, oculis ad crucem conversis, nomen Jesu sápiissime ingémians, ad cælum evolávit die trigésima Maji, nondum expléto ætátis suæ anno vigésimo. Romána Ecclésia, quam semper diléxerat, et ad quam sápius provocáverat, eam ab omni crimine vindicándam, Callisto tertio summo Pontífice, curávit. Vergente in finem sæculo undevigésimo, Leo décimus tertius Aureliánensis Puéllæ causam introduci permisit. Postrémo Joánnam de Arc summum Póntifex Pius décimus in beatárum, Benedictus vero décimus quintus in sanctárum Virgínum númerum rétulit. Pius tandem undécimus, Francórum votis præsulum ánnuens, post beátam Mariám in cælos assumptam, Gállia patrónam illam secúndam declarávit et constituit.

℞. Puélla mea, noli timére, quia ego tecum sum, dicit Dóminus : * Si transieris per ignem, flamma non nocébit animæ tuæ, et ego glorificábo eam. †. Mittam tibi Angelum meum et in médio flammæ laudábis nomen meum. Si. Glória Patri. Si.

In III Nocturno

Ant. 7 Confessio et pulchritúdo * in conspéctu ejus, sanctitas et magnificéntia in sanctificatíone ejus.

Ant. 8 Annuntiáverunt * cæli justítiam ejus, et vidérunt omnes pópuli glóriam ejus.

Ant. 9 Judicávit * in justítia, et pópulos in æquitáte.

†. Posuísti, Dómine, super caput ejus. ℞. Coronam de lápide pretiósio.

Pater. Absol. A vínculis. Bened. Evangélica léctio.

Léctio sancti Evangélii secúndum Matthæum

Lectio vii Cap. 16, 24-27

In illo témpore : Dixit Iesus discíplis suis : Si quis vult post me venire, abneget semetípsum et tollat crucem suam, et sequátur me. Et reliqua.

Homília sancti Hilárii Epíscopi

Can. 16, 17

O BEÁTUM damnum et jactúra felix! ditéscere nos Dóminus detriménto animæ et córporis vóluit, et esse sui símiles hortátur : quia ipse in figúra Dei constitútus, usque ad mortem húmilis et obédiens factus, principátum potestátis totíus, quæ in Deo est, accépit. Sequéndus ígitur est cruce assumpta, et passiónis suæ si non sorte, áttamen voluntáte comitándus est. Quid enim prodest occupásse mundum, et toto terrénæ potestátis dominátu ópibus sæculi incubáre, si perdénda ánima et suscipiéndum vitæ detriméntum est?

℞. Exáudiat Dóminus oratíonem puéllæ suæ, qua orávit pro nobis, ut reconciliétur nobiscum Deus : * Fac, Dómine, ut máneat Nomen sanctum tuum in terra nostra. †. Réspice, Dómine, et visita pópulum tuum, ne deficiat in eo Hóstia et Sacrificium. Fac, Dómine.

Bened. Cujus festum.

Lectio viii

QUÆ autem commutatio pro anima, cum fuerit amissa, quærètur? cum Angelis enim Christus aderit, reddens singulis ut merebuntur. Quid afferemus ad vitam? Præparatos credo terrenarum opum futuris commerciis thesauros, ambitiosos dignitatum famæque titulos aut veteres delicatæ nobilitatis imagines? Neganda sunt hæc omnia, ut melioribus abundemus: et contemptu universorum Christus sequendus est, et æternitas spiritualium, terrenorum est damno comparanda.

R. Domine, præveniisti eam in benedictionibus dulcedinis: * Posuisti in capite ejus coronam de lapide pretioso. V. Quia minas iudicium non timuit, nec terrenæ dignitatis gloriâ quæsiuit, sed ad cælestia regna pervenit. Posuisti. Gloria Patri. Posuisti.

Bened. Ad societatem.

Lectio ix

GRAVE onus infirmitati humanæ imposuerat, ut, cum sensum vitæ homines ex vivendi affectu

habere cõpissent, fructum ejus, qui præsens corporibus blandiebatur, amitterent; negarentque se sibi, id est, quod esse cõpissent, esse se nolent; cum sensus hujus exordium ex affectu voluntatis habuissent. Opus ergo erat veri ac manifesti exempli auctoritate, ut, contra vim sensumque iudicii, optabile fieret præsensium damnum, lucro deinceps non ambiguo futurorum. Igitur postquam et tollendam crucem, et perdendam animam, et damno mundi commutandam vitæ æternitatem monuerat, conversus ad discipulos, ait: Quosdam ex his futuros, qui gustaturi mortem non essent, donec Filium hominis in regni sui gloria contuerentur.

Te Deum laudamus.

AD LAUDES

Ant. 1 Ecce Joánna, * virgo simplex et piissima, quoniam timebat Dominum valde, nec erat qui loqueretur de illa verbum malum.

Pss. de dominica.

2 Suscitavit eam Dominus, * et ideo puella in-

duit armaturam Dei, ut posset stare adversus insidias inimicorum.

3 Stetit * succincta lumbos suos in veritate, et induta lorica iustitiæ, assumpsit scutum et galeam salutis.

4 Ecce levavit * ad gentes manum suam, et ad populos exaltavit signum Domini, ut fugerent partes adversæ.

5 Custodivit eam * Angelus, et hinc euntem, et ibi commorantem, et inde revertentem, atque in medio ignis non dereliquit eam.

Capit. Sap. 8, 9-10

PROPÓSUI sapientiam adducere mihi ad convivendum: sciens quoniam mecum communicabit de bonis, et erit allocutio cogitationis et tædii mei. Habébo, propter hanc, claritatem ad turbas, et honorem apud seniores juvenis.

Hymnus

AURELIANI turribus Frustra premuntur hostium:

Intrat Joánna: milites Hymnos precésque concinunt.

Quam vellet hosti parcere! Hunc voce amica præmonet,

Sponte ut recedens, liberum

Regnum relinquat Gallia. Negat, sed agmen Gallicum

Ruit: Joánna sanguinem Profundit, icta vulnere, Deusque dat victoriam.

Urbes et agros occupat; Rursus nitescunt Lilia; Turmæ fugantur hostium;

Rhemos patescit semita. O sancta et una Trinitas, Firmans movensque pectora,

Contra malum certantibus

Dona vigorem et præmium. Amen.

V. Magna est glória ejus in salutari tuo. R. Gloriam et magnum decorem impones super eam.

Ad Bened. Ant. Stans beata Joánna * in medio flammæ, oculis ad crucem conversis, sic orabat, dicens: Domine Jesu, accipe spiritum meum: ne statuas illis hoc peccatum. Oratio

DEUS, qui beatam Joannam Virginem ad fidem ac patriam tuendam mirabiliter sucitasti: da, quæsumus, ejus intercessionem; ut Ecclesia tua, hostium superatis insidiis,

perpétua pace fruátur.
Per Dóminum.

Et fit com. S. Felicis I
Papæ et Mart. :

Ant. Quiditánimam su-
am in hoc mundo, in vitam
æternam custódit eam.

ŷ. Justus ut palma floré-
bit. R. Sicut cedrus Liba-
ni multiplicábitur.

Oratio

GREGEM tuum, Pastor
æternæ, placátus in-
tende : et per beátum Felí-
cem Mártirem tuumatque
Summum Pontíficem, per-
pétua protectióne custódi;
quem totius Ecclésiæ præ-
stitisti esse pastórem. Per
Dóminum.

Ad Horas ant. et pss. de
feria.

¶ Sicubi autem hoc fe-
stum sub gradu I classis
recolatur, ant. de Laud., ut
supra, cum pss. de domi-
nica ut in festis.

AD TERTIAM

Capit. Propósui, ut ad
Vesperas.

R. br. Méritis et préci-
bus * Beátæ Joánnæ. Mé-
ritis. ŷ. Propítius esto,
Dómine, pópulo tuo. Beá-
tæ Joánnæ. Glória Patri.
Méritis.

ŷ. Factus est Dóminus
suscéptor meus. R. Et re-
fúgium meum in die tri-
bulatiónis.

Oratio

DEUS, qui beátam Joán-
nam Virginem ad fi-
dem ac pátriam tuendam
mirabiliter suscitásti : da,
quæsumus, ejus interces-
sióne; ut Ecclésia tua, hó-
stium superátis insidiis.
perpétua pace fruátur,
Per Dóminum.

AD SEXTAM

Capit. Sap. 8, 12

TACENTEM me sustiné-
bunt, et loquentem
me respicient, et sermo-
cinante me plura, manus
ori suo impónent.

R. br. Factus est Dómi-
nus * Suscéptor meus.
factus est. ŷ. Et refúgium
meum in die tribulatió-
nis. Suscéptor meus. Gló-
ria Patri. factus est.

ŷ. Posuísti, Dómine, su-
per caput ejus. R. Coró-
nam de lápide pretiósó.

AD NONAM

Capit. Sap. 8, 13

HABEBO, per hanc, im-
mortalitatem, et me-
móriam æternam his, qui
post me futúri sunt, re-
linquam.

R. br. Posuísti, Dómi-
ne, * Super caput ejus.
Posuísti. ŷ. Corónam de
lápide pretiósó. Super ca-
put ejus. Glória. Posuísti.

ŷ. Magna est glória ejus
in salutári tuo. R. Gló-
riam et magnum decórem
impónes super eam.

AD VESPERAS

Ant. 1 Ecce Joánnæ, *
virgo simplex et piíssima,
quóniam timébat Dómi-
num valde, nec erat qui
loquerétur de illa verbum
malum.

Pss. ut in Communi fe-
storum B. Mariæ Virg.

2 Suscitávit eam Dómi-
nus, * et ideo puélla ín-
duít armatúram Dei, ut
posset stare advérsus insí-
dias inimicórum.

3 Stetit * succíncta lum-
bos suos in veritáte, et ín-
dúta lorícam justítiæ, as-
súmpsit scutum et gáeam
salútis.

4 Ecce levávit * ad gen-
tes manum suam, et ad
pópulos exaltávit signum
Dómini, ut fúgerent par-
tes advérsæ.

5 Custodíviteam * Ange-
lus, et hinc eúntem, et ibi
commorántem, et inde re-
verténtem, atque in médio
ignis non derelíquit eam.

Capit. Sap. 8, 9-10

PROPÓSUI sapiéntiam ad-
ducere mihi ad convi-
vendum : sciens quóniam

mecum comunicábit de
bonis, et erit allocútio
cogitatiónis et tædii mei.
Habébo, propter hanc,
claritatem ad turbas, et
honórem apud senióres
júvenis.

Hymnus

SALVE, virilis pectoris
Virgo, Patróna Gál-
liæ!

Torménta dira sústinens,
Christi refers imáginem.

Voces supérnas áudiens,
Jesu repléta lúmine,
Dum fata pandis pátriæ,
Silent pavéntque júdices.

Opprèssa flammis, clámi-
tas

Jesum, crucémque fórti-
ter

Ampléxa, ad Ipsum, sím-
plicis

Instar colúmbæ, pérvolas.

Choris beátis Virginum

Adscripta, cives ádjuva :

Te deprecánte, singulis

Detur coróna glóriæ.

Sit laus Patri, sit Fílio :

Sancto decus Paráclito,

Qui corda amóre saúciat,

Vires et auget lánguidis.

Amen.

ŷ. Méritis et précibus
beátæ Joánnæ. R. Propí-
tius esto, Dómine, pópulo
tuo.

Ad Magnif. Ant. Joánna,
* sponsa Christi, tutrix et
custos pátriæ, esto tuis fá-
mulis murus inexpugná-
bilis assiduus suffrágiis.

Oratio

DEUS, qui beátam Joán-
nam Virginem ad fi-
dem ac pátriám tuendam
mirabiliter suscitásti : da,
quæsumus, ejus interces-
sione; ut Ecclésia tua, hó-
stium superátis insidiis,
perpétua pace fruátur.
Per Dóminum.

Complet. de Feria.

In Cathedr. Marianopolit.

DIE 31 MAJI

**B. MARIE VIRG.
REGINÆ MUNDI**
TITULARIS

ECCL. CATHEDR.

I classis

Omnia ut in Breviario,
omissa com. S. Petronillæ
Virg.

Ad I Vesperas, ut ad II,
versus et ant. propr.

In Cathedr. S. Bonifatii

DIE 5 JUNII

SANCTI BONIFATII
EP. ET MART.

TITUL. ECCL. CATHEDR.

I classis

Omnia de Communi u-
nius Mart., præter se-
quentia.

Oratio

DEUS, qui multitudi-
nem populórum, beá-
ti Bonifátii Mátyris tui
atque Pontíficis zelo, ad
agnitióem tui nóminis
vocáre dignátus es : con-
céde propítius; ut, cujus
solémnia cólimus, étiam
patrocínia sentiámus. Per
Dóminum.

In I Nocturno, lectiones
A Miléto.

In II Nocturno

Pater. Absol. Ipsius pie-
tas.

Bened. Deus Pater.

Lectio iv

BONIFÁTIUS, ántea
Winfríduus appellá-
tus, apud Anglos
natus est exeúnte sæculo
séptimo, et ab ipsa infán-
tia mundum aversátus, vi-
tam monásticam in votis
hábuít. Cum ejus pater
ánimum sæculi illécebris
permutáre frustra tentás-
set, monastérium ingré-
ditur, et sub beáti Wol-
phárdi disciplína ómnium
virtútum ac scientiárum
génere imbúitur. Annum
agens trigésimum sacer-
dótio insignitur, ac verbi
divíni prædicátor assídu-
us, magno animárum lu-
cro hoc in múnere versá-

tur. Attamen, regnum
Christi adaugére desíde-
rans, contínuo flebat in-
géntem multitudinem bar-
barórum, qui ignorántiæ
ténébris immérsi dæmoni
famulabántur. Qui qui-
dem animárum zelus cum
in dies inextinguibili ar-
dóre accrésce-ret, divíno
númine per lácrimas et
oratióes exploráto, facul-
tátem a monasté-
rii præpósito obtínuit ad Ger-
mánicas oras proficiscén-
di.

ꝛ. Honéstum fecit illum
Dóminus, et custodívit
eum ab inimícis, et a se-
ductóribus tutávit illum :
* Et dedit illi claritátem
ætérnam. ꝛ. Descendít-
que cum illo in foveam, et
in vínculis non derelíquit
eum. Et.

Bened. Christus perpé-
tuæ.

Lectio v

EX ANGLIA duóbus cum
sóciis navem solvens,
Dorestádium in Frísia op-
pidum venit. Cum autem
bellum gravíssimum inter
Frisonum regem Radbó-
dum et Cárolum Martél-
lum exarsisset, sine fru-
ctu Evangélium prædicá-
vit. Quaprópter in Angli-

am revérsus, ad suum re-
dívít monastérium, cui in-
vítus præfícitur. Post eláp-
sum biénnum, ex con-
sénsu epíscopi Vintoniën-
sis, munus abdicávit, et
Romam proféctus est, ut
apostólica auctoritáte ad
Gentílium conversiόem
delegarétur. Cum ad Ur-
bem pervénisset, a Gre-
gório secúndo benigne ex-
cípitur, pro Winfrído Bo-
nifátius a Pontífice nomi-
nátur. In Germániam di-
récus, Thuringiæ Saxo-
niæque pópulis Christum
annuntiávit. Cum intérea
Radbódus, Frísia rex ac
infestíssimus christiáni
nóminis hostis, occubuís-
set, Bonifátius ad Friso-
nes rédiit, ubi sancti Wil-
librórdi sócius per trién-
nium tanto cum fructu
Evangélium prædicávit,
ut, destrúctis idolórum
simulácris, innúmeræ ve-
ro Deo ecclésiæ excitaren-
tur.

ꝛ. Desidérium ánimæ
ejus tribuísti ei, Dómine,
* Et voluntáte labiόrum
ejus non fraudásti eum.
ꝛ. Quóniam prævenísti
eum in benedictiόibus
dulcedínis, posuísti in cá-
pite ejus corónam de lá-
pide pretiόso. Et.

Bened. Ignem sui amoris.

Lectio vi

A SANCTO Willibrordo ad episcopale munus expetitus, illud detrectavit ut promptius infidelium salutem instaret. In Germaniam profectus, plura Hassorum milia a demonis superstitione avocavit. A Gregorio Pontifice Romanam evocatus, post insignem fidei professionem episcopus consecratur. Exinde ad Germanos redux, Hassiam et Thuringiam ab idololatriæ reliquiis penitus expurgavit. Tanta propter merita Bonifatius a Gregorio tertio ad dignitatem archiepiscopalem evehitur, et tertio Romam profectus a summo Pontifice Sedis apostolicæ legatus constituitur. Qua insignitus auctoritate quatuor episcopatus instituit, et varias synodos celebravit, inter quas concilium Leptinense memorabile est, apud Belgas in Cameracensi diocesi celebratum, quo quidem tempore ad fidem in Belgio ad augendam egregie contulit. A Zacharia Papa creatus Moguntinus archiepiscopus, ipso Pontifice jubente, Pipi-

num in regem Francorum unxit. Post mortem sancti Willibrordi Ultrajectensem ecclesiam gubernandam suscepit, primo per Eobanum, deinde per se ipsum, dum ab ecclesia Moguntina absolutus Ultrajecti resedit. Frisonibus ad idololatriam relapsis, Evangelium predicare rursus aggreditur, cumque officio pastorali occuparetur, a barbaris et impiis hominibus juxta Bornam fluvium cum Eobano coepiscopo multisque aliis cruenta caede peremptus martyrii palma condecoratur. Corpus sancti Bonifatii Moguntiam translatum, et, ut ipse vivens petierat, in Fuldensi monasterio, quod extruxerat, reconditum fuit, ubi multis miraculis inclaruit. Pius autem nonus Pontifex maximus, ejus Officium et Missam ad universam Ecclesiam extendit.

R. Stola jucunditatis induit eum Dominus : * Et coronam pulchritudinis posuit super caput ejus. *Ÿ.* Cibavit illum Dominus pane vitæ et intellectus : et aqua sapientiæ salutaris potavit illum. Et. Gloria Patri. Et.

In III Nocturno

Pater. Absol. A vinculis.

Bened. Evangelical lectio.

Lectio sancti Evangelii secundum Matthæum

Lectio vii Cap. 5, 1-12

In illo tempore : Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

Homilia sancti Augustini Episcopi

Lib. I de Sermone Domini in monte, cap. 2

BEATI mundo corde : quoniam ipsi Deum videbunt. Quam ergo stulti sunt, qui Deum istis exterioribus oculis quaerunt, cum corde videatur, sicut alibi scriptum est : Et in simplicitate cordis quaerite illum. Hoc est enim mundum cor, quod est simplex cor. Et quemadmodum lumen hoc videri non potest, nisi oculis mundis : ita nec Deus videtur, nisi mundum sit illud quo videri potest. Beati pacifici : quoniam ipsi filii Dei vocabuntur. In pace perfectio est, ubi nihil repugnat; et ideo filii Dei pacifici, quoniam nihil in his resistit Deo, et utique

filii similitudinem patris habere debent.

R. Corona aurea super caput ejus, * Expressa signo sanctitatis, gloria honoris, et opus fortitudinis. *Ÿ.* Quoniam pravenisti eum in benedictionibus dulcedinis, posuisti in capite ejus coronam de lapide pretioso. Expressa.

Bened. Cujus festum.

Lectio viii

PACIFICI autem in semetipsis sunt, qui omnes animi sui motus componentes, et subjicientes rationi, id est menti et spiritui, carnalisque concupiscentias habentes edomitas, fiunt regnum Dei. In quo ita sunt ordinata omnia, ut id quod est in homine precipuum et excellens, hoc imperet, ceteris non reluctantibus, quæ sunt nobis bestiisque communia; atque idipsum quod excellit in homine, id est mens et ratio, subjiciatur potiori, quod est ipsa veritas, unigenitus Filius Dei. Neque enim imperare inferioribus potest, nisi superiori se ipse subjiciat. Et hæc est pax, quæ datur in terra hominibus bonæ voluntatis;

hæc vita consummâti perfectique sapiëntis.

Ry. Hic est vere Martyr, qui pro Christi nómine sanguinem suum fudit :

* Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. V. Justum dedúxit Dóminus per vias rectas, et osténdit illi regnum Dei. Qui. Glória Patri. Qui.

Bened. Ad societátem.

Lectio ix

DE HUIJUSMODI regno pacatíssimo et ordinatíssimo missus est foras princeps hujus sæculi, qui perversis inordinatisque dominatur. Hac pace intrinsecus constituta atque firmata, quascúmque persecutiões ille, qui foras missus est, forinsecus concitáverit, auget glóriam, quæ secúndum Deum est; non áliquid in illo ædificio labefactans, sed deficientibus máchinis suis innotescere faciens, quanta firmitas intus exstructa sit. Ideo séquitur : Beati, qui persecutiõnem patiúntur propter justitiam; quóniam ipsórum est regnum cælórum.

Te Deum laudamus.

Oratio

DEUS, qui multitudinē populórum, beati Bonifátii Mátyris tui atque Pontíficis zelo, ad agnitiónem tui nóminis vocáre dignátus es : concede propítius; ut, cujus solémnia cólimus, étiam patrocínia sentiámus. Per Dóminum.

In Cathedr. Pembroken.

DIE 9 JUNII

SANCTI COLUMBÆ

ABBATIS

TITUL. ECCL. CATHEDR.

I classis

Omnia de Comm. Conf. non Pont., præter seq.

Oratio

INTERCESSIO nos, quæsumus, Dómine, beati Colúmbæ Abbátis comméndet : ut, quod nostris méritis non valeámus, ejus patrocínio assequámur. Per Dóminum.

In II Nocturno

Pater. Absol. Ipsius pietas.

Bened. Deus Pater.

Lectio iv

INTER patrónos totius Hiberniæ cum sancto Patrício et sancta Brigida mérito recensétur

sanctus Colúmba, monasteriórū scholarúmque perplúrium fundátor, indefessus evangélii apóstolus, consiliárius reipúblicæ impávidus. Régia utrínque prosápia apud Gartán natus est anno circiter quingentésimo vigésimo primo. Adhuc puer sacerdoti cuidam venerábili apud Kilmacrénan degenti educándus traditur. Aliquot autem post annos, ad scholam et monasteriū, quibus apud Moville præerat Finiá-nus magister id témporis inclýtissimus, sese contulit, ubi Sacræ præsertim Scriptúræ stúdiis sese dedit, et ad diaconátum est provéctus. Inde proficiscens, ad álterum Finiá-num, nimirum Clonardiensem, virum tum doctrínæ tum disciplína tradénda insígnem, venit, ut in Sacris Scriptúris addiscendis ámplius adhuc proficeret; ibíque órđine sacerdotáli ab Etchéno Episcopó est insignítus. Numquam autem præ humilitáte sibi ingénita assentíre vóluit ut ad dignitátem episcopálem eveherétur. Dénique, disciplínis ómnibus rite imbútus, ad

monasteriū sancti Maóbii apud Glásnevin sese recépít.

Ry. Honéstum fecit illum Dóminus, et custodivit eum ab inimícis, et a seductóribus tutávit illum : * Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. Et.

Bened. Christus perpétuæ.

Lectio v

DEINDE ad suos in Tirconáiliam anno ætátis vigésimo quinto revérsum, dono accépít a príncipe sibi consanguíneo territórii aliquántum, ubi nunc urbs cui nomen Derry, ibíque Ecclésiám monasteriūque loco amoenissimo brevi cónclidit. Opus tamen illico non est aggréssus vir sanctus, cum licéntiam a Maóbio, magistro dilectíssimo, nondum impetrásset. Statim autem ac duo magístri illius moriéntis nuntii ad eum pervenérunt, cíngulum ejus in signum commissiõnis sacre afferéntes, donum a príncipe oblátum lætus accépít. Jam inde ex ómnibus regiõnis Tirconáiliæ pártibus

consanguinei ejus et nobiles complures, in religione proficiendi causa, confestim confluébant. Triginta et septem monasteria in patria fundavit vir sanctus, inter quæ annumerantur permulta in tota Hibernia celeberrima. Plurima quoque in Britannia septentrionali præsertim inter Pictos Insulanosque condidit, apud quos tum monachorum pater tum gentium apostolus habitus est.

R. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. V. Induit eum Dominus lorica fidei, et ornavit eum. Et.

Bened. Ignem sui amoris.

Lectio vi

ANNO etenim quingentesimo sexagesimo tertio, ad Ionam insulam venit ibique monasterium illud per plura sæcula doctrina haud secus ac sanctitate inclytissimum fundavit, unde ipse discipulique ad gentes evangelizandas proficiscebantur. Ibi porro peregrinos hospitio excipiebat, peccatores viam poenitentiae edocebat, divino amore

incendebat omnes. Orare, laborare, disciplinis optimis studere, suave erat Columbæ opus quotidianum, cui ne per unam quidem horam defuit usque ad mortem; quam post mediam noctem in diluculo Dominicæ, anno quingentesimo septuagesimo septimo, ante Dei altare felicissime obiit. Angelorum familiaris erat vir sanctus, amore Sacramenti Augusti ab incunabulis etiam accensus. Ejus opera Iona insula parens facta est fecunda sanctorum.

R. Iste homo perfecit omnia, quæ locutus est ei Deus, et dixit ad eum : Ingrederere in requiem meam : * Quia te vidi justum coram me ex omnibus gentibus. V. Iste est qui contempsit vitam mundi, et pervenit ad cælestia regna. Quia. Glória Patri. Quia.

In III Noct. homilia in Evang. Ecce nos reliquimus, de Communi Abbatum.

Oratio

INTERCESSIO nos, quæsumus, Domine, beati Columbæ Abbatis commendet : ut, quod nostris

meritis non valémus, ejus patrocinio assequámur. Per Dóminum.

In Cathedr. Timmins.

DIE 13 JUNII

SANCTI ANTONII DE PADUA

CONF. ET ECCL. DOCT.

TITUL. ECCL. CATHEDR.

I classis

Omnia de Comm. Conf. non Pont., præter seq.

Ad Magnif. ant. O Doctor optime, * Ecclesiæ sanctæ lumen, beate Antoni, divinæ legis amator, deprecare pro nobis Filium Dei.

Oratio

ECCLESIAM tuam, Deus, beati Antonii Confessoris tui atque Doctoris sollemnitas votiva lætificet : ut spiritalibus semper muniatur auxiliis, et gaudiis perfrui mereatur æternis. Per Dóminum.

In I Nocturno, lectiones Sapientiam.

In II Nocturno

Pater. Absol. Ipsius pietas.

Bened. Deus Pater.

Lectio iv

ANTONIUS, Ulyssipone in Lusitania honestis ortus parentibus, et ab iis pie educatus,

adollescens institutum canonicorum regularium suscepit. Sed, cum corpora beatorum quinque Martyrum fratrum Minorum Conimbriam transferréntur, qui paulo ante apud Marróchium pro Christi fide passi erant, martyrii desiderio incensus ad Franciscum ordinem transivit. Mox eodem ardore impulsus, ad Saracenos ire perrexit; sed, adversa valetudine afflictus et redire coactus, cum navi ad Hispaniæ littora tenderet, ventorum vi in Siciliam delatus est.

R. Honestum fecit illum Dominus, et custodivit eum ab inimicis, et a seductoribus tutavit illum : * Et dedit illi claritatem æternam. V. Justum deduxit Dominus per vias rectas, et ostendit illi regnum Dei. Et.

Bened. Christus perpetua.

Lectio v

ASSISIUM e Sicilia ad capitulum generale venit; inde in eremum montis Pauli in Æmilia secéssit, ubi divinis contemplationibus, jejuniis et vigiliis diu vacavit. Póstea,

sacris ordinibus initiatus et ad prædicandum Evangelium missus, dicendi sapientia et copia tantum profecit, tantamque sui admirationem commovit, ut eum summus Pontifex aliquando concionantem audiens, arcam Testamenti appellavit. In primis vero hæreses summa vi profligavit, ideoque perpetuus hæreticorum malleus est vocatus.

R. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. V. Induit eum Dominus lorica fidei, et ornavit eum. Et.

Bened. Ignem sui amoris.

Lectio vi

PRIMUS ex suo ordine, ob doctrinæ præstantiam, Bononiæ et alibi sacras litteras est interpretatus, fratrumque suorum studiis præfuit. Multis vero peragratis provinciis, anno ante obitum Patavium venit, ubi illustria sanctitatis suæ monimenta reliquit. Denique magnis laboribus pro gloria Dei perfunctus, meritis et miraculis clarus obdor-

mavit in Domino Idibus Junii, anno salutis millésimo ducentésimo trigésimo primo. Quem Gregorius nonus, Pontifex maximus, sanctorum Confessorum numero adscripsit, et Pius duodécimus, ex Sacrorum Rituum Congregationis consulto, universalis Ecclesiæ Doctorem declaravit.

R. Iste homo perfecit omnia quæ locutus est ei Deus, et dixit ad eum : Ingrédere in requiem meam : * Quia te vidi justum coram me ex omnibus gentibus. V. Iste est, qui contempsit vitam mundi, et pervenit ad cælestia regna. Quia. Glória Patri. Quia.

In III Noct. homilia in Evang. Vos estis sal terræ, de Communi Doctorum 1º loco.

Oratio

ECCLESIAM tuam, Deus, beati Antonii Confessoris tui atque Doctoris sollemnitas votiva lætificet : ut spiritalibus semper muniatur auxiliis, et gaudiis perfrui mereatur æternis. Per Dominum.

In Cathedr. Peterborough.

DIE 29 JUNII

SANCTI PETRI
TITUL. ECCL. CATHEDR.

et S. PAULI
APOSTOLORUM

I classis

Officium ut in Brev.

Ubi conceditur

DIE 6 JULII

Stæ MARIE GORETTI

VIRG. ET MART.

III classis

Bened. Ad societatem.

Lectio iii

¶ Lectio contracta ; secus e tribus II Nocturni fit una, ut sequitur

MARIA Goretti, Corinaldi in Piceno, intra Senogalliensis diocesis fines, pauperibus piisque parentibus orta, a prima ætate morum innocentia et pietate enituit. Sex annos nata, rudimentis fidei a parrocho instructa, sacro chrismate linita est. Mox cum parentibus, inopia pressis, in Romanum agrum migravit, primo prope Paleanum, Prænestina diocesis ; deinde in insalubres agri plagas prope vicum Conca, Alba-

nensis diocesis. Docili prædita ingenio ac discendi cupida, scholas tamen, ob locorum distantiam, adire nequivit, ideoque litterarum experts, fere unice a matre atque a Dei ministris religione ac bonis moribus instituta est.

Vix decennis, patre orbata, matri viduitatis mærore, familiaribus angustis et laboribus oppressa, subsidium et solamen afferre satégit, illius partes suscipiens, cum in rebus domesticis expediendis, tum in fratribus et sororibus educandis. Elucebat in ea præsertim in divina providentia fiducia, perfecta obedientia, sui abnegatio, morum suavitas ac virginalis modestia ; quibus virtutibus omnium gratiam sibi conciliabat. Beatissimam Dei Genitricem peculiari cultu prosequébatur, eique accersitis fratribus, quotidianum sancti Rosarii obsequium præstare numquam destituit. Ut primum per ætatem licuit, ad sacram Synaxim admitti iterum iterumque efflagitavit. Vix Angelorum pane refecta, divini Sponsi amore ita in dies flagravit,

ut firmiter proponeret se velle potius mori quam foedari.

Brevi post tempore, angelica Dei famula ad conceptum propositum supremo certamine implendum vocabatur. Contigit enim ut juvenis contubernalis, vesana cupiditate in eam incensus, semel et iterum innocentissimae virginis pudicitiae insidiari tentaverit. At angelica adolescens, inferni incensum pravo seductori obijciens, fortiter semper obstitit. Hic iterum atque iterum passus repulsam, impotenti caecus libidine, pluries castissimam puellam cuspidem confodit. Propterea Neptunum semianimis in nosocomium Fratrum sancti Joannis de Deo advenit, ubi supremos cruciatus fortiter perpessa, suo carnifici ignoscens inter filiarum Mariae sodales cooptata, sacramentis refecta, ad caeli gloriam evolavit die sexta Julii, anno millesimo nongentesimo secundo, aetatis suae duodecimo nondum expleto. Quam Pius Papa duodecimus, prius beatarum, deinde miraculis fulgentem, anno sacro

millésimo nongentesimo quinquagésimo, sanctorum albo Virginum et Martyrum, toto orbe plaudente, solémniter adscripsit.

Te Deum laudamus.

Oratio

DEUS, qui famula tuae Mariae in tenera aetate victoriam martyrii contulisti: da nobis, quaesumus, ejus patrocinio in mandatis tuis constantiam, qui dedisti certanti Virgini coronam. Per Dominum.

In Diocesi Quebecen.

DIE 11 JULII

**DEDICATIO
ECCLES. CATHEDR.**

I classis

Officium de Communi
Dedicationis Ecclesiae.

In Cathedr. Marianopolit.

DIE 25 JULII

SANCTI JACOBI

APOSTOLI

SECUNDI TITULARIS

ECCL. CATHEDR.

I classis

Omnia ut in Brev., sine com.

DIE 26 JULII

**SANCTAE ANNAE
MATRIS B. MARIAE V.**

PATRONAE PRIMARIAE PROV.

QUEBECEN. TUM ECCLE-

SIASTICAE TUM CIVILIS

QUALIS ANNO 1876 EX-

SISTEBAT

I classis

Omnia ut in Brev.

In Cathedr. S. Hyacinthi

DIE 17 AUGUSTI

SANCTI HYACINTHI

CONFESSORIS

TITUL. ECCL. CATHEDR.

I classis

Omnia de Comm. Conf.
non Pont., praeter seq.

Oratio

DEUS, qui nos beati Hyacinthi Confessoris tui annua solemnitate laetificas: concede propitius; ut, cujus natalitia colimus, etiam actiones imitemur. Per Dominum.

In I Nocturno, lectiones
Beatus vir, 1º loco

In II Nocturno

Pater. Absol. Ipsius pietas.

Bened. Deus Pater.

Lectio iv

HYACINTHUS Polonus, nobilibus et christianis parentibus, in Camiensi villa episco-

patus Wratislaviensis natus est. A pueritia litteris instructus, post datam jurisprudentiae et sacris litteris operam, inter canonicos Cracovienses adscitus, insigni morum pietate et summa eruditione ceteros antecelluit. Romae in Praedicatorum ordinem ab ipso institutore sancto Dominico adscriptus, perfectam vivendi rationem, quam ab ipso didicerat, usque ad finem vitae sanctissime retinuit. Virginitatem perpetuo coluit; modestiam, patientiam, humilitatem, abstinentiam ceterasque virtutes, ut certum religiosae vitae patrimonium, admaavit.

Ry. Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem aeternam. V. Justum deduxit Dominus per vias rectas, et ostendit illi regnum Dei. Et.

Bened. Christus perpetua.

Lectio v

CARITATE in Deum fervens, integras saepe noctes fudendis precibus castigandoque corpori

insúmens, nullum eidem levaméntum, nisi lápidi innixus sive humi cubans, adhibebat. Remíssus in pátriam, Frisáci primum in itinere amplíssimum sui órdinis monastérium, mox Cracóviæ álterum eréxit. Inde per álias Polóniæ regni províncias áliis quátuor exædificátis, incredíbile dictu est quantum verbi Dei prædicatíone et vitæ innocéntia apud omnes profecerit. Nullum diem prætermisit, quo non præclára áliqua fidei, pietátis atque innocéntiæ arguménta præstítiterit.

Ry. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. V. Induit eum Dóminus lorícam fidei, et ornávit eum. Et.

Bened. Ignem sui amoris.

Lectio vi

SANCTÍSSIMI viri stúdi-um erga proximórum salutem máximis Deus miráculis illustrávit. Inter quæ illud insigne, quod Vándalum flúvium prope Visográdum aquis redundántem, nullo navígio usus, trajécit, sóciis quoque expánso super undas

pállio tradúctis. Admirábili vitæ genere ad quadraginta prope annos post professíonem perdúcto, mortis die suis fratribus prænuntiáto, ipso assúmp-tæ Virgínis festo, Horis canónicis persolútis, sacraméntis ecclesiásticis summa cum veneratíone percéptis, iis verbis : In manus tuas, Dómine; spíritum Deo réddidit, anno salutis millésimo ducen-tésimo quinquagésimo séptimo. Quem miráculis, étiam post óbitum, illústrem, Clemens Papa octá-vus in Sanctórum núme-rum rétulit.

Ry. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi iustum coram me ex óm-nibus géntibus. V. Iste est, qui contémpsit vitam mundi, et pervénit ad cæ-léstia regna. Quia. Glória Patri. Quia.

In III Noct. homilia in Evang. Sint lumbi, de Communi Conf. non Pont. 1º loco.

Oratio

DEUS, qui nos beáti Hyacinthi Confessó-ris tui ánnua solemnitate

lætíficas : concéde propí-tius; ut, cujus natalítia cólimus, étiam actíones imitémur. Per Dóminum.

In Cathedr. Altaripa

DIE 19 AUGUSTI

S. JOANNIS EUDES

CONFESSORIS

TITUL. ECCL. CATHEDR.

I classis

Omnia de Comm. Conf. non Pont. præter seq.

Oratio

DEUS, qui beátum Joán-nem Confessórem tu-um, ad cultum sacrórum Córdium Jesu et Mariæ rite promovéndum, mira-bíliter inflammásti, et per eum novas in Ecclésia tua Famílias congregáre voluísti : præsta, quæsu-mus; ut, cujus pia mérita venerámur, virtútum quo-que instruémur exémp-lis. Per eúndem Dóminum.

In I Nocturno, lectiones Beátus vir, 1º loco.

In II Nocturno

Pater. Absol. Ipsíus pietas. Bened. Deus Pater.

Lectio iv

JOÁNNES, anno millési-mo sexcentésimo pri-mo, in pago vulgo Ri, Sagiénsis diocécis, e pi-

is honestisque paréntibus ortus est. Adhuc puer, Angelórum pane refectus, perpétuam castitatem alá-criter vovit. In Cado-ménse collégium a pátri-bus Societátis Jesu diré-ctum excéptus, singulári pietáte emícuit; et Ma-riæ Virgínis tutelæ sese committens, speciále fœ-dus ínitum cum ea vix adolescens suo ságuine signávit. Litterárum ac philosophiæ currículo multa cum laude perácto, spretisquesibioblátisnúp-tiis, Berulliáni Oratórii congregatíoni nomen de-dit, et sacerdotío Parísiis auctus est. Mira caritaté erga próximum flagrávit : nam apud plura loca, cor-póribus, asiática lue per-cúlsis, animisque curán-dis sédulam óperam dedit. Domus Oratoriánæ Cadó-mi rector factus, cum diu cogitáret ad Ecclésiæ mi-nistérium júvenes idó-neos institúere, a sodáli-bus, quibúscum vigínti annos víxerat, divína ope imploráta, licet ægre, for-ti ánimo discéssit.

Ry. Honéstum fecit illum Dóminus, et custódivit eum ab inimícis, et a se-ductóribus tutávit illum :

* Et dedit illi claritatem æternam. V. Justum deduxit Dominus per vias rectas, et ostendit illi regnum Dei. Et.

Bened. Christus perpétuæ.
Lectio v

QUINQUE igitur sacerdotes sibi consocians, anno millésimo sexcentésimo quadragésimo tértio, die festo Annuntiatiónis beátæ Mariæ Virginis, congregatiónem presbyterórum instituit, cui sanctíssima Jesu et Mariæ nómina dedit, et Cadómi primum seminárium apéruit, quod in Normánia et Británia minóri complúra, eódem auctóre, subsecúta sunt. Pro peccatricibus féminis, ad christiánam vitam revocándis, órđinem Dóminæ nostræ a Caritate fundávit; cujus nobilíssimæ árboris ramus est congregatió Andegavénsis a Bono Pastóre. Insuper societátem a Matris Dei Corde admirábili, et ália caritátis ópera cónclidit. Scripta plura præcláre édedit, et missionárius Apostólicus tot pagos, óppida et urbes ipsámque régiam aulam, usque ad extrémam ætátem, evangelizávit.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. V. Induit eum Dóminus lorícá fidei, et ornávit eum. Et.

Bened. Ignem sui amoris.

Lectio vi

SINGULÁRE ejus stúdiu emicuit in salutári devotióne promovénda erga sacratíssima Corda Jesu et Mariæ, quorum litúrgicum cultum eisdem præstándum, non sine áliquo divíno afflátu, primus ómnium excogitávit ideóque ejúsdem cultus pater, doctor et apóstolus hábitus est. Jansenistárum doctrínis fórtiter resístens, immutátum erga Petri cáthedram obséquiū servávit, et pro suis inimícis, tamquam pro fratribus, assidue Deum precátus est. Tot labóribus, pótius quam annis fractus, cúpiens dissólví et esse cum Christo, die décima nona Augústi, anno millésimo sexcentésimo octogésimo, suávia Jesu et Mariæ nómina sæpius répetens, plácide expirávit. Quem plúribus miráculis clarum Pius Papa décimus Bea-

tórum albo adscrípsit, eúmque novis signis fulgéntem Pius Papa undécimus, anno sacro, in die Pentecóstes inter Sanctos rétulit, ejúsque Offícium ac Missam ad univérsam Ecclésiám exténdit.

R. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. V. Iste est, qui contémpsit vitam mundi, et pervénit ad cæléstia regna. Quia. Glória Patri. Quia.

In III Noct. homilia in Evang. Sint lumbi, de Communi Conf. non Pont. 1º loco.

Oratio

DEUS, qui beátum Joánnem Confessórem tuum, ad cultum sacrórum Córdium Jesu et Mariæ rite promovéndum, mirabiliter inflammásti, et per eum novas in Ecclésia tua Familias congregáre voluísti : præsta, quæsumus; ut, cujus pia mérita venerámur, virtútum quoque instruámur exémpis. Per eúmdem Dóminum.

In Cathedr. Quebecen.

DIE 25 AUGUSTI

SANCTI LUDOVICI

REGIS, CONF.

SECUNDI TITULARIS

ECCL. CATHEDR.

I classis

Omnia de Comm. Conf. non Pont., præter seq.

AD I VESPERAS

Oratio

DEUS, qui beátum Ludovicum Confessórem tuum de terréno regno ad cæléstis regni glóriam transtulisti : ejus, quæsumus, méritis et intercessióne; Regis regum Jesu Christi Filii tui fácias nos esse consórtes : Qui tecum vivit.

In II Nocturno

Pater. Absol. Ipsius pietas.

Bened. Deus Pater.

Lectio iv

LUDOVÍCUS nonus, Gállicus rex, duódecim annos natus, patre amísso, et in Blanchæ matris sanctíssima disciplína educátus, cum jam vigésimum annu in regno ágeret, in morbum incidit : quo témpore cogitávit de recuperánda possessióne

Jerosolymorum. Quam ob rem, ubi convaluisse, vexillum ab episcopo Parisiensi accepit. Deinde, mare cum ingenti exercitu trajiciens, primo praelio Saracenos fugavit. Sed cum, ex pestilentia, magna militum multitudo periisset, victus ipse captusque est.

R. Honestum fecit illum Dominus, et custodivit eum ab inimicis, et a seductoribus tutavit illum : * Et dedit illi claritatem æternam. V. Justum deduxit Dominus per vias rectas, et ostendit illi regnum Dei. Et.

Bened. Deus Pater.

Lectio v

REBUS postea cum Saracenis compositis, liber rex exercitusque dimittitur. Quinque annis in Oriente commoratus, plurimos Christianos a barbarorum servitute redemit, multos etiam infideles ad Christi fidem convertit; præterea aliquot Christianorum urbes refecit suis sumptibus. Interim mater ejus migrat e vita; quare domum redire cogitur, ubi totum se dedit pietatis officiis.

R. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. V. Induit eum Dominus lorica fidei, et ornavit eum. Et.

Bened. Ignem sui amoris.

Lectio vi

MULTA ædificavit monasteria et pauperum hospitia : beneficentia egentes sublevabat : frequens visibat agros, quibus ipse non solum suis sumptibus omnia supeditabat, sed etiam, quæ opus erant, manibus ministrabat. Vestitu vulgari utebatur, cilicio ac jejuniis corpus assidue affligebat. Sed, cum iterum transmississet, bellum Saracenis illaturus, jamque castra in eorum conspectu posuisset, pestilentia decessit in illa oratione : Introibo in domum tuam, adorabo ad templum sanctum tuum, et confitebor nomini tuo. Ejus corpus postea Lutetiam Parisiorum translatum est, quod in celebri sancti Dionysii templo asservatur et colitur; caput vero in sacra æde sanctæ capellæ. Ipse, clarus miraculis, a Boni-

fatio Papa octavo in Sanctorum numerum est relatus.

R. Iste homo perfecit omnia quæ locutus est ei Deus, et dixit ad eum : Ingrederere in requiem meam : * Quia te vidi justum coram me ex omnibus gentibus. V. Iste est, qui contempsit vitam mundi, et pervenit ad cælestia regna. Quia. Glória Patri. Quia.

In III Nocturno

Pater. Absol. A vinculis.

Bened. Evangelica lectio.

Lectio sancti Evangelii secundum Lucam

Lectio vii Cap. 19, 12-26

IN illo tempore : Dixit Jesus discipulis suis parabalam hanc : Homo quidam nobilis abiit in regionem longinquam accipere sibi regnum et reverti. Et reliqua.

Homilia sancti Ambrósii Episcopi

Lib. 8 in Lucam

BONUS ordo, ut vocaturus gentes, et Judæos jussurus interfici, qui noluerunt regnare supra se Christum, hanc præmitteret comparationem, ne diceretur : Nihil dederat populo Ju-

dæorum; unde poterat melior fieri? ut quid ab eo, qui nihil recepit, exigitur? Non mediocris ista est mna, quam supra mulier evangelica, quia non invenit, lucernam accendit, lumine quaerit admoto, gratulatur inventam.

R. Iste est, qui ante Deum magnas virtutes operatus est, et de omni corde suo laudavit Dominum : * Ipse intercedat pro peccatis omnium populorum. V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Bened. Cujus festum.

Lectio viii

DENIQUE ex una decem mnas alius fecit, alius quinque. Fortasse iste moralia habet, quia quinque sunt corporis sensus; ille duplicia, id est, mystica legis et moralia prohibitatis. Unde et Matthæus quinque talenta et duo talenta posuit : in quinque talentis, ut sint moralia; in duobus utrumque, mysticum atque morale. Ita quod numero inferius, re uberior.

R. Sint lumbi vestri præcincti, et lucernæ ardentes in manibus vestris :
 * Et vos similes hominibus expectantibus dominum suum, quando revertatur a nuptiis. V. Vigilate ergo, quia nescitis qua hora Dominus vester venturus sit. Et vos. Gloria Patri. Et vos.

Bened. Ad societatem.

Lectio ix

ET HIC possumus decem mnas decem verba intelligere, id est, legis doctrinam; quinque autem mnas, magisteria disciplinæ. Sed legisperitum in omnibus volo esse perfectum; non enim in sermone, sed in virtute est regnum Dei. Bene autem, quia de Judæis dicit, duo soli multiplicatam pecuniam deferunt; non utique æris, sed dispensationis usuris. Alia est enim pecuniæ fænebris, alia doctrinæ cælestis usura.

Te Deum laudamus.

Oratio

DEUS, qui beatum Ludovicum Confessorem tuum de terreno regno ad cælestis regni gloriam transtulisti : ejus, quæsumus, meritis et in-

tercessione; Regis regum Jesu Christi Filii tui facias nos esse consortes : Qui tecum vivit.

Ubi conceditur

DIE 9 SEPTEMBRIS

S. PETRI CLAVER
CONFESSORIS

III classis

Bened. Ad societatem.

Lectio iii

PETRUS Claver Hispanus Verduni natus, Societati Jesu nomen dedit adolescens moribus innocentissimis. In Balearium maxima a sancto Alfonso Rodríguez, qui multa de futuro ejus apostolatu divinitus acciperat, paratos sibi labores edoctus est. Carthagine Nova in America Meridionali sacerdotio auctus, Nigritis turpi mercatu illic abductis vitam suam, interposita sacramenti fide, plane devovit. In his autem fovendis, nutriendis, curandis, doctrina christiana imbuendis et baptizandis dici vix potest quanta patientia et caritate annos amplius quadraginta insudaverit. Quamplures a medicis

desperatos subito sanitati restituit, multis oculorum lumine captis visum reddidit, tres a mortuis excitavit. His excellens meritis atque virtutibus heroicis annos expléverat quatuor et septuaginta, cum die natali Deiparæ, quam tenerrimo coluerat affectu, ad Cælites migravit. Eum Leo decimus tertius Cælitum Sanctorum fastis adscripsit atque Patronum cælestem peculiarem sacrarum ad Nigritas missionum constituit.

Te Deum laudamus.

AD LAUDES

V. Justum deduxit Dominus per vias rectas.
 R. Et ostendit illi regnum Dei.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, intra in gaudium Domini tui.

Oratio

DEUS, qui abreptos in servitutem Nigritas ad agnitionem tui nominis vocaturus, beatum Petrum mira in eis juvandis caritate et patientia roborasti : ejus nobis intercessionem concede; ut quæ Jesu Christi sunt querén-

tes, próximos opere et veritate diligamus. Per eundem Dominum.

Et fit com. S. Gorgonii Mart.

AD VESPERAS

V. Justum, ut supra.

Ad Magnif. Ant. Hic vir, despiciens mundum * et terræna, triumphans, divitias cælo condidit ore, manu.

Oratio ut supra.

In pluribus Diœc.

DIE 12 SEPTEMBRIS

Ss̃mi NOMINIS

MARIÆ

TITULARIS

ECCL. CATHEDR.

I classis

Omnia de Comm. festorum B. Mariæ Virg., præter ea quæ hic habentur propria.

AD VESPERAS

Ad Magnif. Ant. Sancta Maria, * succurre miseris, juva pusillanimes, réfove flébiles, ora pro populo, intéveni pro clero, intercède pro devoto femineo sexu : sentiant omnes tuum juvamen, quicumque celebrant tui sancti Nominis commemoratió-nem.

Oratio

CONCÈDE, quæsumus, omnipotens Deus : ut fideles tui, qui sub sanctissimæ Virginis Mariæ Nómine et protectione lætântur; ejus pia intercessiõne, a cunctis malis liberéntur in terris, et ad gáudia ætérna pervenire mereántur in cælis. Per Dóminum.

In II Nocturno

Pater. Absol. Ipsius pietas.

Bened. Deus Pater.

Sermo sancti Bernárdi Abbátis

Homil. 2 super Missus est, circa finem

Lectio iv

ET NOMEN, inquit, Virginis Mariæ. Loquámur pauca, et super hoc nómine, quod interpretátum maris stella dicitur, et Matri Virgini valde conveniénter aptátur. Ipsa namque aptissime sideri comparátur, quia sicut sine sui corruptionis idus suum emittit rádium, sic absque sui læsiõne Virgo parturivit Fílium. Nec sideri rádium suam mínuit claritátem, nec Virgini Fílius suam integritátem. Ipsa est igitur

nóbilis illa stella ex Jacob orta, cujus rádium univérsum orbem illúminat, cujus splendor et præfulget in supérnis, et inferos pénétrat; terras etiám perlústrans, et calefaciens magis mentes quam córpora, fovet virtutes, excoquit vítia. Ipsa, inquam, est præclára et exímia stella super hoc mare magnum et spatiósum necessarió subleváta, micans méritis, illústrans exémpis.

R̃. Sicut cedrus exaltátum in Líbano, et sicut cypréssus in monte Sion : quasi myrrha elécta, * Dedi suavitátem odóris. Ṽ. Et sicut cinnamómum et bálsamum aromatizans. Dedi.

Bened. Christus perpétuæ.

Lectio v

OUISQUIS te intélligis in hujus sæculi profúvio magis inter procéllas et tempestátes fluctuáre, quam per terram ambuláre; ne avértas óculos a fulgóre hujus sideris, si non vis óbrui procéllis. Si insúrgant venti tentatiónum, si incúrras scópulos tribulatiónum, respice stellam, voca Mariam. Si

jactáris supérbiæ undis, si ambitiónis, si detractiónis, si æmulatiónis, respice stellam, voca Mariam. Si iracúndia aut avarítia aut carnis illécebra navículam concússerit mentis, respice ad Mariam. Si críminum immanitáte turbátus, consciéntiæ fœditáte confúsus, judícii horróre pertérritus, bátrathro incípias absorbéri tristitiæ, desperatiónis abyssó, cógita Mariam.

R̃. Quæ est ista quæ processit sicut sol, et formósa tamquam Jerúsalem? * Vidérunt eam filiæ Sion, et beátam dixerunt, et reginæ laudavérunt eam. Ṽ. Et sicut dies verni circúmdabant eam flores rosárum et lília convállium. Vidérunt eam.

Bened. Ignem sui amoris.

Lectio vi

IN PERÍCULIS, in angústiis, in rebus dúbiis Mariam cógita, Mariam invoca. Non recédât ab ore, non recédât a corde; et, ut ímpetres ejus oratiónis suffrágium, non déseras conversatiónis exéplum. Ipsam sequens, non dévias; ipsam ro-

gans, non despéras; ipsam cógitans, non erras; ipsa tenénte, non córruis; ipsa protégente, non métuís; ipsa duce, non fatigáris; ipsa propítia, pèrvenis : et sic in temetípso experíris quam mérito dictum sit : Et nomen Virginis Mariæ. — Quod quidem venerábile nomen, jamprídem in quibúsdam christiáni orbis pártibus speciáli ritu cultum, Innocéntius undécimus Románu Pontífex, ob insígnem victóriam sub ejúsdem Virginis Mariæ præsidio de immaníssimo Turcárum tyránno, cervicibus pópuli christiáni insultánte, Viénnæ in Austria partam, et in perénne tanti beneficii monuméntum, in Ecclésiá universáli síngulis annis celebrári præcépit.

R̃. Ornátam monílibus filiam Jerúsalem Dóminus concupívit : * Et vidéntes eam filiæ Sion, beatíssimam prædicavérunt, dicéntes : * Unguéntum effúsum nomen tuum. Ṽ. Astitit regína a dextris tuis in vestitu deauráto, circúmdata varietáte. Et vidéntes eam. Glória Patri. Unguéntum effúsum.

In III Nocturno

Pater. Absol. A vinculis.
Bened. Evangelica lectio.
Lectio sancti Evangelii
secundum Lucam

Lectio vii Cap. I, 26-38

In illo tempore: Missus
est Angelus Gabriel a
Deo in civitatem Galilææ,
cui nomen Nazareth, ad
Virginem desponsatam vi-
ro, cui nomen erat Joseph
de domo David, et no-
men Virginis Mariæ. Et
reliqua.

Homilia sancti Petri
Chrysologi

Sermo 142, de Annuntiat.

AUDISTIS hodie, fratres
carissimi, Angelum
cum muliere de hó-
minis reparatione tractán-
tem. Audistis agi, ut ho-
mo cursibus eisdem, qui-
bus dilapsus fuerat ad
mortem, rediret ad vitam.
Agit, agit cum Mariá An-
gelus de salute, quia cum
Heva angelus egerat de
ruína. Audistis Angelum
de carnis nostræ limo
templum divinæ majestá-
tis arte ineffabili constru-
entem. Audistis in terris
Deum, in cælis hominem
sacramento incomprehen-
sibili collocari. Audistis
inaudita ratione in uno
corpore Deum hominém-

que misceri. Audistis frá-
gilem nostræ carnis natú-
ram ad portandam totam
Deitátis glóriam angélica
exhortatione roborari.

¶. Felix namque es, sa-
cra Virgo Mariá, et omni
laude dignissima: * Quia
ex te ortus est sol justí-
tiæ, Christus Deus noster.
¶. Ora pro pópulo, inté-
veni pro clero, intercede
pro devoto femineo sexu:
sentiant omnes tuum ju-
vamen, quicumque céle-
brant tui sancti Nominis
commemorationem. Quia.

Bened. Cujus festum có-
limus, ipsa Virgo virgi-
num.

Lectio viii

DÉNIQUE, ne tanto pón-
deri cælestis fábrica
in Mariá subtilis nostri
corporis aréna succúm-
beret, et in Virgine totius
géneris humáni portatúra
fructum, virga tenuis fran-
geretur; fugatúra metum
vox Angeli mox præcés-
sit, dicens: Ne timeas,
Mariá. Ante causam dí-
gnitas Virginis annuntiá-
tur ex nómine; nam Ma-
ría Hebræo sermóne, La-
tíne Dómina nuncupátur.
Vocat ergo Angelus Dó-
minam, ut Dominatóris
Genitricem trepidatio dé-

serat servitútis, quam na-
sci et vocári Dóminam
ipsa sui Géminis fecit et
impetrávit auctóritas. Ne
timeas, Mariá, invenísti
enim grátiam. Verum est,
quia, qui invénit grátiam,
nescit timére: Invenísti
grátiam.

¶. Beátam me dicent
omnes generatiónes:
* Quia fecit mihi Dómi-
nus magna qui potens
est, et sanctum nomen
ejus. ¶. Et misericórdia
ejus a progénie in progé-
niestimentibuseum. Quia.
Glória Patri. Quia.

Bened. Ad societátem.

Lectio ix

BEÁTA, quæ inter hómi-
nes audire sola mé-
ruit præ ómnibus: Inve-
nísti grátiam. Quantam?
Quantam supérius díxe-
rat: plenam. Et vere ple-
nam, quæ largo imbre
totam fúnderet et infún-
deret creatúram: Inveni-
sti enim grátiam apud
Deum. Hæc cum dicit, et
ipse Angelus mirátur, aut
féminam tantum, aut om-
nes hómines vitam me-
ruisse per féminam: stu-
pet Angelus totum Deum
venire intra virginális úte-
ri angústias, cui tota si-
mul angústa est creatúra.

Hinc est quod remorátur
Angelus, hinc est quod
virginem vocat de mérito,
de grátia compéllat, vix
causam prodit audiénti,
sane ut sensum promó-
veat, vix longa trepidatió-
ne compónit.

Te Deum laudamus.

Oratio

CONCÉDE, quæsumus,
omnípotens Deus: ut
fidèles tui, qui sub san-
ctissimæ Virginis Mariæ
Nómine et protectiône
lætántur; ejus pia inter-
cessiône, a cunctis malis
liberéntur in terris, et ad
gáudia ætérna pervenire
mereántur in cælis. Per.

DIE 26 SEPTEMBRIS

**Ss. JOANNIS
DE BRÉBEUF,
ISAACI JOGES**

et SOC.

MARTYRUM

II classis

Omnia de Comm. plur.
Mm. præter seq.

In II Nocturno

Pater. Absol. Ipsius píe-
tas.

Bened. Deus Pater.

Lectio iv

EX IIS Societátis Jesu
sodálibus, qui Ec-
clésiæ in América Boreáli

exórdia médio século decimo séptimo máxime illustrárunť, octo puríssimas hóstias sibi elégit Deus, ut fidei sémina eárum ságuine irrigáta in uberióres ségetes deínde succrescerent. Omnes hi Mártires, in Gállia nati et, práter duos láicos, sacerdotío aucti, in Missiónem Canadensem, quæ Novæ Gállia tunc vocabátur, a Superióribus missi, post innúmeros ex urbe Quebecénsi per várias illas immensas regiónés apostólicos excúrsus asperimósque labóres, ob unam eamdemque religiónis causam, etsi non uno eodemque témpore nec loco, crudelíssime necátí sunt. Horum véluti duces ac magístri mérito censéntur Joánnes de Brébeuf, Condæi in diocési Bajocénsi nunc Constantiénsi nóbili génere ortus, et Isaácus Jogues, Aurelianénsis, viri strénuo et apostólico zelo incénsi, mortificatióni máxime déditi, cum Deo in oratióne conjunctíssimi, cæléstibus étiam visiónibus quandóque illustráti. Ab iis haud absímiles erant quátuor sócii sacerdótes Antónius Da-

niel, Dieppénsis, Gábriel Lalemant et Cárolus Garnier, Parisienses, Natális Chabanel, Mimaténsis; qui omnes váriis in pagis, potíssimum inter Hurónes, sacris munéribus fungebántur.

Ry. Sancti tui, Dómine, mirábile consecúti sunt iter, serviéntes præcéptis tuis ut inveniréntur illási in aquis válidis : * Terra appáruit árida, et in Mari Rubro via sine impediménto. ʒ. Quóniam percussit petram, et fluxérunt aquæ, et torréntes inundavérunt. Terra.

Bened. Christus perpétuæ.

Lectio v

FREQUÉNTES finitimórum Iroquénsium incursiónes, Hurónicam missiónem sæpe vastántes, haud raro in supré mum discrimen Patrum vitam vocabant. Anno millésimo sexcentésimo quadragésimo secúndo, Isaácus Jogues, cum Renáto Goupil, Societátis Jesu coadjutóre temporáli, ex urbe Quebecénsi ad Hurónes iter faciens, in Iroquénses incidit, qui eum ejúsque sócium diríssime

torquent et in servitútem rédigunt. Eódem anno die vigésima nona Septémbris, Renátus, in ódium salutíferæ crucis a bárbaro sene intérfici jussus, prope Auriesville, in hodiérno Neo-Eboracénsi Statu, candidíssimam ánimam efflávít. Isaácus anno próxímo, aufugiéndi occasiõem nactus, in Gálliam revértit; sed post annum, Américam répetens et semel atque iterum ad eosdem bárbaros, suos olim carnílices, cum Joáanne de la Lande, Societátis Jesu item coadjutóre, progréssus, die décima octáva Octóbris anno millésimo sexcentésimo quadragésimo sexto, in hodiérna diocési Albanénsi, acínace percússus, mártýrii palmam consecúsus est. Pósteró vero die ejus sócius Joánnes, eádem redimí-tus coróna, ad cælum evolávit.

Ry. Vérbera carníficum non timuérunt Sancti Dei, moriéntes pro Christi nómine : * Ut herédes fierent in domo Dómini. ʒ. Tradidérunt córpora sua propter Deum ad sup-plícia. Ut.

Bened. Ignem sui amoris.

Lectio vi

ANNO millésimo sexcentésimo quadragésimo octávo, die quarta Júlii, Antónius Daniel, qui pagi Sancti Joseph inter Hurónes curam gerébat, contra invasóres Iroquénses grem suum impávidus deféndens, sagittis et ignitis glándibus confóssus, ad templi fores bonus pastor pro óvibus ánimam pó-suit. Anno próxímo, die décima sexta Mártii, Joánnes de Brébeuf, Hurónumapóstolus mérito nuncupátus, una cum Gabriéle Lalemant, ab Iroquénsibus comprehénsus, post diutúrnos sævissimósque cruciátus, ipsis bárbaris invíctam Christi púgulis fortitúdinem demirántibus, in pago Sancti Igná-tii in hodiérna Canadénsi regiõe Ontario nuncupáta, gloriósus occúbuit; quem postrídie Gábriel Lalemant eádem cruenta via eadémque virtúte secúsus est. Mense autem Decémbri ejúsdem anni millésimi sexcentésimi quadragésimi noni, in pervigilio Immaculatæ Con-ceptionis beátæ Mariæ

Virginis, Cārolus Garnier, vulneribus confosus et secūri percussus, innocentissimam vitam gloriōso exitu conclūsit. Pōtero demum die, Natālis Chabanel, ab Hurōne apōstata dolōse invāsus et in profluētem dejēctus, in dilēcta sibi Missiōne, cui perpētuo colēndā, natūra frustra obsistēte, herōico voto se obstrīnxerat, optātam martīrii palmam adēptus est. Hos octo Amēricæ Boreālis primōres Mārtīres Pius undēcimus Pōntifex māximus, anno sacro milēsimō nongentēsimō vigēsimo quinto, Beatōrum nūmero, eōsque quīque post annos Sanctōrum fastis adscripsit.

Ry. Tamquam aurum in fornāce probāvit elēctos Dōminus, et quasi holocāusti hōstiam accēpit illos; et in tēpore erit respectus illōrum, * Quōniam donum et pax est elēctis Dei. v. Qui confidunt in illum, intēlligent veritatem : et fidēles in dilectiōne acquiescent illi. Quōniam. Glōria Patri. Quōniam.

In III Nocturno

Pater. Absol. A vīnculis. Bened. Evangēlica lēctio.

Lēctio sancti Evangēlii secūndum Lucam

Lectio vii Cap. 5, 17-23

In illo tēpore : Descēdens Jesus de monte, stetit in loco campēstri, et turba discipulōrum ejus, et multitūdo copiōsa plēbis ab omni Judāa, et Jerūsalem, et marītima, et Tyri, et Sidōnis. Et reliqua.

Homilia sancti Petri Cānisi Presbīteri

Notā in Evang. Lect. : in die festo omn. Sanctōrum, post init.

NOTABO Christum longe āliter quam hunc mundum, de beatitūdine docēre atque pronuntiāre. Mundi etenim est prōpriū rebus cadūcis et fluxis, quæ hic relinquēdæ sunt, metīri hōmini felicitatem, perinde ac si dicātur : Beātus pōpulus, cui hæc sunt. Immo vero quos Christus beātos hic pronūtiat, eos insīpiens mundus tantum pro miseris et infelīcibus ducit, eōsdem de more contēmnit atque aversā-

tur, ut hinc etiā Christus ipse testetur Apōstolis : Amen, amen dico vobis, quia plorābitis et flēbitis vos; mundus autem gaudēbit, vos autem contristabimini. Rectēque dixit Sālonon : Ambulans recto itinere et timens Deum, despīcitur ab eo qui infāmi grādītur via.

Ry. Propter testamētum Dōmini et leges patērnas, Sancti Dei perstiterunt in amorē fraternitātis : * Quia unus fuit semper spīritus in eis, et una fides. v. Ecce quam bonum et quam jucūndum habitāre fratres in unum ! Quia.

Bened. Quorum festum.

Lectio viii

BEATI demum sunt qui persecutiōnem propter justitiam patiuntur, suāque invicta patiētia Christi regnum ætērnū obtinent. Ad hoc genus beatitūdinis, nulli magis quam protomārtīr Stēphanus aliique fortissimi Christi milites ac mārtyres referēdi sunt : quōniam velut oves ad occisiōnem pertrāctæ, ad sanguinem usque pro justitia christiāna certarunt, nul-

la ut hōstium vis atque barbāries, nulla tribulatiōnis vel tentatiōnis acerbitas eos a fidei confessiōne, Christi caritate, doctrina Ecclēsiæ et justitiæ trāmite potuerit abdūcere ac separāre. O felices illi qui bona testāri consciētia potuerunt : Quis nos separābit a caritate Christi ? Tribulatio ? an angustia ? an fames ? an nuditās ? an periculum ? an persecutio ? an gladius ? In his omnibus superāmus propter eum qui dilēxit nos. Transivimus per ignem et aquam, et eduxisti nos in refrigerium.

Ry. Sancti mei, qui in carne pōsiti certāmen habuistis : * Mercēdem laboris ego reddam vobis. v. Venite, benedīcti Patris mei, percipite regnum. Mercēdem. Glōria Patri. Mercēdem.

Bened. Ad societātem.

Lectio ix

PRÆTĒREA felices omnes qui hanc scalam Jacob, superiōribus gradibus octo distinctam, in hunc usque diem ascēdunt, relictis omnibus impedimentis, ita ut capitales

hostes, mundum, carnem ac sátanam, quotidie vincant, sibi que virtutum stúdio gradum fáciant ad beátam immortalitatem. Verum longe felicióres et illi, qui pugnándi et vincéndi fecére finem, et, ipso ascendéndi labóre confécto, ad certáminis coronam pervenérunt jamque, véluti rude donáti et emériti mílites, quiéte summa potiúntur, et in cælésti tabernáculo hábitant, mercéde amplíssima cumuláti. Nec dúbium quin sancti Mártyres piique Doctóres præ ceteris florébunt eléctis in perpétuas æternitátes, quóniam ob virtútes heróicas auro-olam, sicut Theólogi vocant, et excelléntem láuream peculiári privilegio consequéntur.

Te Deum laudámus.

Oratio

DEUS, qui primitias fidei in boreálibus Américæ regiónibus sanctórum Mártyrum tuórum Joánnis, Isaáci eórumque Sociórum prædicatione et ságuine consecrásti : concéde propítius ; ut, eórum intercessióne, flórida Christia-

nórum seges ubique in dies augeátur. Per Dóminum.

Ad Laudes fit com. Ss. Cypriani et Justinæ Virg., Mm. :

Ant. Istórum est enim regnum cælórum, qui contempserunt vitam mundi, et pervenérunt ad præmia regni, et lavérunt stolas suas in ságuine Agni.

Ÿ. Latámini in Dómino et exsultáte, justi. R. Et gloriámini, omnes recti corde.

Oratio

BEATÓRUM Mártyrum Cypriáni et Justinæ nos, Dómine, foveant continuáta præsidia : quia non désinis propítius intuéri, quos talibus auxiliis concésseris adjuvári. Per Dóminum.

In Cathedr. Torontin. et Scherbrook

DIE 29 SEPTEMBRIS

IN DEDICATIONE S. MICHAELIS

ARCHANGELI

TITULARIS

ECCL. CATHEDR.

I classis

Omnia ut in Brev.

In Diœc. Trifluvia.

DIE 30 SEPTEMBRIS

DEDICATIO ECCLES. CATHEDR.

I classis

Officium de Communi Dedicationis Ecclesiæ.

In Cathedr. S. Hieronymi

DIE 30 SEPTEMBRIS

SANCTI HIERONYMI

PRESB., CONF.

ET ECCL. DOCTORIS

TITUL. ECCL. CATHEDR.

I classis

Omnia de Communi Doctorum præter seq.

Oratio

DEUS, qui Ecclesiæ tuæ in exponendis sacris Scriptúris beátum Hierónymum, Confessórem tuum, Doctórem máximum providére dignátus es : præsta, quæsumus ; ut ejus suffragántibus méritis, quod ore simul et opere dócuit, te adjuvante, exercére valeámus. Per.

In I Nocturno, lectiones Sapiéntiam.

In II Nocturno

Pater. Absol. Ipsíus píetas. Bened. Deus Pater.

Lectio iv

HIERÓNIMUS, Eusebii fílius, Stridóne in Dalmátia, Constantio imperatóre, natus,

Romæ adoléscentis est baptizátus, et in liberálibus disciplínis a Donáto et áliis viris doctíssimis eruditus. Tum discéndi stúdio Gálliam peragravit ; ubi pios áliquot et in divínis lítteris eruditos viros cóluit, multósque sacros libros sua manu descripsit. Mox, se in Græciam cónferens, philosophía et eloquéntia instrúctus, summórum theológórum consuetúdine flóruit. In primis vero, Gregório Nazianzénio Constantinópoli óperam dedit ; quo doctóre se sacras líteras didicisse profitétur. Tum religiónis causa visit Christi Dómini incunábula, totámque lustrávit Palæstinam ; quam peregrinatió-nem, adhibitis Hebræórum eruditíssimis, ad sacra Scriptúræ intelligéntiam sibi multum profuísse testátur.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérrnam. Ÿ. Justum dedúxit Dóminus per vias rectas, et osténdit illi regnum Dei. Et.

Bened. Christus perpétuæ.

Lectio v

DEINDE secéssit in vastam Syriæ solitudinem; ubi quadriennium in lectione divinorum librorum cælestisque beatitudinis contemplatione consumpsit, assidua se abstinéntia, vi lacrimarum et corporis afflictione discrucians. Præbyter a Paulino episcopo Antiochiæ factus, Romam de controversiis quorundam episcoporum cum Paulino et Epiphânio ad Dámasum Pontificem profectus, ejus ecclesiasticis epistolis scribendis adjutor fuit. Verum, cum pristinae solitudinis desiderio teneretur, in Palæstinam reversus, Bêthlehem ad Christi Dómini præsepe, in monasterio quod a Paula Romána exstructum erat, cælestem quamdam vitæ rationem instituit; et, quamquam varie morbis doloribusque tentaretur, tamen corporis incommoda piis laboribus et perpétua lectione ac scriptiōne superabat.

¶. Amavit eum Dóminus, et ornávit eum : stolam glóriæ induit eum, * Et

ad portas paradísi coronávit eum. ¶. Induit eum Dóminus lorícam fidei, et ornávit eum. Et.

Bened. Ignem sui amoris.

Lectio vi

TAMQUAM ad oráculum, ex ómnibus orbis terræ pártibus, ad ipsum divinæ Scripturæ quæstiones explicandæ referebantur. Illum Dámasus Póntifex, illum sanctus Augustinus de locis Scripturæ difficillimis sæpe consuluit, propter ejus singularem doctrinam, et linguæ non solum Latinae et Græcæ, sed Hebræicæ etiam et Chaldæicæ, intelligentiam; et quod omnes pene scriptores, ejusdem Augustini testimonio, légerat. Hæreticos acerrimis scriptis exagitávit; piórum et catholicórum patrocinium semper suscepit. Vetus Testaméntum ex Hebræo convertit; novum, jussu Dámasi, Græcæ fidei reddidit, magna etiam ex parte explicávit. Multa præterea Latine reddidit scripta doctórum virórum, et ipse aliis proprii ingenii monumentis christianam disciplinam illustrávit. Qui,

ad summam senectutem perveniens, sanctitate et doctrina illústris, Honório imperatōre, migrávit in cælum. Cujus corpus, ad Bêthlehem sepúltum, póstea Romam in basilicam sanctæ Mariæ ad Præsepe translátum est.

¶. Iste homo perfécit ómnia quæ locútus est ei Deus, et dixit ad eum : Ingrédere in requiem meam : * Quia te vidi justum coram me ómnibus gentibus. ¶. Iste est, qui contempsit vitam mundi, et pervénit ad cælestia regna. Quia. Glória. Quia.

In III Nocturno

Pater. Absol. A vñculis.

Bened. Evangélica lectio.

Lectio sancti Evangélii secúndum Matthæum

Lectio vii Cap. 5, 13-19

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo salietur? Et reliqua.

Homília sancti Hierónymi

Presbyteri

Lib. i Comment.

in c. 5 Matth.

SAL appellantur Apóstoliet Doctóres; quia per illos univérsum hóminum conditur genus.

Quod si sal evanúerit, in quo salietur? Si doctor erráverit, a quo alio doctóre emendábitur? Ad níhilum valet ultra, nisi ut mittátur foras, et conculcétur ab homínibus. Exémplum de agricultúra sumptum est. Sal etenim, sicut in cibórum condimentum et ad siccandas carnes necessariū est, ita alium usum non habet. Certe légimus in Scriptúris urbes quasdam, ira victórum, sale séminatás, ut nullum in ipsis germen orirétur.

¶. Iste est, qui ante Deum magnas virtutes operátus est, et de omni corde suo laudávit Dóminum : * Ipse intercédát pro peccátis ómnium populórum. ¶. Ecce homo sine queréla, verus Dei cultor, ábstinens se ab omni ópere malo, et permanens in innocentia sua. Ipse.

Bened. Cujus festum.

Lectio viii

CAVEANT ergo doctóres et episcopi, et videant poténtes poténter tormenta sustinére; nihílque esse remédii, sed májorum ruínam ad tártarum dúcere. Vos estis lux

mundi. Non potest civitas abscondi supra montem posita; neque accendunt lucernam, et ponunt eam sub mōdio, sed super candelabrum, ut luceat omnibus qui in domo sunt. Docet fiduciam prædicandi, ne Apóstoli abscondantur ob metum, et sint similes lucernæ sub mōdio; sed tota libertate se prodant, ut, quod audierunt in cubiculis, prædicent in tectis.

R. In médio Ecclésiæ aperuit os ejus, * Et implevit eum Dóminus spiritu sapientiæ et intellectus. V. Jucunditatem et exultationem thesaurizavit super eum. Et. Glória Patri. Et.

Bened. Ad societatem.

Lectio ix

NOLITE putare quoniam veni solvere legem aut prophetas; non veni solvere, sed adimplere. Sive quod de se per alios prophetata complerit, sive quod ea, quæ ante propter infirmitatem audientium rûdia et imperfecta fuerant, sua prædicatione complerit, iram tollens et vicem talionis excludens et occultam in mente concupi-

scientiam damnans. Donec transeat cælum et terra. Promittuntur nobis cæli novi et terra nova, quæ facturus est Dóminus Deus. Si ergo nova creanda sunt, consequenter vetera transitura.

Te Deum laudamus.

Oratio

DEUS, qui Ecclésiæ tuæ in exponendis sacris Scripturis beatum Hieronymum, Confessorem tuum, Doctorem maximum providere dignatus es: præsta, quæsumus; ut, ejus suffragantibus meritis, quod ore simul et opere docuit, te adjuvante, exercere valeamus. Per Dóminum.

In Vic. Ap. Grouard
et in locis Missionum

DIE 3 OCTOBRI

**SANCTÆ TERESIÆ
A JESU INFANTE**
VIRG., PATRONÆ PRINCIP.
MISSIONUM

I classis

Omnia de Communi
Virg., præter seq.

Oratio

DÓMINE, qui dixisti: Nisi efficiamini sicut pàrvuli, non intrabitis in

regnum cælorum: da nobis, quæsumus; ita sanctæ Teresiæ Virginis in humilitate et simplicitate cordis vestigia sectari, ut præmia consequamur æterna: Qui vivis.

In I Nocturno lectiones
De virginibus, 1º loco.

In II Nocturno

Pater. Absol. Ipsius pietas.

Bened. Deus Pater.

Lectio iv

TERESIÀ a Jesu Infante, Alensónii in Gállia, honestis parentibus, singulâri et assidua erga Deum pietate conspicuis, orta est. Inde a prima ætate, divîno Spiritu præventa, religiösam vitam agere cupiebat. Sèrio autem promissit, se nihil Deo denegaturam, quod ipse ab ea petere videretur: quam promissionem fideliter usque ad mortem servare satègit. Quinto ætatis anno, matre amissa, Dei providentiæ se totam commisit, sub vigilanti custodia amantissimi patris, sororumque natu majorum: quibus magistris, Teresià ad currendam perfectionis viam ut gigas exsultavit. Novennis virginibus

ex ordine sancti Benedicte Lexoviis excolenda traditur, ibique in rerum divinarum cognitione excellere visa est. Décimo ætatis anno, arcânus et gravis morbus eam diu cruciavit, a quo, prout ipsa enarrat, ope beatissimæ Virginis, quæ eidem subridens apparuit, et quam, sub titulo Dóminæ nostræ a Victória, per novendalia invocare studebat, divinitus fuit liberata. Tunc, angelico fervore repléta, ad sacrum convivium, in quo Christus sumitur, se diligentissime præparare curavit.

R. Propter veritatem et mansuetudinem, et justitiam: * Et deducet te mirabiliter dextera tua. V. Spécie tua et pulchritudine tua intènde, prospere procede, et regna. Et. Bened. Christus perpétuæ.

Lectio v

UT PRIMITUS eucharistico pane fuit refecta, insatiabilem cælestis hujus cibi famem haurire visa est: unde, velut inspirata, Jesum rogabat, ut omnem mundanam consolationem in amaritudine sibi verteret. Inde tenerrimo in Christum

Dóminum et in Ecclési-
am amóre exæstuans, ni-
hil antiquius hábuit, quam
Carmelitárum Excalcea-
tórum órđinem ingredi,
ut sui abnegatióne, suis-
que sacrificiis, sacerdoti-
bus, missionáriis, toti-
que Ecclésiæ opem affér-
ret, et innúmeras ánimas
Christo Jesu lucrífaceret :
quod, jam morti próxíma,
apud Deum se factúram
pollícita est. Propter ætá-
tis defectum, multas ad
religiósam vitam ample-
cténdam nacta est diffi-
cultates, quibus tamen
incredíbili ánimi fortitú-
dine superátis, quíndecim
annos nata, Lexoviensem
Carmélum feliciter in-
gressa est. Ibi mirábiles
Deus in Teresiæ corde
ascensiónes dispósuit,
quæ, Mariæ Virginis vi-
tam absconditam imitáta,
quasi hortus irriguus, flo-
res ómnium virtútum ger-
minávit, præcipue vero
exímia in Deum et in
 próximum caritátis.

Ry. Dilexísti justítiam, et
odísti iniquitátem : * Prop-
terea unxit te Deus, Deus
tuus, óleo lætítiæ. V. Prop-
ter veritátem, et mansue-
túdinem, et justítiam.
Propterea.

Bened. Ignem sui amoris.

Lectio vi

Quo magis Altíssimo
placéret, cum in Sa-
cris Scriptúris mónitum
illud legisset : Si quis est
párvulus, véniat ad me ;
párvula in spíritu esse vó-
luit, et inde filiáli fidúcia
Deo, tamquam Patri a-
mantíssimo, se perpétuo
trádidit. Hanc spirituális
infántiæ viam, secúndum
Evangélii doctrínam, áli-
os dócuit, speciátim novi-
tias, quas ex obediéntia ad
religiósarum virtútum stú-
dium informándas suscé-
pit, atque ita apostólico
zelo repléta, mundo su-
pérbia infláto et vanitátes
diligénti, evangélicæ sim-
plicitátis iter patefécit.
Sponsus autem Jesus eam
patiéndi desidério, tam in
ánima, quam in córpore,
pénitus inflammávit. In-
super Dei caritátem unde-
quaque negléctam anim-
advértens, summo dolore
affécta, duóbus ante óbi-
tum annis, Dei miseréntis
amóri se víctimam obtu-
lit. Tunc, ut ipsa refert,
cæléstis ignis flamma vul-
neráta est : unde caritáte
consumpta, in éxtasim
raptá, ferventíssime ingé-
minans : Deus meus, te

díligo, viginti quátuor
annos nata, die trigésima
Septémbris, anno millési-
mo octingentésimo nona-
gésimo séptimo, ad Spon-
sum evolávit. Quod au-
tem móriens promiserat,
se perénnem rosárum plú-
viam in terram demissú-
ram, hoc, in cælum recép-
ta, innúmeris miráculis
reápse adimplévit et in
dies adímplet. Quam Pius
undécimus, Póntifex má-
ximus, beátis Virgínibus
adscriptam, et biénno
post, jubilæo máximo re-
currénte, inter Sanctas re-
látam, peculiárem ómni-
um Missiónum Patrónam
constituit ac declarávit.

Ry. Afferéntur Regi virgi-
nes post eam, próximæ
ejus * Afferéntur tibi in
lætítia et exsultatióne.
V. Spécie tua et pulchri-
túdine tua inténde, pró-
spere procéde, et regna.
Afferéntur tibi. Glória Pa-
tri. Afferéntur tibi.

In III Nocturno

Pater. Absol. A vínculis.
Bened. Evangélica léctio.

Léctio sancti Evangélii
secúndum Matthæum
Lectio vii Cap. 18, 1-4

In illo témpore : Acces-
sérunt discípuli ad Je-
sum, dicéntes : Quis, pu-

tas, major est in regno cæ-
lórum ? Et réliqua.

Homília sancti Leónis
Papæ

Sermo 37 in Epiphaniæ
solemn. 7, cap. 3-4

TOTA dilectíssimi,
christiánæ sapién-
tiæ disciplína, non
in abundántia verbi, non
in astútia disputándi, ne-
que in appetitu laudis et
glóriæ, sed in vera et vo-
luntária humilitáte consi-
stit, quam Dóminus Jesus
Christus ab útero matris
usque ad supplicium cru-
cis pro omni fortitúdine
et elégit et dócuit. Nam,
cum discípuli ejus inter
se, ut ait Evangélista, dis-
quীরerent quis eórum ma-
jor esset in regno cæló-
rum, vocávit párvulum,
et státuit eum in médio
eórum, et dixit : Amen
dico vobis, nisi conversi
fuéritis et efficiámini sicut
párvuli, non intrábitis in
regnum cælórum. Qui-
cúmque ergo humiliáve-
rit se sicut puer iste, hic
major erit in regno cæló-
rum. Amat Christus infán-
tiam, quam primum et
ánimo suscepit et córpore,
Amat Christus infántiam,
humilitátis magístram,
innocéntiæ régulam,

mansuetudinis formam. Amat Christus infāntiam, ad quam majōrum dirigit mores, ad quam senum reducit ætates; et eos ad suum inclināt exemplum, quod ad regnum sublimat ætēnum.

Ry. Hæc est Virgo sapiens, quam Dōminus vigilātem invēnit, quæ accepiis lampādibus sumpsit secum oleum : * Et veniente Dōmino, introivit cum eo ad nūptias. V. Média nocte clamor factus est : Ecce sponsus venit, exite obviam ei. Et.

Bened. Cujus festum.

Lectio viii

UT AUTEM plene valeamus agnoscere quomodo apprehēdi possit tam mira conversio et in puerilem gradum qua nobis mutatiōe redeūndum sit, doceat nos beātus Paulus, et dicat : Nolite pueri effici sēnsibus, sed malitia pārvuli estote. Non ergo ad lūdica infāntiæ et imperfecta nobis primordia revertēdum est, sed ali-quid, etiā graves annos deceat, inde sumēdum, ut velox sit commotiōnum trānsitus, citus ad pacem recūrsus : nulla sit

memōria offēnsiōnis, nulla cupiditas dignitatis : amor sociæ communiōnis, æqualitas naturalis. Magnum enim bonum est nocere non nosse et maligna non sapere; quia inferre ac referre injūriam, mundi hujus prudētia est; némini autem malum pro malo reddere, christiānæ est æquanimitatis infāntia.

Ry. Média nocte clamor factus est : * Ecce sponsus venit, exite obviam ei. V. Prudentes Virgines, aptate vestras lampādes. Ecce. Glória Patri. Ecce.

Bened. Ad societatem.

Lectio ix

AD HANC vos, dilectissimi mi, similitudinē parvulorum mystērium hodiernæ festivitatis invitat; et hanc vobis humilitatis formam adorātus a Magis puer Salvator insinuat : qui, ut imitatoribus suis quid gloriæ pararet, ostēderet, ortus sui tempore editos martýrio consecravit; ut in Bēthlehem, ubi Christus natus est, geniti, per communiōnem ætatis consortes fierent passiōnis. Ametur igitur humilitas, et omnis a fidē-

libus vitetur elatio. Alter alterum sibi præferat, et nemo quod suum est querat, sed quod alterius; ut, cum in omnibus abundaverit affectus benevolentiæ, in nullo virus inveniatur invidiæ : quoniam qui se exaltat, humiliabitur, et qui se humiliat, exaltabitur eodem ipso testante Jesu Christo Dōmino nostro, qui cum Patre et Spīritu Sancto vivit et regnat Deus in sæcula sæculorum. Amen.

Te Deum laudamus.

Oratio

DŌMINE, qui dixisti : Nisi efficiāmini sicut pārvuli, non intrābitis in regnum cælōrum : da nobis, quæsumus; ita sanctæ Teresiæ Virginis in humilitate et simplicitate cordis vestigia sectari, ut præmia consequāmur ætērna : Qui vivis.

In Cathedr. Vancouver. et Reginaten.

DIE 7 OCTOBRI

**B. MARIE VIRG.
A ROSARIO**

TITULARIS

ECCL. CATHEDR.

I classis

Officium ut in Brev.

In Cathedr. Amosen.

DIE 15 OCTOBRI

SANCTÆ TERESIÆ

VIRGINIS

TITULARIS

ECCL. CATHEDR.

I classis

Omnia de Communi Virg., præter seq.

AD I VESPERAS

Hymnus

REGIS supérni nūntia,
Domum patrēnam
deseris,
Terris, Terésa, bárbaris
Christum datūra aut sān-
guinem.

Sed te manet suāvior
Mors, pœna poscit dūl-
cior :

Divini amoris cūspide
In vulnus icta cōncides.

O caritatis víctima!
Tu corda nostra cōncre-
ma,

Tibique gentes créditos
Avérni ab igne libera.

Sit laus Patri cum Filio
Et Spīritu Paráclito,
Tibique, sancta Trinitas,
Nunc et per omne sæcu-
lum. Amen.

Oratio

E XÁUDI nos, Deus, sa-
lutáris noster : ut,
sicut de beatæ Teresiæ

Virginis tuæ festivitâte gaudemus; ita cælêstis ejus doctrinâ pábulo nutriâmur, et piæ devotiônis erudiâmur affectu. Per Dóminum.

AD MATUTINUM

Invit. Regem Virginum Dóminum, * Veníte adórémus.

Hymnus Regis supérni, ut supra in I Vesp. 53

In I Nocturno, lectiones De virginibus, 1^o loco.

In II Nocturno

Pater. Absol. Ipsius pietas.

Bened. Deus Pater.

Lectio iv

TERESIA Virgo nata est Abulâ in Hispania paréntibus tum gènere tum pietâte præclâris. Ab iis divini timóris lacte educâta, admirandum futûræ sanctitâtis in tenérri- ma adhuc ætâte spécimen dedit. Nam, cum sanctórum Mártyrum acta perlégeret, ádeo in ejus meditatione Sancti Spíritus ignis exârsit, ut, domo aufúgiens, in Africam trajiceret, ubi vitam pro glória Jesu Christi et animárum salúte profúnderet. A pátruo revocatâ, ardens martýrii desidérium elee-

mósynis aliisque piis opéribus compensávit, júgibus lácrimis deplórans optimam sibi sortem fuisse præreptam. Mórtua matre, cum a beatíssima Virgine péteret ut se matrem esse monstrâret, pii voti compos effécta est; semper perinde ac filia patrocínio Deiparæ pérfruens. Vigésimum ætâtis annum agens, ad moniâles sanctæ Mariæ de Monte Carmélo se cóntulit. Ibi, per duodeviginti annos gravíssimis morbis et váriis tentatiônibus vexâta, constantíssime mérui- in castris christiânæ peniténtiæ, nullo refécta pábulo cælêstium eárum consolatiônem, quibus solet étiam in terris sânc- titas abundâre.

¶. Propter veritatem, et mansuetudinem, et justitiam: * Et deducet te mirabiliter dextera tua. ¶. Spécie tua et pulchritudine tua inténde, prospere procéde, et regna. Et.

Bened. Christus perpétua.

Lectio v

ANGÉLICIS ditâta virtútibus, non modo próprium, sed públicam ét-

iam salútem sollicita caritate curávit. Quare severiorem vétèrum Carmelitárum régulam, Deo afflánte et Pio quarto approbânte, primum mulieribus, deinde viris observândam propósuit. Efflóruit in eo consílio omnipotens miseréntis Dómini benedictio; nam duo supra triginta monastéria inops virgo pótuit ædificâre, omnibus humanis destitúta auxiliis, quinimmo adversántibus plerumque sâculi princípibus. Infidélium et hæreticórum ténebras perpétuis deflébat lácrimis, atque, ad placândam divínæ ultiónis iram, voluntários próprii córporis cruciátus Deo pro eórum salúte dicábant. Tanto autem divini amoris incéndio cor ejus conflagrávit, ut mérito viderit Angelum ignito jáculo sibi præcórdia transverberántem, et audierit Christum, data dextera, dicéntem sibi: Deinceps, ut vera sponsa, meum zelâbis honórem. Eo consiliânte, máxime árduum votum emísit efficiéndi semper quidquid perféctius esse intelligeret. Multa cælêstis sapiéntiæ

documenta conscripsit, quibus fidélium mentes ad supérnæ pátriæ desidérium máxime excitántur.

¶. Dilexisti justitiam, et odisti iniquitatem: * Propterea unxit te Deus, Deus tuus, óleo lætitiæ. ¶. Propter veritatem, et mansuetudinem, et justitiam. Propterea.

Bened. Ignem sui amoris.

Lectio vi

CUM autem assídua ederet exémpia virtútum, tam anxio castigândi córporis desidério æstuábat, ut, quamvis secus suaderent morbi quibus afflictabátur, corpus cilíciis, caténis, urticárum manípulis aliisque aspérrimis flagéllis sæpe cruciâret, et aliquándo inter spinas volutâret, sic Deum álloqui solita: Dómine, aut pati aut mori: se semper misérissima morte pereúntem existimans, quâmdiu a cælêsti æternæ vitæ fonte abéssset. Prophetiâ dono excélluit, eámque divinis charismátibus tam liberáliter locupletábat Dóminus, ut sâpius exclámans péteret beneficiis in se di-

vinis modum impōni, nec tam céleri obliuione culparum suarum memoriā abolēri. Intolerābili igitur diuini amoris incendio potius quam vi morbi, Albæ cum decumberet, prænuntiatio suæ mortis die, ecclesiasticis sacramētis munita, alūmnos ad pacem, caritatem et regularem observantiam adhortata, sub colūmbæ specie purissimam animam Deo reddidit, annos nata sexaginta septem, anno millésimo quingentésimo octogésimo secūdo, Idibus Octóbris, juxta Kalendarii Romāni emendationem. Ei morienti adesse visus est inter Angelorum ágmina Christus Jesus; et arbor árida, cellæ proxima, statim efflóruit. Ejus corpus, usque ad hanc diem incorruptum, odorato liquóre circumfúsus pia veneratione colitur. Miraculis cláruit ante et post óbitum, eámque Gregorius décimus quintus in Sanctórum númerum rétulit.

ꝛ. Afferéntur Regi vírgines post eam, proximæ ejus * Afferéntur tibi in lætítia et exsultatióne. ꝛ. Spécie tua et pulchri-

tudine tua inténde, prospere procéde, et regna. Afferéntur tibi. Glória Patri. Afferéntur tibi.

In III Noct. homilia in Evang. Símile erit, de Comm. Virg. 1º loco.

Ad Laudes et ad alias Horas, ut in Brev.

Ubi conceditur

DIE 16 OCTOBRIS

**BEATÆ MARIÆ
MARGARITÆ
D'YOUVILLE**

VIDUÆ

III classis

In Instituto :

II classis

Bened. Ad societatem.

Lectio iii

MARIÁ Margaríta Du-frost de Lajemmerais, Canadénsi in urbe « Varennes », anno millésimo septingentésimo primo orta, patre immaculata orbata est. Vigésimum autem et unum agens annum, Francisco d'Youville nupsit, cui sex péperit liberos atque summa sui ipsius abnegatione lugendas inter ærumnas fidéliter semper ádfuit. Ætate vero ad-

huc florens viduata atque quatuor orbata liberis, christiænæ institutioni duorum superstium pauperumque servitio totam se dedit, tenui mercatura necessaria ad vitam sibi comparans. Pius dein mulieribus sibi adiunctis conditæque, anno millésimo septingentésimo trigésimo séptimo Marianopolitana in urbe, nova Sodalitate religiosa Sororum a Caritate, tales pro infirmis et pauperibus cuiusvis ætatis, sexus et generis exantlavit labores, ut « Mater caritatis universalis » meruerit vocari. Religiosam familiam, cujus conditrix existit et magistra, in umbra semper humilima delitescens, mirabiliter fovit et propagavit, ut indigentibus ubique opituletur. Ætérnum Patrem ejusque divinam Providentiam, sacratissimum Cor Jesu, beatam Mariam Virginem Immaculatam ejusque Sponsum sanctum Joseph singulári prorsus excóluit pietate; Ecclesiæ ut filia obsequentissima semper paruit. Tot denique laboribus consumpta, in pervi-

gilio Nativitatis Dómini anno millésimo septingentésimo septuagésimo primo, ad Deum, cujus misericordiæ fuerat nuntia et ministra, placide evolavit. Quam sanctitate, charismatibus et miraculis præclaram Jóannes Papa vigésimus tertius in Beatórum album solémni ritu adscripsit.

Te Deum laudamus.

AD LAUDES

ꝛ. Diffusa est grátia in labiis tuis. ꝛ. Propterea benedixit te Deus in ætérnum.

Ad Bened. Ant. Date ei * de fructu manuum suarum, et laudent eam in portis ópera ejus.

Oratio

OMNÍPOTENS et misericors Deus, qui beatam Mariam Margaritam per omnes sémitas ad Crucis imitationem mirabiliter vocasti, ac per illam caritatis igne flagrantem novam in Ecclesiá tua familiam floréscere voluisti : concède propitius, ut ejusdem caritatis et patientiæ vestigia sectantes, præmia consequamur ætérna. Per Dóminum.

Et fit com. S. Hedwigis Viduæ :

Ant. Simile est regnum cælorum homini negotiātorī, quærenti bonas margaritas : inventa una pretiosa, dedit omnia sua, et comparavit eam.

Ÿ. Spécie tua et pulchritudine tua. R. Intēde, prospere procéde, et regna.

Oratio

DEUS, qui beatam Hedwigem a sæculi pompa ad humilem tuæ Crucis sequelam toto corde transire docuisti : concède; ut ejus méritis et exémplo discāmus peritūras mundi calcāre delicias, et in ampléxu tuæ Crucis omnia nobis adversántia superāre : Qui vivis et regnas.

AD VESPERAS

Ÿ. Diffusa est grátia in lábiis tuis. R. Propterea benedixit te Deus in ætérnum.

Ad Magnif. Ant. Manum suam * aperuit inopi, et palmas suas extendit ad páuperem, et panem otiosa non comédit.

Oratio

OMNÍPOTENS et miséricors Deus, qui beatam Mariam Margaritam

per omnes sémitas ad Crucis imitationem mirabiliter vocasti, ac per illam caritatis igne flagrantem novam in Ecclesia tua familiam florēscere voluisti : concède propitius, ut ejusdem caritatis et patientiæ vestigia sectantes, præmia consequamur æterna. Per Dóminum.

In Diœc. Quebecen.
et Sanctæ-Annæ

DIE 22 OCTOBRI

DEDICATIO ECCLESiarum CONSECRATARUM

I classis

Officium de Communi
Dedicationis Ecclesiæ, ut
in Brev.

In Cathedr. Joliett.

DIE 4 NOVEMBRIS

SANCTI CAROLI

EP. ET CONF.

TITULARIS

ECCL. CATHEDR.

I classis

Omnia de Communi
Confessoris Pontificis præter
sequentia.

Oratio

ECCLESIAM tuam, Dómine, sancti Caroli Confessoris tui atque Pontificis continua protectiōne custodi : ut, sicut illum pastorális sollicitudo gloriōsum reddidit; ita nos ejus intercēssio in tuo semper faciat amore fervētes. Per Dóminum.

In I Nocturno lectiones
Fidélis sermo, 1º loco.

In II Nocturno

Pater. Absol. Ipsius pietas.
Bened. Deus Pater.

Lectio iv

CAROLUS, Mediolāni nobili Borromæorum familia natus, quanta futurus esset sanctitate conspicuus, divina lux super parientis matris cubiculum noctu coruscans præsignavit. A pueritia clericali militiæ adscriptus, abbatia postmodum insignitus, patrem admónuit ne réditus in rem familiarem converterentur; quorum ipse nactus administratiōnem, quidquid supérerat, expendebat in páuperes. Adolēscens liberális disciplinis Papiae operam dedit. Castitatem ádeo cóluit, ut impudicas étiam mulieres,

ad labefactandam ejus pudiciam pluries immissas, invicta constantia fugaverit. Vigésimum tertium ætatis annum agens, a Pio quarto ejus avunculo in sacrum cardinalium collegium cooptatus, insigni pietatis ac virtutum omnium splendore præluxit. Mox ab eodem Mediolanensis archiepiscopus creatus, in eo plurimam operam adhūbit, ut, juxta sacrosanctum Tridentinum concilium, quod ejus potissimum sollicitudine jam tum fuerat absolutum, ecclesiam sibi commissam componeret; atque, ut depravatos plebis suæ mores reformaret, præter iteratam sæpius synodorum celebratiōnem, seipsum eximie sanctitatis præbuit exémpplar. In profligandis hæreticis e partibus Rhætorum et Helvetiorum, quorum plurimos ad christianam fidem convertit, maxime laboravit.

R. Inveni David servum meum, oleo sancto meo unxi eum : * Manus enim mea auxiliabitur ei. Ÿ. Nihil proficiet inimicus in eo, et filius iniquitatis non nocēbit ei. Manus.

Bened. Christus perpétuæ.

Lectio v

HUJUS viri caritas præcipue enituit, cum, Uritano principatu vendito, pretium universum, ad quadraginta aureorum millia, una die in pauperes erogavit. Nec minore pietate viginti millia, quæ sibi fuerant legata, distribuit. Ecclesiasticos proventus, quibus ab avunculo copiose fuerat cumulat, dimisit, nonnullis retentis, quibus ad proprios usus et egenorum necessitates utebatur. Quo tempore pestis Mediolani grassabatur, domesticam suppellectilem, ne relicto sibi lectulo, in eisdem alendos contulit, super nuda in posterum tabula decumbens; eoque morbo laborantes sedulo invisens, paterno reficiebat affectu, et Ecclesiæ sacramenta propriis ipse manibus administrans, mirum in modum solabatur. Humillimis interim precibus reconciliator accedens, publica supplicatione indicta, fune sibi ad collum alligato, nudis pedibus etiam offendiculo cruentatis, crucem bajulans,

semetipsum pro peccatis populi hostiam offerens, divinam indignationem avertere satagebat. Ecclesiasticæ libertatis fuit acerrimus propugnator. Disciplinæ vero restituendæ sollicitus, a seditiosis, dum orationi insisteret, tormenti bellici laxata rota, igneo globulo percussus, divina virtute servatur illæsus.

¶ Pôsui adjutorium super potentem, et exaltavi electum de plebe mea : * Manus enim mea auxiliabitur ei. ¶ Inveni David servum meum, oleo sancto meo unxi eum. Manus.

Bened. Ignem suis amoris.

Lectio vi

ABSTINENTIA fuit admirabili; jejunabat sæpissime, pane tantum et aqua, solis quandoque lupinis contentus. Nocturnis vigiliis, asperrimo cilicio, assiduus flagellis corpus domabat. Humilitatis ac mansuetudinis studiosissimus fuit. Orationem ac verbi Dei prædicationem, gravissimis licet curis occupatus, numquam intermisit. Multas ecclesias, monasteria, collégia ædificavit. Plura scripsit,

ad episcoporum præsertim instructionem utilissima; cujus etiam opera parochorum catechismus prædiit. Demum, in solitudinem Varalli montis, ubi sculptis imaginibus Dominicæ passionis mysteria ad vivum repræsentantur, secëssit; ibique, diebus aliquot voluntaria castigatione asperam, sed Christi dolorum meditationibus suavem vitam ducens, in febrim incidit. Mediolanum reversus, ingravescente morbo, cinere ac cilicio coopertus, et oculis in Crucifixi imaginem defixis, migravit in cælum, ætatis anno quadragésimo séptimo, Domini vero millésimo quingentésimo octogésimo quarto, tertio Nonas Novembris. Quem, miraculis clarum, Paulus quintus Pontifex maximus in Sanctorum numerum retulit.

¶ Iste est, qui ante Deum magnas virtutes operatus est, et omnis terra doctrina ejus repléta est : * Ipse intercedat pro peccatis omnium populorum. ¶ Iste est, qui contempsit vitam mundi, et pervenit ad cælestia regna. Ipse. Glória Patri. Ipse.

In III Noct. homilia in Evang. Homo peregre, de Comm. Conf. Pont. 1º loco.

Oratio

ECCLESIAM tuam, Domine, sancti Caroli Confessoris tui atque Pontificis continua protectione custodi : ut, sicut illum pastoralis sollicitudo gloriosum reddidit; ita nos ejus intercessio in tuo semper faciat amore ferventes. Per Dominum.

DIE 5 NOVEMBRIS
**SACRARUM
RELIQUIARUM**
QUÆ IN ECCLESIIIS
ASSERVANTUR

III classis

Omnia de Communi plurim. Mm., et de Psalterio, præter seq.

Bened. Ad societatem.
Ex Tractatu sancti Joannis Damasceni
de fide orthodoxa
Lib. 4, cap. 15

Lectio iii

CHRISTUS Dominus Sanctorum reliquias velut salutares fontes præbuit, ex quibus plurima ad nos beneficia manant, suavissimumque unguentum profuit. Nec vero quisquam his fidem

détrahat. Nam si aqua in deserto ex dura et aspera rupe, atque ex asini maxilla, ad sedandam Samsoni sitim, Deo ita volente, prosiliit, cur incredibile videatur ex Martyrum reliquiis unguentum suave scaturire? Minime certe iis, quibus Dei potentia et honor quo Sanctos suos afficit, perspecta sunt et explorata.

Te Deum laudamus.

AD LAUDES

¶. Exsultabunt Sancti in gloria. R. Laetabuntur in cubilibus suis.

Ad Bened. Ant. Vestri capilli capitis * omnes numerati sunt: nolite timere: multis passeribus meliores estis vos.

Oratio

AUGE in nobis, Domine, resurrectionis fidem, qui in Sanctorum tuorum Reliquiis mirabilia operaris: et fac nos immortalis gloriae participes, cujus in eorum cineribus pignora veneramur. Per Dñm.

AD VESPERAS

¶. Exsultabunt, ut supra. Ad Magnif. Ant. Gaudent in caelis * animae Sanctorum, qui Christi vestigia sunt secuti: et quia pro ejus amore sanguinem

suum fuderunt, ideo cum Christo exsultant sine fine.

In Dioc. Rimouskien.

DOM. 11 NOVEMBRIS

**DEDICATIO
ECCLES. CATHEDR.
et eccles. consecrat.
Dioc.**

I classis

Omnia de Communi
Dedicationis Ecclesiae.

In Vic. Ap. Grouard

DIE 11 NOVEMBRIS

SANCTI MARTINI

EP. ET CONF.

TITUL. ECCL. CATHEDR.

I classis

Omnia de Communi
Conf. Pont., praeter seq.

AD I VESPERAS

Ant. de Laudibus, ut in Brev.; pss. de dominica, sed loco ultimi ps. 116 Laudate Dominum.

Capit. et hymnus de Communi.

¶. Amavit eum Dominus, et ornavit eum. R. Stola gloriae induit eum.

Ad Magnif. Ant. O beatum virum, * cujus anima paradysum possidet! Unde exsultant Angeli, laetantur Archangeli, chorus Sanctorum proclamatur, turba Virginum invitat: Ma-
ne nobiscum in aeternum.

Oratio

DEUS, qui conspicias quia ex nulla nostra virtute subsistimus: concede propitius; ut, intercessionem beati Martini Confessoris tui atque Pontificis, contra omnia adversa muniamur. Per Dominum.

AD MATUTINUM

Invit. et hymnus ut in Brev.

In I Nocturno

Ant. 1, 2 et 3, cum psalmis, ut in Brev.

¶. Amavit eum Dominus, et ornavit eum. R. Stola gloriae induit eum.

Pater. Absol. Exaudi.

Bened. Benedictione.

De Epistola prima

beati Pauli Apostoli

ad Timotheum

Lectio i Cap. 3, 1-7

FIDELIS sermo: Si quis episcopatum desiderat, bonum opus desiderat. Oportet ergo episcopum irreprehensibilem esse, unius uxoris virum, sobrium, prudentem, ornatum, pudicum, hospitalem, doctorem, non vinolentum, non percussorem, sed modestum: non litigiosum, non cupidum, sed suae domui bene

praepositum, filios habentem subditos cum omni castitate. Si quis autem domui suae praesae nescit, quomodo Ecclesiae Dei diligentiam habebit? Non neophytum, ne in superbiam elatus, in iudicium incidat diaboli. Oportet autem illum et testimonium habere bonum ab iis qui foris sunt, ut non in opprobrium incidat, et in laqueum diaboli.

R. Hic est Martinus, electus Dei Pontifex, cui Dominus post Apostolos tantam gratiam conferre dignatus est, * Ut in virtute Trinitatis Deificae mereretur fieri trium mortuorum suscitator magnificus. ¶. Sanctae Trinitatis fidem Martinus confessus est. Ut.

Bened. Unigenitus.

De Epistola ad Titum

Lectio ii Cap. 1, 7-11

OPORTET enim episcopum sine crimine esse, sicut Dei dispensatorem: non superbum, non iracundum, non vinolentum, non percussorem, non turpis lucri cupidum; sed hospitalem, benignum, sobrium, justum, sanctum, continentem,

amplectentem eum, qui secundum doctrinam est, fidem sermonem : ut potens sit exhortari in doctrina sana, et eos, qui contradicunt, arguere. Sunt enim multi etiam inobedientes, vaniloqui et seductores : maxime qui de circumcissione sunt : quos oportet redargui : qui universas domos subvertunt, docentes quæ non oportet, turpis lucri gratia.

R. Domine, si adhuc populo tuo sum necessarius, non recuso subire propter eos laborem : * Fiat voluntas tua. V. Oculis ac manibus in cælum semper intentus, invictum ab oratione spiritum non relaxabat. Fiat.

Bened. Spiritus Sancti.

Lectio III Cap. 2, 1-8

TU AUTEM loquere quæ decent sanam doctrinam : Senes ut sobrii sint, pudici, prudentes, sani in fide, in dilectione, in patientia : Anus similiter in habitu sancto, non criminatrices, non multo vino serviētes, bene docentes : ut prudentiam doceant adolescentulas, ut viros suos ament, filios suos diligant, prudentes, ca-

stas, sobrias, domus curam habentes, benignas, subditas viris suis, ut non blasphemetur verbum Dei. Juvenes similiter hortare ut sobrii sint. In omnibus teipsum præbe exemplum bonorum operum, in doctrina, in integritate, in gravitate, verbum sanum, irreprehensibile : ut is, qui ex adverso est, vereatur, nihil habens malum dicere de nobis.

R. O beatum virum Martinum antistitem, * Qui nec mori timuit, nec vivere recusavit! V. Domine, si adhuc populo tuo sum necessarius, non recuso laborem : fiat voluntas tua. Qui. Gloria Patri. Qui.

In II Nocturno

Ant. 4, 5 et 6, cum psalmis, ut in Brev.

V. Eliguit eum Dominus sacerdotem sibi. R. Ad sacrificandum ei hostiam laudis.

Pater. Absol. Ipsius pietas.

Bened. Deus Pater.

Lectio IV

MARTINUS, Sabariæ in Pannonia natus, cum decimum attigisset annum, invitis parentibus ad ecclesiam

confugiens, in catechumenorum numerum adscribi voluit. Quindecim annos natus in militiam profectus, primum in Constantii, deinde Juliani exercitu militavit. Qui, cum nihil haberet præter arma et vestimentum quo tegebatur, Ambiani, pauperi ac nudo, ab eo petenti ut Christi nomine sibi elemosynam tribueret, partem chlamydis dedit. Cui sequenti nocte Christus, dimidiata illa veste indutus, apparuit, hanc mitens vocem : Martinus catechumenus hac me veste contexit.

R. Oculis ac manibus in cælum semper intentus, * Invictum ab oratione spiritum non relaxabat. V. Dum sacramenta offerret beatus Martinus, globus igneus apparuit super caput ejus. Invictum.

Bened. Christus perpetuus.

Lectio V

DECIM et octo annos cum haberet, baptizatus est. Quare, relicta militari vita, ad Hilarium Pictaviensem episcopum se contulit, a quo in acolythorum numerum redactus est. Post, factus epi-

scopus Turonensis, monasterium ædificavit, ubi cum octoginta monachis sanctissime aliquamdiu vixit. Qui, cum postea ad Candacensem vicum suæ diocesis in gravem febrem incidisset, assidua Deum oratione precabatur, ut se ex illo mortali carcere liberaret. Quem audientes discipuli, sic rogabant : Cur nos, pater, deseris ? Cui nos miseros derelinquis ? Quorum voce commotus, Martinus ita Deum orabat : Domine, si adhuc populo tuo sum necessarius, non recuso laborem.

R. Beatus Martinus obitum suum longe ante præscivit, dixitque fratribus, * Dissolutionem sui corporis imminere, quia judicabat se jam resolvi. V. Viribus corporis cepit repente destitui, convocatisque discipulis dixit. Dissolutionem.

Bened. Ignem sui amoris.

Lectio VI

SED, cum eum in illa vehementi febre supinum orantem viderent discipuli, suppliciter ab eo petierunt, ut, converso corpore, tantisper, dum remitteret morbi vis,

pronus conquiesceret. Quibus Martinus, Sinite me, inquit, cælum potius quam terram aspicere, ut, suo jam itinere iturus ad Dóminum, spíritus dirigátur. Instánte jam morte viso humáni géneris hoste, Quid, inquit, astas, cruénta béstia? nihil in me funéste repéries. Ea in voce, unum et octoginta annos natus, ánimam Deo reddidit; quam Angelórum chorus excépit, eósque divinas canéntes laudes multi, in primisque sanctus Severinus Coloniénsis episcopus, audiérunt.

Ry. Dixérunt discipuli ad beátum Martinum: Cur nos, pater, déseris, aut cui nos desolátos relínquis? * Invádent enim gregem tuum lupi rapáces. V. Scimus quidem desideráre te Christum, sed salva sunt tibi tua prámia: nostri potius miserére, quos déseris. Invádent enim. Glória Patri. Invádent enim.

In III Nocturno

Ant. 7, 8 et 9, cum psalmis, ut in Brev.

V. Tu es sacerdos in ætérnum.

Ry. Secundum ordinem Melchisedech.

Pater. Absol. A vinculis. Bened. Evangélica lectio.

Lectio sancti Evangelii secundum Lucam

Lectio vii Cap. 11, 33-36

IN illo témpore: Dixit Jesus discipulis suis: Nemo lucérnam accéndit et in abscondito ponit neque sub módio, sed supra candelábrum, ut qui ingrediúntur, lumen vídeant. Et reliqua.

Homília sancti Ambrósii

Episcopi

Lib. 7 Comment. in Luc. c. 11, post initium

QUIA in superióribus Ecclésiám Synagógæ prætulit, hortátur nos ut fidem potius nostram ad Ecclésiám transferámus. Lucérna enim fides est, juxta quod scriptum est: Lucérna pedibus meis verbum tuum, Dómine. Verbum enim Dei fides nostra est; Verbum Dei lux est; Lucérna est fides: Erat Lux vera, quæ illúminat omnem hóminem veniéntem in hunc mundum. Lucérna autem lucére non potest, nisi aliúnde lumen accéperit.

Ry. O beátum virum, in cuius tránsitu Sanctórum canit número, Angelórum exsúltat chorus, * Omniúmque cæléstium Virtútum occúrrit psalléntium exércitus! V. Ecclésia virtúte roborátur, sacerdótes Dei revelatióne glorificántur, quem Michaél assúmpsit cum Angelis. Omniúmque.

Bened. Cujus festum.

Lectio viii

HÆC est lucérna quæ accénditur, virtus scilicet nostræ mentis et sensus, ut drachma illa possit, quæ perierat, reperiri. Nemo ergo fidem sub lege constítuat; lex enim intra mensúram est, ultra mensúram grátia; lex obúbrat, grátia clarificat. Et ideo nemo fidem suam intra mensúram legis inclúdat, sed ad Ecclésiám cónferat, in qua septifórmis Spíritus relúcet grátia, quam Princeps ille sacerdotum fulgóre supérnæ divinitátis illúminat, ne eam legis umbra restínguat.

Ry. Martinus Abrahæ sinu lætus excípitur: Martinus, hic pauper et módi-

cus, * Cælum dives ingréditur, hymnis cæléstibus honorátur. V. Martinus episcopus migrávit a sæculo: vivit in Christo gemma sacerdotum. Cælum. Glória Patri. Cælum.

Bened. Ad societátem.

Lectio ix

DÉNIQUE lucérna illa, quam matutinis vesperatinisque temporibus, ritu veteri Judæorum, princeps sacerdotum solébat accéndere, velut sub módio sita legis evánuít; et civitas illa Jerúsalem quæ in terris est, quæ occidit prophétas, quasi in conválle fletus pósito delitescit. Illa autem Jerúsalem quæ in cælo est, in qua militat fides nostra, in illo altíssimo ómnium locáta monte, hoc est Christo, non potest ténebris et ruínis hujus mundi abscondi; sed, fulgens candóre Solis ætérni, luce nos grátia spiritalis illúminat.

Te Deum laudámus.

Ad Laudes et alias Horas, ut in Brev.

Complet. de dominica.

In Cathedr. Campivall.

DIE 22 NOVEMBRIS

SANCTÆ CECILIÆ

VIRG. ET MART.

TITULARIS

ECCL. CATHEDR.

I classis

Omnia de Communi
Virg., præter seq.

AD I VESPERAS

Ant., capit. et hymnus de
Laud., ut in Brev.; psalmi
ut in Comm. festorum
B. Mariæ Virg.

Ÿ. Spécie tua et pulchritudine
tua. R. Intènde, prospere
procède, et regna.

Ad Magnif. Ant. Est secretum,
* Valeriâne, quod tibi volo dicere :
Angelum Dei habeo amatorem,
qui nimio zelo custodit corpus meum.

Oratio

DEUS, qui nos annua
beatæ Cæciliæ Virginis
et Mátyris tuæ sollemnitate
lætificas : da, ut,
quam venerámur officio,
etiám piæ conversatiónis
sequámur exémplo. Per
Dóminum.

In I Nocturno

Ant. 1, 2 et 3, cum psalmis,
ut in Brev.

Ÿ. Spécie tua et pulchritudine
tua.

R. Intènde, prospere procède,
et regna.

Pater. Absol. Exáudi.

Bened. Benedictione.

De Epístola prima beati
Pauli Apóstoli ad Corínthios

Lectio i Cap. 7, 25-40

DE VIRGÍNIBUS præceptum
Dómini non habeo : consilium
autem do, tamquam misericórdiam
consecútus a Dómino, ut sim fidélis.
Existimo ergo hoc bonum esse
propter instántem necessitátem,
quóniam bonum est hómini sic esse.
Alligátus es uxóri? noli quærere
solutiónem. Solútus es ab uxóre?
Noli quærere uxórem. Si autem
accéperis uxórem, non peccásti.
Et si nupsérít virgo, non peccávit.
Tribulatióne tamen carnis habébunt
hujúsmodi. Ego autem vobis parco.
Hoc itaque dico, fratres :
Tempus breve est : reliquum est,
ut et qui habent uxóres, tamquam
non habéntes sint : et qui flent,
tamquam non flentes ; et qui gaudent,
tamquam non gaudentes ; et qui
emunt, tamquam non possidentes :
et qui utúntur hoc mundo, tamquam

non utántur ; præterit enim
figúra hujus mundi.

R. Cantántibus órganis,
Cæcilia virgo in corde suo
soli Dómino decantábat
dicens : * Fiat, Dómine,
cor meum et corpus meum
immaculátum, ut non
confúndar. Ÿ. Biduánis et
triduánis jejúniis orans,
commendábat Dómino
quod timébat. Fiat.

Bened. Unigénitus.

Lectio ii

VOLO autem vos sine
sollicitúdine esse. Qui
sine uxóre est, sollicitus
est quæ Dómini sunt, quómodo
pláceat Deo. Qui autem
cum uxóre est, sollicitus
est quæ sunt mundi,
quómodo pláceat uxóri ;
et divisus est. Et mulier
innúpta et virgo cógitat
quæ Dómini sunt, ut sit
sancta corpore et spíritu.
Quæ autem nupta est,
cógitat quæ sunt mundi,
quómodo pláceat viro.
Porro hoc ad utilitatem
vestram dico, non ut láqueum
vobis injíciam, sed ad id,
quod honéstum est, et quod
facultátem præbeat sine
impediménto Dóminum
obsecrándi.

R. O beata Cæcilia, quæ
duos fratres convertisti,
Almáchium júdicem su-

perásti, * Urbánum episcopum
in vultu angélico demonstrásti.
Ÿ. Quasi apis argumentósa
Dómino deservísti. Urbánum
episcopum.

Bened. Spíritus Sancti.

Lectio iii

SI QUIS autem turpem se
vidéri existimat super
virgine sua, quod sit superadúlta,
et ita oportet fieri ; quod vult
faciat : non peccat, si nubat.
Nam, qui státuit in corde
suo firmus, non habens
necessitátem, potestátem
autem habens suæ voluntátis,
et hoc judicávit in corde
suo serváre virginem suam,
bene facit. Igitur et qui
matrimónio jungit virginem
suam, bene facit ; et qui non
jungit, mélius facit. Mulier
alligáta est legi quanto
tempore vir ejus vivit. Quod
si dormierit vir ejus, liberáta
est ; cui vult nubat, tantum
in Dómino. Beátior autem
erit, si sic permanserit,
secúndum meum consilium ;
puto autem quod et ego
Spíritum Dei habeam.

R. Virgo gloriósa semper
Evangélium Christi gerébat
in pectore, et non diébus
neque nóctibus

vacabat * A colloquiis divinis et oratione. *ꝿ.* Expansis manibus, orabat ad Dñm, et cor ejus igne cælesti ardēbat. A colloquiis. Glória Patri. A colloquiis.

In II Nocturno

Ant. 4, 5 et 6, cum psalmis, ut in Brev.

ꝿ. Adjuvabit eam Deus vultu suo. *Ꝟ.* Deus in medio ejus, non commovebitur.

Pater. Absol. Ipsius pietas. Bened. Deus Pater.

Lectio iv

CÆCILIA, virgo Romana, nobili genere nata, a prima ætate christianæ fidei præceptis instituta, virginitatem suam Deo vovit. Sed, cum postea, contra suam voluntatem, data esset in matrimonium Valeriano, prima nuptiarum nocte hunc cum eo sermonem habuit : Ego Valeriane, in Angeli tutelam sum, qui virginitatem meam custodit; quare ne quid in me committas, quo ira Dei in te concitetur. Quibus verbis commotus Valerianus, illam attingere non est ausus; quin etiam addidit se in Christum crediturum, si eum Angelum vidēret.

Cui Cæcilia cum sine baptismo negaret id fieri posse, incensus cupiditate vidēdi Angelum, se baptizari velle respondit. Quare hortatu Virginis ad Urbānum Papam, qui propter persecutionem in Martyrum sepulcris via Appia latēbat, veniens ab eo baptizatur.

Ꝟ. Cilicio Cæcilia membra domabat, Deum gemitibus exorabat, * Tiburtium et Valerianum ad coronas vocabat. *ꝿ.* Hæc est Virgo sapiens, et una de numero prudentum. Tiburtium.

Bened. Christus perpetua.

Lectio v

INDE ad Cæciliam reversus, orāntem et cum ea Angelum divino splendore fulgentem invenit. Quo aspectu obstupescens, ut primum ex timore confirmatus est, Tiburtium fratrem suum accersit; qui, a Cæcilia Christi fide imbutus et ab eodem Urbāno baptizatus, ipse etiam ejusdem Angeli, quem frater ejus viderat, aspectu dignatus est. Uterque autem paulo post, Almachio præfecto, constanter martyrium subiit. Cui

mox Cæciliam comprehēdit; imperat, ab eaque primum, ubi Tiburtii et Valeriani facultates sint, exquirat.

Ꝟ. Cæciliam intra cubiculum orāntem invenit, et juxta eam stantem Angelum Dñi : * Quem videns Valerianus, nimio terrore correptus est. *ꝿ.* Angelus Dñi descendit de cælo, et lumen refulsit in habitaculo. Quem videns.

Bened. Ignem sui amoris.

Lectio vi

CUI, cum Virgo omnia illorum pauperibus distributa esse respondisset, eo furore concitatus est, ut eam, in ipsius ædes reductam, in balneo comburi jussisset. Quo in loco cum diem noctemque ita fuisset ut ne flamma quidem illam attingeret, eo immissus est carnifex, qui ter securi ictam, cum caput abscindere non potuisset, semivivam reliquit. Illa triduo post, sextodécimo Kalēdas Octōbris, Alexandro imperatore, duplici virginitatis et martyrii palma decorata, evolavit in cælum. Cujus corpus ab ipso Urbāno Papa in Callisti cœmetério se-

pultum est, in ejus ædibus ecclesia ipsius Cæciliæ nomine consecrata. Ejus et Urbani ac Lúci Pontificum, Tiburtii, Valeriani et Máximi corpora, a Paschali primo Pontifice inde translata in Urbem, in eadem sanctæ Cæciliæ ecclesia condita sunt.

Ꝟ. Dñe Jesu Christe, pastor bone, seminatore casti consilii, suscipe semen fructus quos in Cæcilia seminasti : * Cæcilia fāmula tua quasi apis tibi argumentosa deservit. *ꝿ.* Nam sponsum, quem quasi leonem ferocem accepit, ad te quasi agnum mansuetissimum destinavit. Cæcilia. Glória Patri. Cæcilia.

In III Nocturno

Ant. 7, 8 et 9, cum psalmis, ut in Brev.

ꝿ. Elégit eam Deus, et præelégit eam. *Ꝟ.* In tabernaculo suo habitare facit eam.

Pater. Absol. A vinculis. Bened. Evangélica lectio.

Lectio sancti Evangelii secundum Matthæum

Lectio vii Cap. 25, 1-13

IN illo tempore : Dixit Jesus discipulis suis parabolam hanc : Simile erit

regnum cælorum decem virginibus, quæ, accipientes lampades suas, exierunt obviam sponso et sponsæ. Et reliqua.

Homilia sancti Joannis Chrysostomi

Homilia 79 in Matth. post init.

QUAM ob causam in persóna virginum hanc parabolam profert, nec qualemcumque persónam sine discrimine subijcit? Magna quædam de virginitate disseruerat dicens: Sunt eunuchi, qui seipsum castraverunt propter regnum cælorum; et, Qui potest capere, capiat. Nec ignorabat, de virginitate magnam esse vulgo existimationem, quippe cum sit ea res natura sublimis: quod inde patet, quia neque in veteri Testamento a priscis illis sanctisque viris culta fuit, et in novo nulla legis necessitate jubetur. Non enim id imperavit, sed fidelium voluntati permisit. Unde et Paulus ait: De virginibus autem præceptum Domini non habeo; et laudo quidem eum, qui hoc sectatur institutum, nolentem au-

tem non cogo, neque eam rem præceptum facio.

R. Beata Cæcilia dixit Tiburtio: Hodie te fateor meum esse cognatum, quia amor Dei te fecit esse * Contemptorem idolorum. V. Sicut enim amor Dei mihi tuum fratrem conjugem fecit, ita te mihi cognatum fecit esse. Contemptorem.

Bened. Cujus festum.

Lectio viii

QUONIAM igitur et magna res erat, ac de ea apud multos magna erat existimatio, ne quis, ea perfecta, se totum perfectisse putaret ac cetera negligeret, hanc parabolam posuit: ut ostenderet, virginitatem, quamvis cetera habeat, si misericordie bonis caruerit, cum fornicatoribus ejici. Ac merito quidem inhumanum ac misericordia carentem cum illis collocat; fornicator enim corporum, istæ vero pecuniarum cupiditate vincuntur. Non est autem corporum et pecunie par cupiditas; sed acrior multo atque vehementior illa corporum est. Quanto igitur cum imbecilliore luctantur, tanto

minus venia dignæ sunt, si vincantur. Idcirco etiam fatuas appellavit; quoniam, majori certamine superato, in faciliore totum perdidērunt.

R. Cæcilia me misit ad vos, ut ostendatis mihi sanctum antistitem: * Quia ad ipsum habeo secreta quæ perferam. V. Tunc Valerianus perrexit, et, signo quod acceperat, invenit sanctum Urbanum. Quia. Gloria Patri. Quia.

Bened. Ad societatem.

Lectio ix

LAMPADES autem hoc loco illud ipsum virginitatis donum appellat et sanctimonie puritatem: oleum vero benignitatem, eleemosynam, impensum indigentibus auxilium. Tardante autem sponso, dormitaverunt omnes, et

dormierunt. Non parvum temporis rursus spatium interjectum ostendit, ut discipulos, regnum ipsius mox futurum expectantes, ab ea opinione deduceret; id enim illi sperabant: quapropter crebro ab hujusmodi eos spe revocat. Ad hoc, illud quoque indicat, somnum quemdam esse mortem. Dormierunt, inquit; media autem nocte clamor factus est: vel, ut in eadem parabola persistat, vel rursus ostendit in nocte futuram esse resurrectionem. Clamorem etiam Paulus commemorat, dicens: In jussu, in voce Archangeli, in novissima tuba descendet de cælo.

Te Deum laudamus.

Ad Laudes et ad alias Horas, ut in Brev.

Complet. de dominica.

In Cathedr. Victorien., Vancouver. et Reginaten.

DIE 30 NOVEMBRIS

SANCTI ANDREÆ

APOSTOLI, TITULARIS ECCLESIE CATHEDR.

I classis

Omnia ut in Brev.

Ad I Vesperas, ut ad II, cum ant. ad Magnif. Unus ex duobus.

INDEX

Andree Ap. (30 Nov.).....	73
Annæ Matris B. Mariæ Virg. (26 Julii).....	27
Antonii de Padua Conf. et Eccl. Doct. (13 Junii).....	23
Bonifatii Ep. et Conf. (5 Junii).....	16
Cæcilie Virg. et Mart. (22 Nov.).....	68
Caroli Ep., Conf. et Eccl. Doct. (4 Nov.).....	58
Columbæ Abb. (9 Junii).....	20
Dedicatio Eccl. Cathedr. Quebecen. (11 Julii).....	26
— S. Michaëlis Archangeli (29 Sept.).....	44
— Eccl. Cathedr. Trifluvian. (30 Sept.).....	45
— Ecclesiarum Quebecen. (22 Oct.).....	58
— Eccl. Cathedr. Rimouskien. et eccl. consecrat. Diœc. (Dom. II Nov.).....	62
Dunstani Ep. et Conf. (19 Maji).....	1
Germani Parisiensis Ep. et Conf. (28 Maji).....	2
Hieronymi Conf. et Eccl. Doct. (30 Sept.).....	45
Hyacinthi Conf. (17 Aug.).....	27
Jacobi Ap. (25 Julii).....	26
Joannæ de Arc Virg. (30 Maji).....	6
Joannis de Brébeuf, Isaaci Jogues et Soc. Mm. (26 Sept.)..	39
Joannis Eudes Conf. (19 Aug.).....	29
Ludovici Regis Conf. (25 Aug.).....	31
Mariæ Virg. Reginæ mundi (31 Maji).....	16
— Ssmi Nominis (22 Sept.).....	35
— a Rosario (7 Oct.).....	53
Margaritæ d'Youville (16 Oct.).....	56
Mariæ Goretti Virg. et Mart. (9 Julii).....	25
Martini Ep. et Conf. (11 Nov.).....	62
Petri Claver Conf. (9 Sept.).....	34
Ss. Petri et Pauli (29 Junii).....	25
Reliquiarum sacrarum (5 Nov.).....	61
Teresiæ Virg. (15 Oct.).....	53
Teresiæ a Jesu Infante Virg. (3 Oct.).....	48